M. UMAROVA, X. XAMRAKULOVA, R. TOJIBOYEVA



#### Umumiy oʻrta ta'lim maktablarining 3- sinfi uchun darslik

4- nashri

Oʻzbekiston Respublikasi Xalq ta'limi vazirligi tasdiqlagan



"OʻQITUVCHI" NASHRIYOT-MATBAA IJODIY UYI TOSHKENT – 2019 Mas'ul muharrir: Ulug'bek Hamdamov - filologiya fanlari doktori.

Taqrizchilar:

Baxtiyor Mengliyev	– filologiya fanlari doktori, professor;
Qimmatxon Mamatqulova	- RTM boshlang'ich ta'lim bo'limi
	metodisti;
Ma'mura Zohidova	- Oʻzbekiston Yozuvchilar uyushmasi
	oʻquv-metodika boʻlimi bosh mutaxassisi;
Fotima Karimova	– Toshkent shahar Chilonzor tumani
	281-maktab boshlang'ich sinf o'qituv-
	chisi.

#### Shartli belgilar:



#### Respublika maqsadli kitob jamgʻarmasi mablagʻlari hisobidan chop etildi.

M. Umarova va b.
 "Oʻqituvchi" NMIU, 2019

ISBN 978-9943-22-349-3

# **BIZ BUYUK YURT FARZANDIMIZ**



Vatan madhi

Orif To'xtash

Dunyoda yurtlar koʻp, turli xalqlar yashaydi. Lekin har bir odam bolasining aziz bilgan tuprogʻi bor.

Bu tugʻilib oʻsgan joyi, oʻz Vatanidir.

Bizning Vatanimiz esa – jonajon Oʻzbekiston! Biz mana shu aziz zamin farzandlarimiz! Biz ulugʻ bobolarimizdan meros bu azim tuproqning har zarrasini koʻzga surtamiz, muqaddas hisoblaymiz!

Aslida, yer yuzasini qamrab turgan barcha hududning tuprogʻi bir xil. Biroq uni tabarruk qilguvchi shu zamin egalaridir. Bizning Oʻzbekiston deya atalmish serquyosh Vatanimizda ne-ne mutafakkirlar, qanchadan qancha aziz-u avliyolar, olim-u fuzalolar kamolga yetmadi, deysiz?! Shuning uchun ham bu zaminni dunyo ahli buyuk deya e'tirof etishadi. Shu ma'noda biz buyuklar yurti farzandlarimiz. Bundan faxrlanamiz. Ammo unutmasligimiz ham kerakki, dunyolarga dars bergan ulugʻ bobokalonlarimizning tabarruk qoni bugun bizning tomirlarimizda joʻsh urmoqda! Aziz bolajon! Sizning safingizda iqtidorsiz yo-

ki uquvsiz bolaning oʻzi yoʻq. Kelajak orzular sari eltguvchi barcha imkoniyatlarga egasiz!

1. Nima uchun matn "Vatan madhi" deb nomlangan?

2. Siz Vataningiz ravnaqi uchun qanday hissa qoʻshmoqchisiz?

### Yurtim jamoli



Dilshod Rajab

Yurtimizni aylandik, Maqtovga soʻz sayladik: Toshkent asli bosh shahar, Bagʻri nur-quyosh shahar.

Sirdaryo – Gulistonim, Jizzax – bogʻ-u boʻstonim. Maydonlarda mard kelgan, Qashqadaryo, Surxonim.

Nuroniy Samarqandim Yer yuzining sayqali. Gʻurur qoʻshar koʻksiga Temur bobom haykali.

llm uyi Buxoro, Har toshi hikmat, ma'no. Xorazmning savlat-u San'atiga tasanno.

Qoshi qora, qalbi oq, Qadrdon qoraqalpoq. Navoiy nomin olib, Oltin berar bu tuproq.

Fargʻona-yu Andijon, Namangan – shohi gulim. Nomin tilga olsang bas, Ochilar bahr-u diling.

Nomi dilga darmonim – Ulugʻ Oʻzbekistonim.



She'rda nomlari qayd etilgan shaharlar haqida nimalarni bilasiz?



She'rni yod oling.



# Yangi uy

Hamidulla Murodov

### (Hikoya)

 Qishlogʻimiz chekkasidagi eski bogʻ oʻrnida gʻishtli, chiroyli uylar quriladigan boʻlibdi!
 Bu gapni sinfdoshimiz Xurshidbek topib kel-

di. Oʻrtoqlari birpasda uni oʻrab olishdi.

– Qanaqa uylar deding?

– Kimlar qurar ekan?

- Kimlar turadi yangi uylarda?..

Kim quradi demay, quradiganlar kim ekan, deb soʻranglar. Bilasizmi, ular kim?
 Sinfga kirib kelgan ustozlari Orif aka bolalarning savollariga savol bilan murojaat qildi.
 Bilmay turibmiz-da, ustoz! Bilolmay tu-

ribmiz...

– Unda gapimni yaxshilab eshitib olinglar. Bu quriladigan uylar qishlogʻimizning uyga ehtiyoji bor yosh oilalariga ekan. Qurilayotgan uylar siz-u bizniki. Endi kimning boʻsh vaqti boʻlsa, oʻqishdan keyin yordamga chiqsin. Quruvchilarga gʻisht, qum, tuproq yetkazib turishda baholi qudrat yordam berasizlar.

Shu kuni darsdan keyin Xurshidbek koʻchasidagi oʻrtoqlari bilan qurilish boʻlayotgan joyga borishdi. Bolalarni koʻrib Bunyodbek amaki juda xursand boʻldilar.

6



 Sizlami oʻzim yordamga chaqirmoqchi boʻlib turgandim, – dedilar. – Yaxshiyam oʻzingiz kelib qoldingiz. Endi gap shu, uylar qishloqniki, demak, sizlarniki ham. Shunday ekan, ustalarimizga gʻisht, qum, tuproq tashib berib tursangiz xursand boʻlardik.

- Yordam beramiz! Yordam beramiz!

Yoz tugamay, yangi uylar qad rostlab, bir chekkadan bita boshladi. Uyning egalari ko'chib kela boshlashdi. Bu orada yangi o'quv yili boshlandi. Bir hafta o'qigan ham edik, bir kuni Xurshidbekning dadasi Bunyodbek amaki oila a'zolariga quvonchli xabarni aytdi.

Xurshidbeklar oilasi ham yangi uyga koʻchadigan boʻlishdi. Xurshidbek keyin bilsa, yosh oilalar qatori yangi bitgan uylardan biri ularning oilasiga berilgan ekan.



1. Xurshidbek bolalarga qanday yangilikni yetkazdi?

2. Bunyodbek amaki nima uchun xursand boʻldi?



#### Vatan desam...

Ulugʻbek Hamdam

Vatan desam, koʻzimga Qatra-qatra yosh kelar. Yosh ichida miltirab, Buyuk bir bardosh kelar!

Vatan desam, tilimga Temur-u Bobur kelar. Moziylarni uygʻotib, Doʻmbira, tanbur kelar!

Vatan desam, yuragim Navolarga toʻlgaydir. Niyatni yaxshi qilsak, Navoiy tugʻilgaydir!

Vatan – muqaddas dargoh, Imon kabi saqla sen!



Otang bergan isming-u Onang sutin oqla sen! Vatan degin, dilbandim, Gʻaflatlarda yotma hech. Vatan bu oʻzligingdir, Yot ufqqa botma hech!

Vatan desang, oʻyingga Ulugʻ shu xalqing kelsin! Shu xalqing osmonida Quyoshdek balqqing kelsin!.. Vatan degin, dilbandim!..

1. She'rni ifodali oʻqing.

- 2. Siz Vataningizni qanday ta'riflaysiz?
- 3. Vatan deganda nimalar koʻz oldingizga keladi?



### Opa-singil daryolar

Goʻzal Begim

#### (Ertak)

#### 1

Bir bor ekan, bir yoʻq ekan, uch opa-singil daryolar boʻlgan ekan. Kattasining ismi Amudaryo, oʻrtanchasiniki Sirdaryo va kenjasining ismi Zarafshon ekan. Amudaryo kattasi boʻlgani uchun Tojikistonning Panj viloyatidan Orol dengizigacha boʻlgan masofada yumushlarni bajarar, hammaga shirindan shakar zilol suvini



ulashar ekan. Amudaryoni barcha dov-daraxtlar, giyohlar va ekin-tikinlar yaxshi koʻrar ekan. U Qoraqum va Qizilqum choʻllarini ikkiga ajratib turarkan. Oʻzbekiston orqali turkman eliga oʻtib, suv tashir, qaytib kelib, Orol dengiziga quyilarkan. Uning shahd-u shiddati juda moʻl, koʻplab ishlarni yolgʻiz oʻzi bajarar ekan.

Sirdaryo ham goʻzallikda opasi Amudaryodan qolishmas ekan. Uning qaddi raso, yuzlari tiniq, sochlari Amudaryoday shovullab turarkan. Sirdaryo Norin va Qoradaryo kabi daryolarning birlashishidan hosil boʻlib, bu sirni hammadan sir tutib yasharkan. Chaqqonlikda opasi Amudaryoga teng kelolmasa ham, harakatdan toʻxtamas ekan. Ancha-muncha yumushlarda opasiga yordamchi ekan. Kenjaoy Zarafshon esa jajji boʻlgani uchun har bir qiligʻi oʻziga yarashar ekan. Uch opasingil juda ahil, inoq, halol mehnat qilib kun kechirisharkan. Biri daraxtlarga suv quysa, ikkinchisi tuproqni yashnatar ekan. Uchinchisi esa havoning namligini bir maromda ushlashga hissa qoʻsharkan. Ayniqsa, opalari Amudaryo "Yaxshilik qil-u, suvga ot, suv bilmasa baliq bilur, baliq bilmasa Xoliq bilur", degan maqolni tez-tez takrorlar ekan. Bu naql Sirdaryo va Zarafshonning quloqlariga tilla zirakday taqilibdi. Opa-singil daryolarning bagʻri kengligidan suvosti dunyosining oʻsimlig-u jonivorlari xotirjam maktabga, ishga qatnar ekan.

1. Opa-singil daryolar haqida nimalarni bilib oldingiz?

2. Ertakdagi maqolni qanday tushundingiz?

### 2

Uch opa-singil jahl, gʻazab nimaligini bilmas, shuning uchun atrofdagilar bir-birini ularning ismi bilan duo qilgani qilgan ekan:

– Shahding, qudrating Amudaryoday boʻlsin, Sirdaryoday uyingga baraka kirsin, Zarafshonday shonli, shavkatli boʻlgin!

Oʻzlariga qiyosan qilingan duolar opa-singil daryolarga juda ham yoqarkan. Ular shu bois ham oʻz ahdlaridan qaytmay, zavqlanib naf

keltirishda davom etishibdi. Olis-olislarda oʻz gavmdoshlari oʻzanidan toshib, haddidan oshib, toshqinlarga sababchi boʻlib odamlarning, tabiatning umriga zomin boʻlishganini eshitishsa, gattiq xafa boʻlisharkan.

Uch opa-singil koʻnglining ochiqligi, saxiyligi, yaxshilikdan tolmasligi, g'azab va gahrdan yirogligi bois kundan kunga yasharib, umri uzayaveribdi. Ular bilan doʻst boʻlib yashayotgan odamlar esa hali ham farzandlariga Amudaryo, Sirdarvo, Zarafshon degan ismlarni qoʻyib, daryolarni farzandlariga qoʻshib suyarkanlar. Amudaryo, Sirdaryo, Zarafshon esa toza qalbini ona zaminga qo'yib, olis-olis masofalarga oqishdan tolmay elga xizmatda ekan.

1. Odamlar bir-birini qanday duo qilishar ekan?
 2. Siz yana qanday daryolarni bilasiz?

Birlikda baraka bor.



# Obod mahalla bo'ylab

Kavsar Turdiyeva

Bizning mahalla-yu ko'y, Har bir xonadon va uy, Mehrlarga to'lmogda, Shundan obod boʻlmoqda.


Unda har bekat, guzar, Insonlar bilan goʻzal.

Gullarga toʻlgan rasta, Tutar sizga guldasta.

Bizda doim qaynar ish, Har soatda oʻzgarish. Unda bilim oʻchogʻi, Quvnoq maktab quchogʻi.

Mahalla bolalari Tarqalib turli yoqqa, Oʻynashar koʻzboylagʻich, Bekinmachoq va soqqa.

Mahallam ajib koʻrkam, U ham bir kichik oʻlkam.



2. Mahallani Vatan desa boʻladimi?



Oʻzingiz yashayotgan mahalla haqida kichik matn tuzing.



### Vatanni tanish

#### Muhabbat Hamidova

Mening ismim Firdavs. Qishloqda tugʻilganman. Dadam bilan oyijonim meni erkalatishadi, biroq buvim bilan buvam tergab turishadi. Bizning kattakon bogʻimiz bor. Unda olma, gilos, shaftoli, anjir – qoʻyingki, barcha mevali daraxtlar oʻsadi. Bu daraxtlarni hammasini buvam oʻz qoʻllari bilan ekkanlar.

Buvamning aytishlaricha, har narsaga yoshlikdan mehr qoʻyish kerak ekan. Ana shunda bolaning imoni but boʻladi, Vatanni taniydi, uning qadriga yetadi. Uning nima ekanligini yurakdan his qiladi. Vatan himoyasiga ham tayyor turadi, deydilar dadamga takror-takror.

– Buva, Vatan degani nima? – soʻrayman qulogʻimga bot-bot chalinadigan bu soʻzni tushunib olish uchun.

– Vatan bu men sen bilan har kuni mehnat qiladigan bogʻ, qoʻshni bolalar bilan chopqillab oʻynab yurgan koʻchang, senga bilim berayotgan maktabing, oxir-oqibat, qarindosh-urugʻ, butun millatimizga makon boʻlgan yurt mustaqil Oʻzbekistonimizdir. Imoni butun odam Vatanni yurakdan his qiladi, ardoqlaydi. Kerak boʻlsa, koʻksini qalqon qilib, himoya qiladi.

Buvamning soʻzlari meni sehrlab qoʻyadi.

– Buvajon, bogʻimizdagi daraxtlarni, gulzorimizdagi gullarni yaxshilab parvarishlasam, Vatanni parvarishlagan boʻlamanmi? – soʻrayman hayajonlanib.

 Albatta, axir Vatan ostonadan boshlanadi, – deydilar buvam meni bagʻrilariga bosib.

14

1. Firdavsning bobosi bogʻda qanday yumushlarni bajaradi?

2. Bobo va nabira nima haqida suhbatlashdilar?

Vatan ostonadan boshlanadi.

### Savollarga javoblar



Xolmurod Safarov

Til nimaga berilgan
 Qizlar bilan bolaga?
 Tongda salom aytgani
 Ota bilan onaga.
 Xafa boʻlib gohida
 Qovogʻini uyganda,
 Shu payt shirin soʻz kerak,
 Qalbiga nur quyganda.

Qoʻl nimaga berilgan?
Yerga don-dun sochgani.
Erta bahor kelganda,
Bogʻ jamolin ochgani.
Turli hunar oʻrganib,
Turfa kasbni bilishga.
Yiqilganni turgʻazib,
Savob ishlar qilishga.

Quloq nega berilgan?
Yaxshi gapni uqishga.
Ota bilan onaning
Soʻzin yodda tutishga.

Donolar nasihatin llib olsa qulogʻing, Ishing kelib oʻngidan, Chopgir bo'lar ovog'ing.

– Aql nega berilgan? Halol mehnat gilgani. Nafsga gul boʻlmasdan, Poklikka intilgani.



She'rni ifodali oʻqing.
 Inson a'zolarining vazifasini bilib oling.

She'rni yod oling.



### Yaxshilik ketidan yaxshilik keladi

Xudoyberdi Toʻxtaboyev

#### (Hikoya)

Kunlardan bir kun Xorazm yurtining podshohi mamlakatda eng chiroyli so'z aytish bahsini oʻtkazmoqchi boʻlibdi. Oʻsha kundan boshlab chiroyli soʻz, goʻzal soʻz degan gaplar odamlarning ogʻzidan tushmay qolibdi. Ana shu gaplar bahsga aylanib, katta bir kengash oʻtkazilibdi. Kengash butun mamlakatga e'lon gilingan ekan. Bir dehgon yigit men ham qatnashay, sovringa ega boʻlsam, bir qoʻshhoʻkiz olardim, deya niyat gilibdi. Shohona darvoza oldiga kelib, qoʻlidagi oʻroq, yelkasidagi ketmonni yerga qoʻyib, "Bismilloh", deb ichkari ki-

rib, safga qoʻshilibdi. Bahs avjiga chiqgan ekan. Oʻz taxtida bahslarni kuzatib, tantana bilan oʻtirgan shohga qoʻlini koʻksiga qoʻyib, ta'zim qilib salom yoʻllabdi. Bahsni saroy a'yonlari baholab o'tirishar ekan. Shunda bahsda gatnashavotgan bir kishi oʻrnidan turib:

 Yomonlik gilma! Yomonlik ketidan yomonlik keladi, - degan gaplarni aytibdi. Qilni qirq yoradigan hakamlar garsak chalib olgishlashibdi. Shoh ham qarsak chalibdi.

Navbat dehqon yigitga kelibdi. – Yaxshilik qil! Yaxshilik ketidan yaxshilik keladi, - deb qoʻlini koʻksiga qoʻyibdi. Atrofdagilar qarsak chalishibdi. Shoh esa oʻrnidan turib garsak chalibdi.

- Shohanshohim, - deb soʻrabdi hakamlardan biri. – Birinchi ishtirokchi oʻz soʻzini aytganida yengilgina qarsak chaldingiz, ikkinchi qatnashchi soʻzini aytganida esa oʻrningizdan



2-Oʻqish kitobi, 3-sinf

turib ketdingiz. Sabab ne? Buni biz – hakamlarga ayting, – debdi.

– Aslida ikkovlari ham foydali soʻzni aytishdi, lekin birinchisi "yomonlik" deyishi bilan negadir qalbim muzlab ketgandek boʻldi. Ikkinchisi yaxshilik degan soʻzni aytishi bilan qalbimdagi muz erib ketgandek boʻldi. Shuning uchun oʻrnimdan turib qarsak chaldim. Toʻgʻri soʻzni, chiroyli soʻzni yoqimli qilib aytgani uchun birinchi sovrin shu dehqon yigitga berilsin, – deb farmon beribdi.

 Musobaqa nima maqsadda tashkil etildi?
 Toʻgʻri, chiroyli soʻzni yoqimli qilib aytish deganda nimani tushunasiz?

3. Atrofdagilar bilan yaxshi munosabatda boʻlish uchun nima qilish kerak?

# Boʻlim yuzasidan takrorlash

1. Vatanimizni ulugʻlovchi fikrlar boʻlimdagi qaysi asarlarda berilgan?

2. Buyuk insonlar avlodi boʻlish uchun nimalar qilish kerak?

3. Qaysi asarlarda yurtimizning oʻziga xos jihatlari koʻrsatib berilgan? Misollar bilan tushuntiring.

4. Mavzuga doir qanday maqol va hikmatli soʻzlarni bilasiz?

5. Boʻlimda oʻrgangan she'rlaringizdan birini yoddan ayting.



r

# SAXOVATLI KUZ



#### Kuz saxovati

Sharifa Salimova

Aziz bolajonlar! Atrofingizga bir qarang, bizga sezdirmaygina oltin kuz fasli ham kelib goldi. Bogʻlarda uzumlar sharbatga toʻldi. Polizlardagi govun-tarvuzlar katta mashinalarda shaharlarga yoʻl olib, bozorlarimizni toʻldirdi. Oltindek behilar avaylab terib olindi va savatlarga joylandi. Bogʻbon Salimboy ota oʻzlari yaratgan bogʻga mahallamiz bolalarini olib borib, "Daraxtlarda bekinib qolgan mevalarni terib olinglar, uvol boʻlmasin. Uyga olib ketasizlar", dedi. Alisher va Malika bir chelak olma. Nafisa bilan Shohjahon ikki chelak nok terdi. Mehribonu jajji pagirchasini anjirga toʻldirdi.

– Bobojon, biz ham sizga oʻxshab bogʻbon boʻlsak maylimi? – dedi Alisher.

 Albatta, bolajonim, sizlar ona yurtimizda qancha koʻp bogʻ yaratsangiz, Vatanimiz shuncha gullab-yashnaydi, – dedi bobo. – Saxovatli kuz esa dasturxonimizni ne'matga toʻldiradi.

Bolalar yoʻl boʻyi bobodan kuz haqida hikoyalar eshitishdi: dov-daraxtlar qish oldidan barglarini toʻkadi, tokzorlar kesilib, qoʻndoq qilib usti yopiladi. Aqlli bolalar oʻlkamizda qishlaydigan qushlar uchun in yasaydilar va daraxt shoxlari orasiga joylashtiradilar. Xazonlarni yigʻishtirib oladilar va yer bagʻriga oʻgʻit uchun koʻmadilar. Chaqqon qizchalar yoʻlaklarni chinniday qilib supurib, xazonlardan tozalaydilar.

? A

Aziz bolajon, qani ayting-chi, siz kuz faslida nima qilgan boʻlardingiz?

### Uzumlar oilasi

Tolib Yoʻldosh

Uzumlar ham bir oila – Siz va bizday yashar ekan. Urugʻ-aymoq degandayin, Turi yuzdan oshar ekan.

Samarqandning "Yakdona"si Derlar uzumlar onasi. Otalari – "Kattaqoʻrgʻon" Bobomizday koʻpni koʻrgan.

"Hasayni-yu Husayni"lar Emish oʻgʻillari bular. Oq-u qizil "Shivirgʻoni" Onalarin dil-u joni.

Suyuk qizlar ekan qarang — Anor dona yoquti rang... "Shakar guli" — kennoyisi Boshdan oyoq atir isi...

Buvalari "Buvaki"mish, Liqqo uzum – "Bibi kishmish". "Togʻ uzumi" – ammalari, Bir urugʻdan hammalari.

Bari ishkom, soʻridadir, Katta bogʻning toʻridadir.

1. Uzumning turlariga qanday ta'rif berilgan?
 2. Siz qanday uzum navlarini bilasiz?



She'rni yod oling.



Otalari zangi buva, Onalari yoyma chalpak, Bolalari shirin-shakar. (unzn 'jb.vq 'yo<u>r</u>)



# Olma

Mahmud Murodov

#### (Hikoya)

Kuz. Yakshanba kuni edi. Uchinchi sinf oʻquvchilari olmazorga borishdi. Olmazor yonidagi tokzorda Qudrat ota toklarni chilpib yurgan ekan. "Kelinglar", deb bolalarni xursand kutib oldi. Bolalar odob bilan otaga salom berishdi.

– Yashanglar, azamatlar, yashanglar. Olmalarga qaranglar, tagi bilan bitta boʻlib toʻkilib yotibdi.

Bolalar otaning gapiga darrov tushunishdi. Ular qoʻllariga bittadan savatcha olishdi-da, olma terishga tushib ketishdi.

Ota oʻqtin-oʻqtin kelib, bolalardan xabar olib turdi. U soʻnggi marta kelganida:

– Yashanglar, azamatlar! – dedi. – Hammasini terib qoʻyibsizlar-ku! Rahmat, bolalarim.

- Yana boʻlsa teramiz, - dedi Sodiqjon.

 Endi erta oʻtib, indinga kelinglar. Aytganday, anavi qoracha oʻrtogʻinglar kelmadimi? Ismi Kamolmidi?

- Ha. Boshi ogʻrib qolibdi.

– E, attang! Shamollagandir-da, – dedi Qudrat ota bosh chayqab. Soʻng bolalarga: – Olmadan olinglar, boʻtaloqlarim! – dedi.

– Uyimizda ham bor.



 Bor bo'lsa ham olinglar. Mehnating singgani shirinroq bo'ladi, – dedi Qudrat ota.
 Keyin tanlab-tanlab, har bir bolaga beshtadan olma berdi.

### 2

Bolalar uylariga qaytishar ekan, Sodiqjon ularni toʻxtatib, bittadan olma oldi.

Oʻzi ham bitta olma qoʻshib, ularni qogʻozga oʻrab:

Hozir buni Kamolga olib boramiz. Agar
 boshi ogʻrib qolmaganda, u ham kelgan boʻ lardi. Olma terishardi, – dedi.

Bolalar birgalashib Kamolni koʻrib chiqishdi. Kamolning buvisi ham, onasi ham bolalarning bir-biriga gʻamxoʻrligidan xursand boʻlishdi. Kamol esa oʻzini tuzalib qolganday his qildi.



1. Rasmni kuzating. Koʻrganlaringizni soʻzlang.

 2. Hikoyaning birinchi qismini mustaqil oʻqing.
 3. Oʻqituvchi yordamida hikoya qismlariga mos sarlavhalar toping.



Hikoyaga oid rasmdan foydalanib, kichik matn tuzing.

### Fasllar



Ravshan Isoqov

Bir yilda bor toʻrt fasl, Hech qolishmas zoʻr, asil. Almashinib galma-gal, Takrorlanar muttasil.

Bahor kelar qir oshib, Daryolar oqar toshib. Gulzorlarda raqs tushar, Kapalaklar quvlashib.

Jazirama issiq yoz, Koʻlda suzar oʻrdak, gʻoz. Oromgohlar qoʻynida, Hordiq olib, koʻngil yoz. Saxovatli oltin kuz, Mevalar chorlar: "Uz, uz!" Xirmon-xirmon paxta, don, Moʻl hosildan yorugʻ yuz. Oppog-oppog laylak gor, Borlig misli paxtazor. Qorbo'ron o'ynash maza, Dillarda golmas g'ubor.

Bahor-u yoz, kuz va aish. Cheksiz rahmat, ming olgish! Hayot qoʻzal, xoʻp totli, So'nmasa istak. xohish.

1. She'rni ifodali oʻqing. 2. Yil fasllariga mos sarlavha qoʻying.

She'rni yod oling.

Oltindir,

Oltinga sotilmas. (1beA)



### Bobur va kabutar

(Rivovat)

Mirzo Bobur yoshligidan ziyrak bola boʻlib oʻsibdi. Kunlardan bir kun Umarshayx saroy a'yonlari bilan qasrda o'tirgan ekan. Bir kabutar uchib kelib, ayvon peshtoqiga qoʻnibdi-da, "gʻulu-gʻulu" qilaveribdi. Umarshayx a'yonlaridan: "Kabutar ne deydur?" deb soʻrab qolibdi. Anchadan buyon urush koʻrmay, qilichlari qonsirab qolgan a'yonlar: "Oliyhazrat, kabutar qilichlarni qindan sugʻurmoq kerak, deydur", deb javob berishibdi.

Gapga qoʻshilmay, bir chekkada jim oʻtirgan Mirzo Bobur: "Yoʻq, kabutar unday demaydur, ota, u qovun sayliga chaqiribdur. Jonivor xushxabar keltiribdur", – debdi. Umarshayx kabutarni tutib keltirishni buyuribdi. Kabutarni tutib kelib, oyogʻidagi mis halqani olib qarashsa, ichidan bir xat chiqibdi. Xatda: "Oliyhazrat, qovun ayni pishdi. Kelib, qoʻl urib bersalar", deb yozilgan ekan. Mirzo Boburning gapi toʻgʻri chiqqanidan hayratga tushgan Umarshayx oʻgʻlidan: "Bunchalik topqirliging boisi nedur?" – deb soʻrabdi.

— Ota, — debdi Bobur, — bu kabutarga e'tibor qilmadingiz. O'tgan yili qovun sayli xushxabarini xuddi mana shu jonivor keltirgan erdi, kaminaning ko'zi kabutarning o'ng qanotidagi qora xolga tushgan zahoti uni tanidim va shu so'zni taxmin etdim, — deb javob beribdi.

Yosh Mirzoning hushyorligi, topqirligiga qoyil qolgan Umarshayx a'yonlariga qarab: "Qilichni emas, aql-idrokni ishga solmoq lozimdir. Xabar qilinglar, barcha qovun sayliga otlansin!" – deb farmoyish beribdi.

1. Umarshayx a'yonlaridan nimani so'radi?

2. A'yonlar nima deb javob berishdi?

3. Boburning ziyrakligini nimada koʻrasiz? Matndan shu oʻrinni toping.

Bobur tanigan kabutar rasmini chizing.



# Oʻqituvchining oʻgitlari

Anvar Obidjon

Ey oʻquvchi, bilki, har soʻz Nondek aziz, nondek uvol. Til boyligin bir bogʻ desak, Har bitta soʻz – bitta nihol. Ulgʻayib yot yurtga borsang, Ne atalur eling, derlar. Qay millatning vakilisan, Bormi ona tiling, derlar. Shunda mening qutlugʻ tilim – Navoiyning she'ri, degil. Yurtim – Ulugʻbek-u Bobur, Amir Temur yeri, degil.

Maqtanma hech qimmat kiyim, Oltinlar-u qasring bilan. Faxr et doim qudratli yurt, Boy bilim-u kasbing bilan.

Ey oʻgʻil-qiz, obroʻyingni – Baland tutmoq qoʻlingdadir. Sening olamdagi narxing Vatan, millat, tilingdadir.

?

 Oʻqituvchi ona tilimizning boyligini nima bilan qiyoslagan?
 Oʻquvchilar qanday fazilatlarga ega boʻlishi kerak?



### Xazonchinak<sup>1</sup>

– Ertaga Gʻani amakingnikiga boramiz, – dedi shanba kuni Erkinga dadasi.

Erkin suyunib ketdi. Gʻani amaki qishloqda turadi. Uning 3-sinfda oʻqiydigan Abdulla degan oʻgʻli bor. Abdulla Erkin bilan doʻstlashib qolgan edi.

Gʻani amakingning bogʻida xazonchinak
 qilamiz, – dedi dadasi. Ular avval shahar
 koʻchalaridan oʻtishdi, keyin qishloqning tuproq
 yoʻllaridan yurishdi. Nihoyat, mashina kattakon
 yongʻoq daraxti tagiga kelib toʻxtadi.

Erkin mashinadan tushdi. Oʻrtogʻi Erkin bilan koʻrishdi va ishkomlarni aylangani ketishdi.

Ishkom yashil gumbazli yoʻlakning oʻzginasi edi. Uzum novdalarida sariq, qizil yaproqlar lovullab koʻrinar, oyoq ostida xazon shitirlar edi.

– Qani, uzum yoʻq-ku? – dedi Erkin alanglab.

 Xazonchinak deb shuni aytadi-da! Uzumlari uzib olinganidan keyin qolib ketganini qidiramiz. Mana, qara! – Abdulla sap-sariq uzum yaprogʻini u yoq-bu yoqqa surib, uzum topdi.

<sup>&</sup>lt;sup>1</sup> **Xazonchinak** – kuzda yigʻishtirib olingan hosilning qoldigʻi.



– Men uzay, men uzay! – dedi qoʻl choʻzib Erkin.

 Mayli, uza qol. Ammo xazonchinakning qoidasi – har kim oʻzi topgan uzumni oʻzi uzadi.

Erkin narigi tokning yoniga chopib bordi. Yaproqlarini titkilab qarasa, uzum boshi osilib turibdi.

– Menam topdim! – dedi qichqirib. Erkin har gal uzum boshini topganida quvonib ketardi.

Yaqinda toklarni koʻmamiz. Koʻmmasak,
 sovuq urib ketadi. Uzum novdalarini xashak
 bilan oʻrab, koʻmib qoʻyamiz. Keyin bahor ke lib, yer iliganda, yana ochamiz. Tagʻin ish komlarga koʻtarib bogʻlaymiz, – dedi Abdulla.

Erkin toklarni qanday koʻmishni juda koʻrgisi keldi. Kelayotgan dam olish kuni Erkin oʻrto-

gʻinikiga yana boradi. Abdullaga yordamlashadi. Tok novdalarini qirqish, bogʻlash, koʻmish usullarini oʻrganib oladi.

 Erkin nima sababdan suyunib ketdi?
 Erkinning Abdulla bilan uchrashuvi va ularning suhbati haqida soʻzlab bering.
 Ishkom tasvirini hikoyadan topib oʻqing,

fikringizni tushuntiring.

# Hosil bayrami

### Zahro Hasanova

Oʻzbekiston – goʻzallikda tengi yoʻq diyor. Tuprogʻi serhosil, quyoshi beminnat nur sochib turadi. Har faslning oʻzgacha xislati, fazilati bor. Vatanimiz haqida har qancha faxrlanib gapirsak arziydi. Ana shu goʻzal goʻshaning bir-biridan sermazmun bayramlari ham bor. Shunday bayramlardan biri "Hosil bayrami"dir. Bu bayram kuz faslida nishonlanadi. Hosil bayrami oʻzbek xalqining eng goʻzal, eng tarovatli bayramlaridan hisoblanadi.

Bu bayram dalalardagi yigʻim-terim ishlari yakunlanayotganda, bogʻdagi meva-chevalar yigʻishtirib olish avj pallaga chiqqan paytda oʻtkaziladi. Uning oʻziga xos tomonlari xalqimizning qadriyatlariga borib taqaladi. Oʻzbek xalqi azal-azaldan mehmondoʻst, bagʻri keng, topganini qarindosh-urugʻ, qoʻni-qoʻshni bilan

30

boʻlishib yeydigan, birgalikda baham koʻradigan xalqdir.

Hosil bayramini bolalar ham intiqib kutishadi. Chunki ular kuz haqida bilgan she'r va qo'shiqlarini yig'ilganlar davrasida zavq bilan aytib berishadi.

Bu bayramning xalqimiz tomonidan "Hosil bayrami" deb nomlanishi bejiz emas. U dehqon yil boʻyi qilgan mehnatining lazzatini totib koʻrayotgan paytda, 25–26-sentabr kunlari nishonlanadi.

1. Oʻzbek xalqining qanaqa an'analarini bilasiz?
 2. Hosil bayramining oʻziga xos tomonlarini bilib oling.

3. Hosil bayrami qachon nishonlanadi?

# limli ming vashar

Nurmat Maqsudiy

### (Hikoya)

Yolqinjon kuz kunlarining birida togʻasinikiga mehmon boʻlib bordi. Togʻasi fermer xoʻjaligi bogʻida guruh boshligʻi boʻlib ishlaydi. U jiyanini koʻrib xursand boʻldi.

 O'-o', Yolqinjon, kelganing juda yaxshi
 bo'libdi-da, – dedi. – Hali senga xo'jalik bog'ini ko'rsataman.

Togʻasi Yolqinjonni uzumzorga olib bordi. Yolqinjon uzumlarni koʻrib hayratda qoldi. Baland ishkomlarga oʻrmalab chiqqan husayni, charos va boshqa xil tok novdalarida katta-katta uzum boshlari oltinday tovlanar edi. Oʻhhoʻ, uzum boshlarining kattaligini qarang! Har bittasi Yolqinjonning buvasidan qolgan qumgʻondek keladi-ya!

– Togʻa, bu uzumlarni qanday qilib yetishtirdingiz? – deb soʻradi Yolqinjon.

Tokni qanday parvarish qilish toʻgʻrisida
 bir dongdor sohibkor kitob yozibdi, – dedi
 togʻasi. – Oʻsha sohibkor oʻzining oltmish yillik
 tajribasini shu kitobda bir-bir bayon qilibdi.

Togʻasi oʻsha kitobni oʻqibdi. Keyin oʻrganganlarini ishga solibdi. Natijada soʻridagi uzumlarni yetishtiribdi.


– Sohibkor kim oʻzi? – deb soʻradi Yolqinjon.

 Sohibkor deb oʻz ishining ustasiga aytiladi, – deya javob berdi togʻasi.

 Voyboʻ, – dedi Yolqinjon oʻzicha, – oʻsha sohibkorning oltmish yillik ishini birdaniga oʻrganib oldingizmi? Unda yoshingiz qancha boʻladi?

 Yoshim qirqda. Agar unga sohibkorning oltmish yillik tajribasini qoʻshsang, yoshim rappa-raso yuz yosh boʻladi.

1. Hikoyani rollarga boʻlib oʻqing. 2. Hikoya nima uchun "Ilmli ming





# Oltin kuzim

Poʻlat Moʻmin

Oltin kuzim. Oltin kuzim. oltin kuz. Ta'rifingga, Maqtovingga izlab so'z, Vodiylarni, vohalarni kezaman. Paxtazor-u, Bog'-u rog'lar bezangan. Bahor, yozgi Mehnatimga yakunsan, Oltin kuzim, Ham saxiysan, to'kinsan. Yogimtoysan, Iliqqina bahorsan, Bahordan ham Aslida bebahosan. Arzir seni Faxrlanib magtasam, Keng auchog'ing Saroylarday muhtasham. Ishkomlarda Uzumlarning chamani, Quvontirar "Oq oltin"zor hammani. Jami narsa Muhayyo bu saroyda. Hammadan ham



3-Oʻqish kitobi, 3-sinf

Begivosdir chiroyda. Oltin kuzim. Oltin kuzim, moʻl kuzim, Tayyordirman Xizmatingga men oʻzim.

- 1. She'rdagi qofiyadosh so'zlarni aniqlang.
   2. Shoir "oltin" so'zini nima uchun ishlatgan?

She'rni yod oling.

# Qizcha va qargʻalar

Normurod Noraobilov

### (Hikoya)

#### 1

Kuz. Bu hovliga koʻchib kelishganlariga hafta bo'lmay, Hanifaning diqqatini bir juft qarg'aning harakati tortdi. Hovli etagida tagi betonlangan baland ishkom bo'lib, garg'alar ishkomga qoʻngancha, qayerlardandir oʻmarib kelgan yongʻoqlarini oʻsha keng beton yoʻlakka tashlab, soʻng chaqilgan yongʻoq magʻizlarini bitta qoldirmay terib yerdi. Hovli sharoitiga endi ko'nika boshlagan gizalog dastlab shunchaki tomoshabin boʻlib yurdi. Soʻng bir kuni qarasaki, qargʻalar bir yongʻoqni chaqolmay ovora boʻlyapti. Bu holni peshayvon derazasidan kuzatib turgan qizchaning qushlarga

34

rahmi kelib ketdi. Ishkom tomon yugurdi. Qushlar hurkib havoga koʻtarildi, biroq yerda yotgan "qaysar meva"ni koʻzlari qiymay, qayta ishkomga qoʻndi, qagʻillashib, oʻz noroziliklarini bildirdi. Qizcha yoʻlak chekkasida yotgan tosh bilan yongʻoqni chaqdi, dastlab oʻzi yemoqchi boʻldi, soʻng fikridan qaytib, kaftidagi chaqilgan magʻizni yerga tashladi-da, oʻzi sal nariga borib turdi. Birozdan soʻng birinchi gargʻa hadik bilan yerga shoʻngʻidi, ortidan ikkinchisi va ular birpasda yongʻog magʻzini yeb bitirdi. Bu yumush bora-bora qizaloqqa juda yoqib qoldi. Qushlar bu holga tez koʻnikdi, qizchadan deyarli hurkmay qoʻydi – tumshuqlaridagi yong'oqni yerga tashlab, qani, chaq, degan ma'noda o'ktam ohangda qag'illashni odat qildi. Qizcha oʻsha-oʻsha yongʻoqni chaqar, magʻzini yerga sochar, qushlar esa sochilgan yemakni apil-tapil choʻqib-terib, soʻng yangi meva ilinjida go'shni bog'larga uchib ketardi.

 Qizcha qargʻalarga qanday yordam berdi?
 Qargʻalar qizchadan hurkmay qoʻyganining sababini izohlang.

Ammo qizcha va qargʻalar oʻrtasida yuzaga kelgan bu oʻziga xos doʻstlikka ota va ona e'tibor bermadi. Bir kuni tongda ularni qargʻalarning oʻta qattiq qagʻillashi bezovta qildi. Ota yelkasiga toʻnini tashlab hovliga chiqdi, kesak otib ularni quvdi. Ammo qushlar uzoqlamay, yana qaytib keldi. Bu safar ular oʻn chogʻli edi. Ishkom va daraxtlarga qoʻngancha, qagʻillab, olamni boshiga koʻtara boshladi.

Bu hol ikki kun, ya'ni shamollab, ko'rpato'shak qilib yotgan qizcha peshayvonda paydo bo'lguncha davom etdi. U ko'rinish berishi bilan qushlar tinchlandi, sho'xchan g'imirlab, o'z quvonchlarini izhor etgan bo'ldi. Ayrimlari yerga sho'ng'ib, lapanglagancha, eshikka yaqinroq kelishgacha jur'at etdi.

Bir muddatdan soʻng esa ishkom tagiga yongʻoqlarning birin-sirin tirsillab tushgani eshitila boshlandi.

1. Qargʻalarning qattiq qagʻillashi sababini ayting.

2. Har bir qism yuzasidan reja tuzing.

### Boʻlim yuzasidan takrorlash



1. Kuz fasli haqida qanday asarlarni oʻrgandingiz?

2. "Xazonchinak" soʻzini qaysi asarda uchratdingiz. U qanday ma'noni anglatadi?

3. "Qizcha va qargʻalar", "Bobur va kabutar" asarlaridan foydalanib, "Ziyraklik – yaxshi fazilat" mavzusida matn tuzing.

## MAKTABIM – QUTLUG' MAKONIM, KITOBIM – BUYUK IMKONIM



#### Kitob, mening do'stimsan

Zafar Diyor

Varaqlasam bir boshdan Quvnab bagʻrim ochilur. Oltin harf-soʻzlardan Totli ma'no sochilur. Shuning uchun deymanki: Kitob, mening doʻstimsan!

Har sahifang men uchun Bir hikoya soʻzlaydi. Oʻqib olim boʻlgin, deb, Yaxshi niyat koʻzlaydi. Shuning uchun deymanki: Kitob, mening doʻstimsan! Seni iondan sevaman.

Meni tilga oʻrgatding.

Hadya qilib ilm-fan, Yorugʻ yoʻllar koʻrsatding. Shuning uchun deymanki: Kitob, mening doʻstimsan!



1. "Hadya qilib ilm-fan, Yorugʻ yoʻllar koʻrsatding" misrasini qanday tushundingiz?

2. Nima uchun kitobni eng yaqin doʻstimiz deymiz?



She'rni yod oling.



# Vaqting ketdi - naqding ketdi

Kavsar Turdiyeva

# (Ertak)

#### 1

Sizlarda shunday boʻladimi? Biror ish qilish zarurligini bilasiz-ku, ammo toʻsatdan hamma vaqtingiz umuman kerak boʻlmagan oʻyin bilan oʻtib ketadi.

Shaharchada kompyuter oʻyinlari xonasi ochildi-yu, hamma mittivoylar shu yerga qatnay boshlashdi. Uni kim ochdi, dersiz? Albatta, boshqa shaharchadan kelgan Foydaxoʻr.

U birin-ketin hamma joyda kompyuter xonalari ochib, ancha foyda koʻrgan. Quvnoq shaharchada ham ishini davom ettirdi. Xona esa mijoz-oʻyinchilar bilan toʻldi-qoldi. Foydaxoʻrning asosiy shiori: Vaqt – bu pul! Yarim soat oʻtirasizmi, bir soatmi, shunga qarab pul-38 ni toʻlab ketaverasiz, pulingiz boʻlmasa molingizdan hisob-kitob qilishingiz mumkin. Masalan, novvoy boʻlib ishlayotgan Boʻrsildoq kompyuter oʻyiniga Foydaxoʻrga pul oʻrniga non tashiyapti. Chunki bor pulini oʻynab tugatib boʻlgan.

Foyda Foydaxoʻrning koʻzini koʻr qilib qoʻygan. U hamma joyga e'lonlar osar, natijada maktablardagi oʻquvchilar darsga kirish oʻrniga kompyuter xonasiga qatnashar, haydovchilar ham oʻyinlarga qiziqib ketgani uchun, mashinalar toʻxtab qolgan, doʻkonlar ham yopiq edi.

Shunday voqealar boʻlib turganda, Qoyilbek qanday qilib bu bema'nigarchilikka chek qoʻyish mumkin, deb Ziyrakbekka maslahat soldi.

- Ha, oʻylab koʻrish kerak ekan!

Qoyilbek biroz oʻylandi-da, koʻzlari yorishib ketdi.

 Do'stlar, men topdim! Mittilar orasida "Bir oy ichida nimalarga erishding?" degan so'rovnoma, so'ng "Vaqting – baxting" degan tanlovni ham o'tkazamiz.

 Juda toʻgʻri! Ziyrakbekka bu ish yoqdi. Tanlov boshlandi. Uni Yoqimtoy va Iltimosxonlar olib bordilar.

 Foydaxoʻrning asosiy shiori nima edi?
 Siz oʻz vaqtingizni qanday taqsimlashingizni daftaringizga yozing.



 Aziz do'stlar! Iltimos, eshitinglar: "Ajoyibg'aroyib tanlovimiz ochiq!" deb e'lon qilinadi.
 Biz sahnaga bir oy davomida yutuqlarni qo'lga kiritgan, vaqti bekor ketmaganlarni taklif qilamiz.

Yalolaxon yangi qoʻshigʻini aytdi. Shirmoyxon yangi suratlarini olib keldi.

Shunda sahnaga Boʻrsildoq va Pufakvoylar ham taklif qilindi.

 Marhamat, bir oy ichida qilgan foydali ishlaringizni aytib bering, – dedi ularga boshlovchilar.

Ishkalvoy yerga qaradi.

– Men kompyuter oʻynadim va oʻttiz marta yutdim.

- Bundan nima foyda koʻrdingiz?

– Hech nima.



– Siz-chi, Boʻrsildoq? Non yopib odamlarni xursand qildingizmi?

Yoʻq, men non yopib qarzlarimni toʻladim.
Qanday qarzlaringizni?

– Har kuni kompyuter oʻynaganim uchun yigʻilgan qarzimni.

– Endi esa, aziz doʻstlar, biz "Vaqting – baxting" nomli tanlovning eng quvonchli daqiqalariga yetib keldik.

– Biz gʻoliblarni mukofotlaymiz. Mukofotlarni topshirishni Ishbilarmonga bersak.

Ishbilarmon gʻolib ishtirokchilarni mukofotladi. Ayniqsa, Qoyilbek koʻp maqtovlar oldi. Axir uning havoni tozalovchi moslamasi hamma uchun kerak edi-da.

Pufakvoy va Boʻrsildoq bekor oʻtgan vaqtlariga juda-juda achinishdi. Axir bir oyda qancha ishlar qilish mumkin edi.

Qoyilbek xafa boʻlib turgan Pufakvoy va Boʻrsildoq tomonga yaqinlashdi.

 Doʻstlarim, – dedi u, – aslo xafa boʻlmanglar. Bunday tanlovlar endi har yili oʻtkaziladi. Sizlar kelgusida oʻzingizni koʻrsatishingiz mumkin.

– Toʻgʻri, – dedi Pufakvoy, – men pufakchalarga turli rasmlar chizaman, ajoyib oʻyinchoqlar yasayman.

– Men esa turli-tuman shaklli va mazali nonlar pishiraman. Balki nonlarim butun dunyoga mashhur boʻlar. – Unda shoshilinglar! – dedi Qoyilbek. – Axir vaqting ketdi – naqding ketdi, deb bekorga aytishmagan-ku!



1. Qoyilbek va Ziyrakbek nima uchun tanlov uyushtirishdi?

2. Nega Boʻrsildoq mukofot olmadi?

3. Siz ertakdan qanday xulosa chiqardingiz?

# Donishmand quyon va kichkintoy jirafa



Faxriddin Hayit

#### (Ertak)

Tunov kun oʻrmonda bir Voqea boʻldi qʻalat. Quvonlar maktabiga Keldi ikki jumla xat. Yuborarmish maktabga, Pichirladi koyinib, Allaganday Jirafa Mushtdek kichkintovini. Topshiriqlar boʻldi hal, Sinf, ustoz – barcha shay. G'ala-g'ovur boshlandi. Ostonada zum o'tmay. Shoshib chiqdi maktabning Shalpangquloq rahbari. Turar ikki notanish, Ushlab kitob-daftarin.



42

Simvoa'ochdek bo'yni bor, Ustoz Quyon hang-u mang. Mulozamat gildi soʻng: Keling, mehmon, tortinmang. Barcha turib goldi lol, lkki tomon hayratda. Hamma topishmogning bir Javobi bor albatta. Va nihoyat topildi, Muammoning vechimi. Inobatga olinib. Jirafaning bichimi. Chigardi katta buyrug Donishmand shalpanggulog. Endi u derazadan Bosh sugib olar sabog.

1. Ertakni ifodali oʻqing. Maktabda qanday voqea sodir boʻldi?

2. Quyon qanday yechim topdi?

#### Ona tilim

Tursunboy Adashboyev

Buyuk Temur jahon boʻylab, Oʻz dovrugʻin solgan tilim. Mir Alisher bobomlardan Meros boʻlib qolgan tilim. Bobur Mirzo she'rlaridan Rang va qiyos olgan tilim. Shoh Mashrabni bulbuldayin, Sayratgan ham ona tilim. Mirtemirni shoir qilib, Yayratgan ham ona tilim. Shunday tildan tonar boʻlsam, Qiyma-qiyma boʻlsin tilim.

Alla boʻlib jaranglagan, Ona tilim – jon-u dilim. Gulla, yashna el tilida, Nur sochaver jon-u dilim.

Ne-ne buyuk bobolarim Jaranglatib aytgan soʻz. Har soʻzingda bir hikmat bor, Hech qachon tegmasin koʻz.



 She'rda ona tilimiz haqida nima deyilgan?
 Shoirning "Ona tilim – jon-u dilim" misrasini izohlang.



She'rni yod oling.

## Unutilmas bayram

Erkin Malikov

## (Hikoya)

Men nogiron bolalar uyiga bayram kunlari borib turaman. Bolalar she'rlar aytishadi, kitobchalar bilan mukofotlanishadi. Bir qator she'r

44

aytishadimi, yuz qatormi, farqi yoʻq. Ba'zilari ertak aytib beraman deb, "Bor ekan-da, yoʻq ekan"dan nariga oʻtmaydi. Shunga ham tarbiyachilari xursand. Sababi bu yerda xotirasi past, biron-bir a'zosi nogiron boʻlib qolgan bolalar davolanishadi. Ba'zi bolalar gilamga chordana qurib, ba'zilari yonboshlab olishadi. Chunki kursilarda oʻtira olmaydilar. Ba'zi bolalar nogironlar aravachasiga mixlangan.

Bu safar ham bayram kunlari yigʻiladigan xonaga jam boʻldik. Odatdagidek, bolalar oʻrtaga chiqib, she'r, ertak aytar va kitoblar bilan taqdirlanardi. Oldingi qatordagi nogironlar aravachasida oʻtirgan kattagina qiz e'tiborimni tortdi. U har bir ishtirokchi oʻrtaga chiqqanda, hayajon bilan kuzatar, toʻxtamay chapak chalar, kitob bilan mukofotlangan oʻrtoqlariga havasi kelardi. Uchrashuvimiz oxirlaganda birdan aravachada oʻtirgan qiz oʻrnidan turib ketdi. Yonimda oʻtirgan bosh shifokor bir choʻchib tushdi. Tarbiyachilardan biri "Voy", deb yubordi. Qiz esa ikki qadam oldinga yurdi-da, hech kim tushunmaydigan tilda chugʻur-chugʻur qildi. Keyin menga qaradi. Menda kitob qolmagan edi.

Bosh hamshiraga atalgan kitobni, oʻzining iltimosiga koʻra, qizchaning qoʻliga tutqazdim. U kitobni quchoqlaganicha qaytib borib aravachasiga oʻtirdi.

Mening hayajonim tadbir tugagandan keyin boshlandi. Bu qiz shu yoshgacha aravachasidan

turmagan va bir ogʻiz soʻz aytmagan ekan. Bugungi bayram uni davolabdi. Yurib ketishiga, tili chiqishiga sabab boʻlibdi. Bu uning orzusi emasmidi?! Men beixtiyor: "Ey yaxshilar, bolalar orasida koʻproq boʻling, sizlarning tashrifingiz ular uchun bir shifodir", degim kelardi.



1. Nima uchun oldingi qatorda oʻtirgan qiz muallifning e'tiborini tortdi?

2. Aravachada oʻtirgan qiz nimadan ta'sirlandi?

3. Nogiron bolalarning orzularini amalga oshirish uchun kattalar nima qilishi kerak ekan?



## Xoʻroz nega uchmaydi?

Zulfiya Moʻminova

#### (Ertak)

#### 1

Qanotlilar sinfida Xoʻroz ekan bilimdon. Qiynalmay besh olarkan, Hamma fandan har qachon. Ertalab turishdan – besh, Maydalab yurishdan – besh, Tumshuqdagi donini Kichikka berishdan – besh. Xoʻroz oʻzidan xursand Magʻrur qadam tashlabdi.

Chor atrofida hamma Uni maqtay boshlabdi. Biram guvnog, gagildog, Xo'rozjonga ofarin! Dangasalikdan virog, Xoʻrozjonga ofarin! Xo'roz bir tong: "O'qish ko'p, Charchab tolaman", - debdi. "Nima qilibdi, bir kun Darsdan qolaman", - debdi. Tongda Ukki: "Turgin", – deb Jahl-la baqiribdi. O'rtoglari birma-bir. Maktabga chagiribdi. Avval Turna chagirib. Uygʻonishin kutibdi. Mayna: "Tur", – deb koʻziga Oynachasin tutibdi. Kaklikning-chi, gichgirib, Ovozlari bitibdi. Xo'roz esa yostiq-la Qulogʻin berkitibdi. Turmagach, bari sekin, Maktab tomon ketibdi.

- !?
- 1. Ertakni ifodali oʻqing.
- 2. Shoir xoʻroz timsolida qanday oʻquvchilarni nazarda tutyapti?



Qanotlilar sinfida Shu kun aizibdi saboa. Xoʻrozga dangasalik Qimmatga tushdi biroa. O'sha kun qanotlilar Omadga yuz tutibdi. Oʻqituvchi shu kuni Uchish darsin oʻtibdi. Xoʻroz esa q'aflatdan Par vostigni guchibdi. Ushbu darsda doʻstlari Falak sari koʻchibdi. Baxmal misol ganotlar Bulutlarni silabdi Ularga jami jonzot Yuksak parvoz tilabdi. Qushlar xursand boʻlishib. Baxtli kun sabogʻidan, Qanot silkib oʻtishdi, Xoʻrozning qoʻnogʻidan. Xoʻroz esa bu baxtni Qucha olmay qolibdi. Qanotlari boʻlsa ham Ucha olmay golibdi. Shunday qilib qissadan Chiqqan hissa ayondir, Darsni bir kun goldirgan Bir umr pushaymondir.



1. Ertakni ifodali oʻqing.

2. Xo'roz nima uchun ucha olmas ekan?

3. Ertak qismlariga sarlavha qoʻyib, ogʻzaki bayon qiling.



Sahar azon aytar soʻfi, Boshiga kiyib qizil doʻppi. *(zοι,οχ)* 



#### Hisobda adashgan bola

(Hikoya)

Zamira Ibrohimova

#### 1

Anvar uchinchi sinfda oʻqiydi. Hamma oʻquvchi bolalar kabi u ham a'lo baholarni juda yaxshi koʻradi, ammo-lekin... dars tayyorlashni yoqtirmaydi. Uy vazifalarini chala-chulpa bajaradi.

Mana bugun ham zoʻrgʻa dars tayyorlashga oʻtirdi. "Matematika" kitobini ochib, uyga berilgan vazifani oʻqiy boshladi. Tili oʻqiyapti-yu, xayoli telefon oʻyinida. Masalani oʻqib boʻlgach, "Nimalami yozishadi, boshni qotirib. Shunaqa ham masala boʻladimi? Oshga qancha masalliq ketishini hisoblash shartmi, bor masalliqni qozonga solib, shartta-shartta qovuradi, boʻldi-da", – dedi oʻzicha asabiylashib. Aksiga olib shu tobda uni mudroq bosib, maza qilib uxlagisi kelardi. Oʻrnidan turib, karavotiga choʻ- zildi. Yostigʻi shunday yumshoq, yoqimliki, onasi allalayotganday, Anvar shirin uyquga ketganini bilmay qoldi.

U tush koʻra boshladi. Tushida boʻylari oʻsib, katta yigit boʻlib qolganmish. U bir choyxonaning bosh oshpaziga shogird boʻlibdi. Ertalabdan ish boshlanibdi. Bosh oshpaz unga: – Bugun palov pishiramiz. Bozorga borib, oshga kerak boʻladigan masalliqlardan olib kel. Anvarjon, yaxshilab eshitib olgin, sakkiz kilogramm guruchga teng miqdorda sabzi ol, sabzidan ikki marta kam goʻsht ol, guruchdan toʻrt marta kam yogʻ ol, yogʻdan ikki marta kam piyoz olgin... Toʻxta, yaxshisi masalliqlar roʻyxatini yozib ola qol, – debdi.

 Yozish shart emas, hammasini tushundim, – debdi Anvar va shoshqaloqlik bilan bozorga ketibdi.

Bozordan sakkiz kilogramm guruch, sakkiz dona sabzi, ikki kilogramm goʻsht, toʻrt litr yogʻ, ikki dona piyoz olib kelibdi.

Bosh oshpaz Anvarning xaridini koʻrib hayron boʻlibdi.

 Sen bola, oshpaz uchun ham hisobkitobni bilish juda muhim ekanligini bilmas ekansan-ku! Senga hisobni oʻrgatishga vaqtim yoʻq. Oʻqib, bilimingni oshirib kel, – deb uni 50

shogirdlikka olmabdi. Anvar uyatdan gizaribbo'zarib bosh oshpazning yonidan chiqib ketibdi.

Anvar nega asabiylasha boshladi?
 Anvar nima uchun bosh oshpazning yoni-

dan qizarib chiqib ketdi?

3

"Endi nima gilsam ekan?" deb oʻylab tursa, muzgaymog sotuvchi "Hoy yigit, kel, ozgina qarashib yubor", - deb uni chaqiribdi. "Maza, muzqaymoq sotaman". Anvar xursand boʻlib, muzqaymoq sotuvchining yoniga boribdi. O'zi tengi bir bola unga besh mingtalik pul uzatib:

- Aka, menga yetti yuz ellik soʻmlik muzgaymogdan besh dona bering, - debdi.

Anvar pulni olib, bolaga muzgaymog uzatibdi, ammo gancha gaytim berishni bilolmay, indamay turaveribdi.

- Aka, gaytimini bermaysizmi? - debdi bola. - Bor-bor, boshni gotirma, ganaga gaytim, senga beshta muzqaymoq berdim-ku, - debdi Anvar doʻq urib.

Bolaning onasi kelib, Anvarni urisha ketibdi. Qayerdandir boshqa xaridorlar ham kelib shovgin koʻtarib, uni sudrab olib keta boshlashibdi. Anvar oyoq-qo'llarini potirlatib, tipirchilab, bagirarmish.

U oʻz ovozidan choʻchib, uygʻonib ketibdi. Oʻng-u soʻliga qarab:

 Xayriyat-ey, tushim ekan... Voyy, hisobni bilmaganim yomon pand berdi-ku! – debdi peshanasiga shappati urib. Soʻngra yuzini muzdek suvga yuvib kelibdi. Matematika kitobini ochib, uyga berilgan vazifani diqqat bilan qayta oʻqib, masalaning shartini tartib bilan yoza boshlabdi...

U daftarini yopar ekan, beixtiyor tushini eslab, miyigʻida kulibdi. "Ey, Anvar, masalani yaxshilab oʻqib, shartini tushunib olsa, osongina yechsa boʻlar ekan-ku! Endi bildingizmi, matematika har qadamda kerak ekanligini", – debdi oʻziga oʻzi.

?

1. Anvar muzqaymoq olgan bolaga qancha qaytim berishi kerak?

2. Matematika fani muhim ekanligini matndan xulosa chiqarib, oʻz soʻzingiz bilan ayting.

## Chalavoyning to'la tushi



Olqor Damin

Tushimda-chi, tushimda Qiziq ishlar boʻlganmish. "Ikki"larga toʻrxaltam Roppa-rosa toʻlganmish!

Ko'rmagandek hech narsa Ketarmishman shaharda Olarmishman chap qoʻlga, O'ngim tolsa agarda. To'rxaltaga, goh menga Hamma hayron bogarmish. Izza boʻlish qayoqda, Qavtaga xush vogarmish. Birov oxir: - Qo'yib chiq, bor uyingga! der emish. - O'zim gumdon qilay yo, Ber bu yoqqa, ber! - dermish. "Eha, eha, nega?.." deb Tegarmishman joniga. "Yoʻqot bularingni!.." – deb Tushirdi-ku jagʻimga. Shundog ketsam uvg'onib, Soat ham o'n bo'libdi. "Tinchlikmi?.." deb tepamda Ovim kulib turibdi.

1. She'rni ifodali oʻqing. Nima uchun sarlavhaga "Chalavoyning toʻla tushi" deb nom qoʻyilgan?

2. "Shundoq ketsam uygʻonib, Soat ham oʻn boʻlibdi" misrasidan nimani tushundingiz?



## Jumboq hikoya

Muhabbat Hamidova

#### (Hikoya)

Sardorning xotirasi yaxshi emas. Qancha harakat qilsa ham, she'rni toʻlaligicha yodlab ololmaydi. Yoʻq, yodlaydi. Ammo doskaga chiqishi bilan hammasi esidan chiqib ketadi. Bu haqda oʻrtogʻiga aytgandi. Oʻrtogʻi shunday maslahat berdi:

Men yodlashning oson yoʻlini bilaman. She'rni daftarga uch-toʻrt marta koʻchirib yozaman. Avval daftarga qarab ovoz chiqarib oʻqiyman, keyin uni yopib, yoddan aytaman. Esimdan chiqqan joyida daftarga qarab olaman. Darrov esimga tushadi. Doskaga chiqqanimda esa daftar varagʻini yirtib, choʻntagimda ushlab turaman. Shunda xotirjam boʻlaman.

Bu fikr Sardorga ma'qul tushdi. Ammo kattagina she'rni qayta-qayta koʻchirishga erindi. Kitobni koʻtarib yurib yodlash esa oson emas. Oʻylab yoʻlini topdi. Qoʻylarini qirga haydab ketayotganida kitobdan she'r yozilgan sahifani shartta yirtib oldi. Qoʻylari oʻtga yoyilib ketgach, tepalikka chiqib, choʻntagidagi varaqni oldi. Tikka turganicha baland ovoz bilan she'rni oʻqishga tushdi. Ovoz jarangidan oʻzi zavqlanar, iloji boricha ifodali oʻqishga intilardi. 54 Shu taxlit oʻqidi, oʻqiyverdi.

Ertasiga Sardor she'rni yoddan, tutilmasdan, ifodali qilib aytgani uchun ustozi "besh" baho qo'ydi.

– Oyijon, men "besh" oldim, mana, – deya kundaligini oyisiga koʻrsatdi Sardor.

– Tabriklayman, bolam, rahmat, – oʻgʻlini bagʻriga bosdi oyisi.

Oyijon, menga emas, kitobga rahmat, –
 dedi Sardor cho'ntagidan ezilib ketgan varaqni olib.

Oyisi bir Sardorga, bir uning qoʻlidagi gʻijimlangan varaqqa qaradi. Keyin:

– Bilmadim, bolam, kitob sening rahmatingni qabul qilarmikan, – dedi xomush.

1. Hikoyani oʻqing. Sardor toʻgʻri ish qildimi?
2. Siz she'rni qanday yodlaysiz?

#### Boʻlim yuzasidan takrorlash

1. Boʻlimdan yod olgan she'rlaringizdan birini ayting.

2. Vaqtning qadri haqida qanday asar oʻrgandingiz? Nimalarni bilib oldingiz?

3. Boʻlimdagi qaysi asarlarda darslarga befarq qaragan oʻquvchilar misol qilingan?
4. "Mening maktabim" yoki "Men sevgan kitob" mavzusida besh-olti gapdan iborat matn tuzing.

#### HUNAR - HUNARDAN RIZQING UNAR



#### Hunarni sev

Tolib Yoʻldosh

Hunarni sev, hunarni! Hunar senga asqatar. Hunar otin soni yoʻq, Sanasang, qator-qator.

Oʻrgan, sen ham yigitsan, Yetmish turi oz senga. "Hunarli er kam boʻlmas" Maqolin ol esingga.

Mayli, duradgor usta, Chilangar boʻl, xohishing. Xalqqa biror manfaat Yetkazsin qilgan ishing.

Binokor boʻl, ha, balli, Bizga zoʻr uylar kerak. Bastakor boʻl, marhamat, Shoʻx, shirin kuylar kerak. Hunarli boʻl, ilm ol, Har ikkisi ham zarur. Hunar – bu baxt-u iqbol, Belga quvvat, koʻzga nur.

- She'rni ifodali o'qing.
  - 2. She'rda hunarga qanday ta'rif berilgan?
  - 3. Siz qaysi kasb yoki hunarni egallamoqchisiz?

She'rni yod oling.

Aql koʻpga yetkazar, hunar – koʻkka.



#### Bahs

Sunnatilla Anorboyev

#### (Hikoya)

#### 1

Oqsoy qishlogʻida Halim, Salim, Karim degan bolalar bor. Ular sinfda ham yonma-yon oʻtirishadi. Darsni ham birga tayyorlashadi. Ta'til yaqinlashgani sababli uch oʻrtoq yozda qiladigan ishlari toʻgʻrisida suhbatlashib qolishdi.

– Oʻqish tugagan kunning ertasigayoq yaylovga ketaman, – dedi Karim. – Boʻribosarni ergashtirib, qoʻy boqishda otamga koʻmaklashaman. Katta boʻlsam-chi, otamdek choʻpon boʻlaman. Choʻponlikdan yaxshi kasb yoʻq olamda! Karimning keyingi gapidan Halim bilan Salimning jahli chiqdi.

- Nega endi? - deyishdi ikkovlari birdaniga.

– Mana, masalan, mening otamday hisobchi boʻlish yomon ekanmi? – dedi achchiqlanib Halim. – Fermer xoʻjaligida kim qanday ish qiladi, qancha ish haqi oladi, choʻponlar davlatga qancha jun, goʻsht, yogʻ, sut yetkazishini otam hisoblab beradi. Katta boʻlsam, albatta, otamday hisobchi boʻlaman.

2

Salim yuvosh bola edi. Lekin ikkala oʻrtogʻining gapi gʻashini keltirdi.

– Xoʻjalik mulki omborxonada saqlanadimi yoki koʻchadami? – soʻradi Salim.

- Albatta, omborxonada!

 Omborxonani kechasi otam qoʻriqlaydi. Xoʻjalik don-duni, goʻsht-yogʻi-yu asbob-uskunalarini otamga ishonib topshirib qoʻyibdi! Men katta boʻlsam, albatta, otamdek qorovul boʻlaman. Shunday qilib, uch oʻrtoqning bittasi unday

Shunday qilib, uch oʻrtoqning bittasi unday deb, ikkinchisi bunday deb gap talashib qolishdi.

1. Oqsoy qishlogʻidagi uch oʻrtoqning suhbatini soʻzlang.

2. Nima sababdan uch oʻrtoq gap talashib qolishdi?



Oʻqishlar ham tugadi. Karim ertaga buvasi bilan togʻga joʻnaydi. Shunga yoʻl hozirligini koʻrishdi. Lekin, negadir, qovogʻi soliq edi. Buvasi hayron boʻldi.

– Buva, choʻponlik yomonmi? – dedi Karim sekin.

– Yoʻq, chirogʻim.

- Hisobchi boʻlish-chi?

- Hisobchilik ham yaxshi.

- Ichida eng yaxshisi qaysi?

 Kasbning yomoni boʻlmaydi, – dedi buvasi.
 Karim buvasining ogʻzidan bu gapni eshitganda yuzidan olov chiqib ketdi. Axir u faqat dadamning kasbigina yaxshi, deb doʻstlarini kamsitgan edi-da!

Karim yugurganicha soy boʻyiga ketdi. Oʻrtoqlari oldiga borib, chimga choʻzildi-yu:

– Hech bir kasbning yomoni boʻlmaydi! – dedi oʻpkasini bosolmay hansirab.

U oʻrtoqlari bilan arazlashganini ham unutib qoʻygandi.

Sening otangning qorovulchilik kasbi ham yaxshi, sening otangning hisobchilik kasbi ham yaxshi...

– Sening otangning kasbi ham yaxshi! – deb unga qoʻshimcha qildi Salim.

Uchovining ham ichlarida chiroq yonganday chehralari yorishib ketdi...



1. Karimning buvasi bilan suhbatini soʻzlang.
 2. Karimga qanday baho berasiz?



## Mohir qo'llar qo'shiq'i

Tolib Yoʻldosh

Bizni mohir qoʻl qilgan Vatan, g'amxo'r onamiz. Maktabimiz goshida Bordir ustaxonamiz.

Qo'lda parma, teshamiz, Mehnat bilan yashaymiz. Hunar bizga yoshlikdan Do'st bo'lgan jondan ortig.

Oʻrganamiz biz uni, Bolg'a urib "Taga-tug". Qo'lda arra, teshamiz, Mehnat bilan vashavmiz.

Stol, stul, partaning Bo'lsa buzuq, singani, Tuzatamiz birpasda Katta usta singari.

Qoʻlda randa, teshamiz, Mehnat bilan vashavmiz.



- 1. She'rni ifodali oʻqing.
  2. Siz nimalar yasashga qiziqasiz?



#### limning omonati

#### (Rivoyat)

Qadim zamonda usta temirchi boʻlib, bu hunami ipidan ignasigacha bilar ekan. Bundan tashqari u gullarni juda sevar va ustaxonasining oldida gʻaroyib gullarni parvarish qilar ekan. Temirchi qarib kuchdan qola boshlaganda, shogird olishni e'lon qilibdi. Uning oldiga uchta yigit kelib, shogirdlikka tushmoqchi ekanliklarini aytishibdi. Temirchi yigitlardan bittasini tanlab olish uchun ularni sinab koʻrmoqchi boʻlibdi. Har biriga kichkina xaltachalarda oʻzi parvarish qilayotgan gullarning urugʻlaridan beribdi va: "Men muhim ish bilan uzoq safarga ketyapman. Qaytgunimcha mana shu urugʻlarni ehtiyot qilib saqlanglar. Urugʻlarni saqlab, menga qaytargan yigitga temirchilik hunarini oʻrgataman", – debdi.

Birinchi yigit urugʻlarni uyiga olib borib, temir sandiqqa solib qoʻyibdi. U urugʻlarni mana shunday saqlamoqchi boʻlibdi. Ikkinchi yigit gulchining doʻkoniga borib, urugʻlarni sotibdi va temirchi qaytganida xuddi shunday urugʻlarni sotib olishini doʻkondorga tayinlabdi. Uchinchi yigit esa urugʻlarni hovlisiga va uyi atrofiga ekib, ulardan oʻsib chiqqan gullarni parvarishlay boshlabdi.

Oradan ancha vaqt oʻtib, temirchi safardan qaytibdi. U uchala yigitni huzuriga chaqiribdi.

Birinchi yigit temir sandiqda turgan urugʻlarni olib boribdi. Temirchi ularni koʻrib: "Sen ularni oʻldiribsan, endi ular hech narsaga yaramaydi. Demak, sen hunarga ham shunday munosabatda boʻlasan", – debdi.

Ikkinchi yigit gul doʻkonidan sotib olgan urugʻlarini olib kelib koʻrsatibdi. Temirchi ularni koʻrib: "Bular men senga bergan urugʻlar emas, sen ularni sotib yuborib, bugun boshqa urugʻ olib kelibsan", – debdi.

Uchinchi yigit ekkan gullarining urugʻlarini yigʻib olib boribdi. Temirchi ularni koʻrib: "Mana shular men bergan urugʻlar, sen ularni hatto koʻpaytirib kelibsan. Demak, sening oʻrgangan hunaringdan hamma bahramand boʻladi", – deb shogirdlikka shu yigitni qabul qilibdi.

"Tarbiya kitobi"dan



1. Temirchi usta shogirdlarni qaysi yoʻl bilan tanlab oldi?

2. Siz ikki yigitning tutgan yoʻliga qanday baho berasiz? Hunar haqida maqollar ayting.

## Bordir kulol amakim

r

Obid Rasul


Bordir kulol amakim, Nomlari usta Hakim. Loy pishitib erta-kech, Erinishni bilmas hech. Oʻymakorlarga taqlid, Har naqshida nozik did. Yangicha san'at talab, Qoʻndirib gul silliqlab.

Olov xumdon ichida, Yal-yal gulxan ichida, Oqizib ter, yuzda nur, Ishlaydi dilda gʻurur.

U yasagan gultuvak, Sopol lagan, osh tovoq, Koʻzasi chinnilardek, Oyna misol yarqiroq.

Bu oʻtmish san'at meros, Bobolarga boʻlib xos. Ungadir naqsh sayqal, Etdi bugun mukammal.

U yasagan har idish Xizmatdadir yoz-u qish.





Har kasbning oʻz gashti bor.



## Bobongiz xafa boʻlsalar maylimi?

Mirzakalon Ismoiliy

#### (Hikoya)

Ravshanjonning bobosi hamma ishga chechan. U kishining qoʻli gul deyishadi. Yer chopishmi, ariq olishmi, devor suvashmi, taxta randalashmi – hammasini havas bilan qiladi.

Asboblarini aytmaysizmi? Juda koʻpki, sanagan bilan ado boʻlmaydi. Ketmon deysizmi, belkurak deysizmi, qoʻlarra, oybolta, tesha, gulqaychi, randa, andava...

Bu asboblarni oʻzi ishlatadi. Ketmon bilan yer chopadi. Belkurak bilan daraxtlarning tagini yumshatadi. Oybolta, qoʻlarra, tesha bilan daraxtlarning qingʻir-qiyshiq oʻsgan shoxlarini kallaklaydi. Randa bilan taxta randalaydi, andava bilan devor suvaydi. Shunisi qiziqki, u kishi ishi koʻp boʻlsa ham shoshilmaydi. Avval bitta ishni chiroyli qilib bajaradi. Keyin boshqa ishga qoʻl uradi. Innaykeyin asboblarini ishlatgan joyida tashlab ketmaydi. Ularni tozalab, joyjoyiga qoʻyadi.

Ravshan boʻlsa, bunday qilmaydi. U ishni qilsa, bu ish qolib ketadi. Asboblarni yigʻishtirib qoʻymaydi. Ishlatgan yerida qoldirib ketaveradi. Avvaliga bobosi nevaram oʻzi tushunib olar, deb hech nima demadi. Har yerda qolgan asboblarni oʻzi tozalab, joy-joyiga keltirib 64

qoʻyib yurdi. Qarasa, boʻlmaydigan. Biror asbob kerak boʻlib qolsa, joyidan topilmaydi. U yoqni qidiradi, bu yoqni qidiradi – hech qayerda yoʻq. Ravshandan soʻrasa, u ham qayerdaligini bilmaydi. Qoʻying-chi, tartib degan narsa dolmadi.

Oxiri bobosi Ravshanni biroz kovidi:

- Asboblarni oldingmi, ishlatib bo'lgandan keyin darrov joyiga qoʻyish kerak. Kimga kerak boʻlsa, u shu yerdan osongina oladi, gidirmaydi. Sen boʻlsang, mening asboblarimni har yerga tashlab ketasan. Bunday gilsang, men xafa boʻlaman, - dedi.

- Yoʻq, yoʻq, bobojon. Sizni xafa qilmayman. Endi asboblaringizga tegmayman. Uydan bir nima olsam, ishlatganimdan keyin yana darrov joyiga keltirib qoʻyaman. Xoʻpmi? Shunday qilsam xafa boʻlmaysizmi?

- Shunday gilsang, xafa bo'lmayman, bolam. - dedi bobosi.

1. Bobo qanday fazilatga ega?
2. Bobo Ravshanni qaysi ishlari uchun koyidi? 3. Ravshan nima qilsa, bobosi xafa bo'lmaydi? Siz matndan qanday xulosa chiqardingiz?



Kelib ogʻzini ochar, Tishlab olsa, gochar. (Inquo)



#### O'n tilla mukofot haqida ertak

Anvar Obidjon

#### (Ertak)

Jar solar Eshak iarchi -O'rmondagi xabarchi: Tinglang, hang-u hang, farmon, Muhr bosgan Yoʻlbars sulton! Shoh istarki oʻrmonda – Tuzilsin zo'r komanda. Ham bo'linsin ikkiga, Mohir boʻlsin tepkiga. Chunki shohning keniasi -Yoʻlbarschalar erkasi Ishqibozmish futbolga, O'n tillamish har golga. Hamda barcha o'yinchi Olar shohdan suyunchi. Rozi boʻlganlar, tinglang, Marsh orgamdan, hang-u hang!

Shoh tillasin olay, deb, Soʻng shinam uy solay, deb, Fil kelsaki maydonga, Yoʻlbars chiqib ayvonga, Magʻrur soʻzlab turganmish, Barcha davra qurganmish: – Diqqat, oʻrtoq hayvonlar, Diqqat, mardi maydonlar!

Bilib qo'ysin xaloyiq, Trener – maymog Avig. Bo'lmasin so'zin birov, Komanda tuzsin darrov! Ayiq chiqib toʻriga: – Sen sudya, – der Bo'riga, – Kimki oʻynasa qoʻpol, Yeb qo'y, mayli, bemalol. Chetga chiqib der Quyon: - Oʻynamayman, hoy polvon, Kechdim oʻsha tilladan. Ajragim yoʻq kalladan. Ayiq urib qahqaha, Der: "Azal sen shunaga. Bor, jo'nayqol, dingquloq, Yumron sendan yaxshiroq. Sen esa maymun – shayton, Boʻlasan darvozabon " Tulki qoʻllab hiylasin, Olay deb shoh tillasin, Der: "Oʻynay men hujumda, Toʻpni oʻrab dumimda. Chalg'itaman juda soz, Bu oʻringa oʻzim mos".

Ertakni rollarga boʻlib, ifodali oʻqing.
 Eshak qanday farmonni oʻqib eshittirdi?
 Nega Quyon oʻyindan bosh tortdi? Associationali and tortdi and and tortdi and tortdi and tortdi and tortdi and tortdi and

?

.

 Be, o'rnashmas to'p dumda, Zo'r zarbim bor xartumda. Bas kelish emas hazil, Men hujum gilsam, - der Fil. Avia o'rnidan turib: Bas giling, - der bo'kirib. ------Huiumda Jirafa golar, U vaxshi kalla solar. Qanot hujumchi – Qoplon, Chalg'itishga koʻp chaqqon. Tulki oʻynar oʻrtada, Himovada – toʻrttadan. Fil ragibin aylar tang -Eng orgada koʻndalang. To'ng'izvoy, sal bo'l bardam, Filga berasan yordam. Kirpi, seni qoʻshmaymiz, Yangi toʻpni teshmaymiz...

Toʻp oʻrtaga tashlandi, Oʻyin jadal boshlandi. Ilib olsa kim toʻpni, Nazarga ilmay koʻpni, Oʻzim uray gol, derdi, Tilla olay moʻl, derdi. Lekin ochkoʻz, baxillar, Noinoq, noahillar – Qanchalar bellashmasin, Qanchalar terlashmasin, Baribir gol boʻlmadi, Shohning koʻngli toʻlmadi. Kirib nafsin koʻyiga, Horib, charchab uyiga Qaytdi barcha oʻyinchi, Betilla, besuyunchi...

Boʻrivoy chaldi hushtak, Shu bilan tamom ertak.

🕥 1. Ertakni ifodali oʻqing.

2. Oʻyinda qaysi hayvonlar ishtirok etishdi?

3. Hayvonlar mukofot olmaganining sababini soʻzlang.



## Gʻoz – hunaring oz

Sobit G'afurov

Bir bor ekan, bir yoʻq ekan. Oʻrmonda bir Gʻoz yashar ekan. U doim kekkayib yurarkan. Bir kuni hayvon va parrandalar yigʻinida:

Men unaqa-bunaqa oddiy gʻozlardan emasman. Siz parrandalarga podsho boʻlsam arziydi, chunki hunarim juda koʻp, – debdi.
 – Xoʻsh, qani, bir koʻraylik-chi? – deyishibdi parrandalar chugʻurlashib. Maqtanchoq Gʻoz davom etibdi:

– Men sayrashni, yurishni, suzishni, osmonda uchishni, suvga shoʻngʻishni bilaman. Mana, shuncha hunarim bor. Qani, qaysi biringiz bunchalik koʻp hunar egasisiz?.. – Quruq aravani olib qochavermay, hunarlaringni koʻrsat, – deyishibdi atrofdagilar.

Maqtanchoq G'oz:

– Gapimga ishonmayapsizlarmi, mana, yoʻrgʻalashimni koʻringlar!

 Loaqal yugurishda menga yetolmaysanku, tagʻin maqtanishingni qara, – debdi Bedana.

– Qani, uchib koʻr-chi, – debdi Lochin bilan Qaldirgʻoch.

G'oz qanot qoqib osmonga ko'tarilibdi-da, sal nariga borib qo'nibdi. Lekin u Lochindek chaqqon, Qaldirg'ochdek tez ucha olmabdi.

Endi suzib, suvga shoʻngʻib koʻrarsan, –
 debdi Qurbaqa vaqillab, Choʻrtan baliq likillab.
 Gʻoz suvga tushib, sekin suzib koʻribdi, suvga



boshini tiqib shoʻngʻigan boʻlibdi. Gʻozning harakatini koʻrib, Qurbaqa bilan Choʻrtan baliq qotib-qotib kulishibdi.

– Qani, sayrab koʻr-chi, – debdi Bulbul. Gʻoz boʻynini choʻzib chunonam gʻaq-gʻaqlab ketibdi.

Gʻoz xuddi hamma ishni qoyil qilgandek kerilibdi-da:

– Qalay, hunarim zoʻr ekanmi? – deb soʻrabdi toʻplanganlardan.

– Hunaring koʻp boʻlgani bilan zoʻr emas ekan. Sen, ogʻayni, koʻp hunarlarni oz-oz bilgandan koʻra, bir hunarning ustasi boʻl! Maqtanma Gʻoz, hunaring oz! – debdi Qaldirgʻoch.

1. Gʻozning qaysi jihatlari qushlarga ma'qul boʻlmadi?

2. "Koʻp hunarlarni oz-oz bilgandan koʻra, bir hunarning ustasi boʻl", degan gapni izohlang.

#### Boʻlim yuzasidan takrorlash

Siz qanday kasb egasi boʻlmoqchisiz?
 "Hunarli inson xor boʻlmas" maqolini siz qanday tushunasiz?

3. Boʻlimdan yodlagan she'ringizni ifodali aytib bering.

4. Nima uchun bir yigitga qirq hunar ham oz deyishadi? Oʻz soʻzingiz bilan izoh- ang.



.....

#### GO'ZAL QISH MANZARASI



#### Kumush fasl

#### Zikrilla Ne'mat

Oltin kuz poyoniga yetib, dov-daraxtlarning soʻnggi yaproqlari ham duvva toʻkilib, bogʻ-u rogʻlarda, ekindan boʻshagan keng maydonlarda, paxsa devorlar ustida gala-gala qora qargʻalar paydo boʻlib qolishdi. Ular goʻyo qora chopon kiyib olgan kishilardek, yelkalarini qisib olgancha, zovur boʻylari-yu yoʻl chekkalarida salmoqli qadam tashlashadi. Atrofga alanglab olgach, yerdan nimalarnidir choʻqilab yeyishadi. Ayrimlari esa baland daraxt shoxiga yoki sim-72 yogʻochga qoʻnib olib, bulutli osmonga qarab "qarr-qarr" etib qoʻyishadi. "Qargʻa qagʻillayapti, qor yogʻsa kerak, ayoz nafasi kelyapti", – deyishadi koʻpni koʻrgan keksalar koʻkdagi bulutga ishora qilib. Darhaqiqat, koʻp kuttirmay, kechga borib yakkam-dukkam qor uchqunlay boshlaydi. Avvaliga ariq boʻylari va devor ostilari oqarib, tongga borib hamma yoq oppoq qorga burkanadi. Shudgorlangan dalalar oppoq qor koʻrpasi ostida shirin uyquga ketadi.

Bolajonlar uchun esa qishning qiziqarli oʻyinlari avj oladi. Kimdir qorbobo yasaydi, kimdir tepalikdan chanada uchadi. Kimdir oʻrtoqlari bilan maza qilib qorboʻron oʻynaydi. Shu boisdan ham biz zumrad bahorni, jazirama yozni va oltin kuzni qanchalik yaxshi koʻrsak, kumush qish faslini ham shunchalik sevib, orziqib kutamiz.

Qish butun tabiat hordiq oladigan sokin va orombaxsh fasldir. Ayniqsa, Oʻzbekistonimizning togʻ-u toshlari, dala-dashtlari, goʻzal qishloqshaharlari oqqa burkanib, koʻngilda sof va ezgu orzularni uygʻotadi.



1. Qora qargʻalar yurtimizda qachon paydo boʻladi?

2. Qishki oʻyinlar haqida bilasizmi?

3. "Qishki oʻyinlar" mavzusida 3–4 gapli matn tuzing.



Qish ohori qor bilan.



### Qor alyori

Dilshod Rajab

Osmon qorni eladi, Yerni oqqa beladi. Xuddi yumshoq par toʻshak, Dumalaging keladi.

Qor yogʻar-ey, qor yogʻar, Toʻlib dala-qir yogʻar. Boshimizdan sochqiday, Oq marvarid, dur yogʻar.

Xoʻp yaxmalak otamiz, Goho qorga botamiz. Qizib joʻshar qon tanda, Kim deydi sovqotamiz?

Qish yaxshi-yo, qish yaxshi, Oppoq qor – kumush yaxshi. Bir-birovga qor otib, Qiyqirib, quvish yaxshi.

Qortoʻplarni otamiz, Rosa kulib qotamiz. Pisand qilmay ayozni, Qish zavqini totamiz.

Qor yogʻar-ey, zoʻr yogʻar, Rizq-u roʻz moʻl-koʻl yogʻar. Xoʻb quvnatib dillarni, Zavqimizga joʻr yogʻar. 1. Shoir qorni nimaga oʻxshatgan?

2. "Qor yogʻar-ey, zoʻr yogʻar, Rizq-u roʻz moʻl-koʻl yogʻar" misralarini qay tarzda tushundingiz?



She'rni yod oling.

Oppoqqina dasturxon,

Yer yuzini qoplagan.

(GOL)



# Chana

Oʻtkir Hoshimov

# (Hikoya)

Farhodning dadasi chana olib keldi. Chananing orqasida suyanchigʻi bor. Sirpanchiq qanotlari yaraq-yaraq qiladi.

 Oʻgʻlim, chanangni oʻrtoqlaring bilan birga uchgin, xoʻpmi? – deb tayinladi dadasi.

Farhod indamadi. Ertasiga nonushta qilar-qilmas, chanasining ipidan tortib, koʻchaga chiqdi. Osmondan kapalak qor yogʻar, bolalar qiychuv koʻtarib oʻynashardi. Birov sirpanchiq uchar, birov qorbobo yasar edi.

Bolalar Farhodni koʻrishlari bilan atrofini oʻrab olishdi. Farhod boʻlsa:

– Qochinglar, bosib ketadi! – deb chananing ipidan mahkam ushlab oldi-da, Shavkatni turtib oʻtib ketdi. Koʻchaning narigi betidagi tepalikka keta boshladi.

– Meni ham uchir, – dedi Dildora unga ergashib. – Ho, sinib qoladi, – dedi Farhod va chanasini sudrab ketaverdi.

Tepalik ustiga chiqib, chanaga oʻtirib oldi. Keyin oyogʻi bilan bir siltangan edi, chana shuvullab pastga uchib ketdi. Farhodning yuziga qor uchqunlari urilar, chana esa qushdek uchib borar, uning qulogʻi ostida shamol gʻuvullar, ammo u sovqotmas edi.

Chana pastga tushganidan keyin toʻxtab qoldi.

Farhodning yoniga Bahodir yugurib keldi va Farhodga qarab:

– Galma-galdan ucha qolaylik. Bir gal sen tortasan, bir gal men tortaman, – dedi.

Shunda Farhod:

 Yoʻq, ipi uzilib ketadi, – dedi-da, qovogʻini solib oldi. Bahodir Farhodning qizgʻanchiqligidan xafa boʻldi va sirpanchiq uchayotgan bolalarning oldiga ketib qoldi.

U yana tepalikka chanasini sudrab chiqdi. Keyin pastlikka uchib tushdi. Besh-olti marta shunday qilgandan keyin charchab qoldi.

Farhod chanasini sudrab bolalarning oldiga bordi:

– Yur, Bahodir, galma-gal uchamiz, – dedi.

– Kerakmas! Men bolalar bilan oʻynayman, – dedi Bahodir.

Farhod Dildoraning oldiga bordi:

– Yur, Dildora, ikkalamiz chanada tepalikdan tushish oʻynaymiz, – dedi. 76

- Hali bermading-ku, chanangni! Endi kerakmas, - dedi Dildora va gizlar bilan gorbobo vasavverdi.

Farhod ularning o'yinini birpas tomosha gilib turdi-da, zerikib ketdi. Bolalarning oldiga borav desa, Bahodir bilan Shavkatdan uvaldi. Bitta oʻzi chana uchay desa, hech gizigʻi golmadi.

U alamidan yigʻlab yuboray dedi. Dadasi nima uchun: "Chanangni bolalar bilan birgalashib uchgin", deganini endi tushundi. Sekin-sekin bolalarning oldiga bordi-da, chanani ularning oʻrtasiga surib goʻydi va:

- Hammamiz galma-galdan uchamiz, bo'ptimi? - dedi sekingina.

Bolalar bu safar voʻq devishmadi.

- 1. Otasi Farhodga nima deb tayinladi?
  2. Bahodir kimdan, nima uchun xafa boʻldi?
  - 3. Farhod o'z xatosini gachon tushundi?

# Qish ham chiroyli

Quddus Muhammadiv

Hay-hay, ko'rkam gish, Qorlari kumush. Guppa-guppa gor Bo'ralab yog'ar. Sovuq chirsillar, Suv, muz girsillar,

G'uborsiz havo Jonlarga davo. Tanlar ham qaynoq, Hamma yoq oppoq. Daraxtlar goʻzal, Shoxlarni bezar. Qor doka voʻrgak, Novdalar qoʻdak. Uyquda mizqʻib Yel esar izgʻib. Tarnov, boʻqʻotda Sumalak katta. Osilib gator Shaq'amdek gotar. Bir gala chumchug Hovlida chirq-chirq. Pir-pir uchishar, Tomga qoʻnishar. Anhor suvi muz, Qora tikan tuz Singari rangi. O'ynashib yangi Besh-oʻnta bola. Oʻquvchi sara. Yaxmalak otib. Qor-muzga botib. Ketdi tarqashib, Tepadan oshib. Hay-hay, ko'rkam gish,



Qorlari kumush. Guppa-guppa qor, Boʻralab yogʻar.

1. She'rni ifodali oʻqing.

2. She'rda tabiat manzarasi qanday tasvirlangan?

3. "Tarnov", "boʻgʻot", "sumalak" soʻzlarining ma'nosini izohlang.

# Bosh qomus kitobimiz

Dilshod Rajab

Kitoblar koʻp dunyoda, Barchasidan ziyoda, Nur sochar misli oftob. Bizning bosh Qomus kitob! Har so'zida ming ma'no, Ham mehr. ham qudrat jo, Qadrlidir doimo. Bizning bosh Qomus kitob! Adolatdan soʻzlavdi, Ezgulikni koʻzlaydi, Teng-tenglikni istaydi, Bizning bosh Qomus kitob! Huquqimiz qalqoni, Erk, baxtimiz posboni, Insonivlik dostoni, Bizning bosh Qomus kitob!

Dadil boʻl, men bor, deydi, Senga madadkor, deydi, Qonun ustuvor, deydi, Bizning bosh Qomus kitob!

1. She'rni ifodali oʻqing.

2. Qomusimiz nimalar haqida soʻzlar ekan? Qomusimiz nima uchun kerak?

3. She'rning oxirgi bandi mazmunini tushuntiring.

She'rni yod oling.

# Qish ertagi

Aziza Ahmedova

#### (Ertak)

### 1

Havo soviy boshlabdi. Sovuqdan dir-dir qaltirashayotgan Tipratikan, Qizilishton, Quyon bir joyga yigʻilishib, suhbat qurishibdi.

– Men qiladigan ish qolmadi, endi dam olaman, – debdi Qizilishton.

– Nimalar deyapsan, hoy oʻrmon shifokori? – debdi unga Quyon. – Nahotki endi hech kimga keraging boʻlmasa?

 Voy, voy, voy! Shunaqa ham sovuq boʻladimi? Endi qayerda jon saqlaymiz? – deya baroqdum Tulki kelib qolibdi. Tulkini koʻrgan Quyonning jon-poni chiqib ketibdi.

Shu payt Qizilishton:

– Kelinglar, bir boshpana topaylik. Qishga 80 kerakli hamma narsani uyga tashib olamiz-da, yashayveramiz, – debdi.

– Yaxshi taklif. Lekin sizlarning qishga gʻamlaganlaringizni biz, tulkilar yeya olmaymiz. Bizga tovuq, quyon, qush goʻshti kerak, – Tulki shunday debdi-da, koʻzlarini surbetlarcha Qizilishtonga qadabdi. Soʻng sal nariroqqa, quyuqroq butalarning orasiga kirib olibdi. Qizilishton ham qaltirab, qoʻnib turgan butogʻiga mahkamroq yopishib olibdi va:

– Yegulik haqida keyin oʻylab koʻrarmiz. Hozir boshpana masalasini hal qilaylik, – deb Quyonga oʻgirilibdi.

### 2

Quyonlar yigʻilishibdi. Tulki ham ayyor doʻstlari bilan shu yerga kelibdi. Ular birgalikda boshpana qidira boshlabdilar.

Tulkilardan biri boshqasining qulogʻiga shivirlabdi:

– Qornim rosa ochdi-da, kel, mana bu quyonlardan bir-ikkitasini maza qilib tushiraylik.

– Yoʻq, yoʻq, biroz chidash kerak. Keyin hammasi oʻzimizniki boʻladi, – debdi boshqa Tulki.

Nihoyat, hayvonlar bir gʻor topishibdi. Gʻor kichikroq ekan, bu quyonlarga yoqib tushibdi. – Yaxshi joy ekan, faqat biz sigʻamiz, bolalari bilan Tipratikanga ham joy topilib qoladi. Biroq 6–Oʻqish kitobi, 3-sinf



Tulkixon bilan doʻstlari oʻzlariga boshqa joy topishlari kerak, shekilli, – debdi Quyon.

Quyonning gapiga Tulkining jahli chiqibdi. Ammo jahli chiqqanini sezdirmabdi.

– Gʻorni biz ham izlashdik. Quyonlar biroz siqilishsa, joy hammamizga yetadi, – debdi Tulkivoy.

- Yaxshisi, gʻorga sizlar avval kirib koʻringlar, sigʻsanglar sizlarniki, - debdi Quyon. Bu gap tulkilarga ma'qul kelibdi. Ular gʻorga kirishibdi. Qancha siqilishmasin, tulkilarning hammasi gʻorga sigʻmabdi. Buni koʻrgan Tipratikan tulkilarga qarab:

– Quyonning gapi toʻgʻri. Sizlar oʻzingizga joy topishingiz kerak, boshqa iloj yoʻq, – debdi. 1. Jonivorlar nima haqida suhbatlashibdi?
2. Tulkilar qanday ayyorlik qilmoqchi boʻlishibdi?

Ertakning 1 – 2- qismini rollarga bo'lib o'qing.

### 3

Tulkilar boshqa chora topolmabdilar. Toʻplanishib, shivir-shivir boshlabdilar, Tulkilarning biri:

- Rozi boʻlaveraylik. Hozircha topgan-tutganlarini g'orga tashib, eshikni berkitib o'tiraverishsin, - debdi.

- Birdan hujum qilamiz, hammasini qoʻlga tushiramiz, - debdi ikkinchi Tulki.

Maslahatga berilib ketgan tulkilar daraxtdagi Qizilishtonni sezmay qolibdilar. Oʻrmon shifokori tulkilarning hiylasidan Tipratikanni xabardor gilibdi

- Bekorga shivirlashmayotgan ekan-da! - debdi Tipratikan Qizilishtonga rahmat aytib. -Yaxshivam bizni xabardor qilding. Bechora quvonlar avvorlarning qoʻliga tushishlariga sal qolibdi-ya!

### 4

Tipratikan quyonlarni qutqarish yoʻlini oʻylay boshlabdi. U quyonlardan birini g'orga kiritibdi va tuynuk bor-yoʻqligini bilib chiqishni aytibdi. Quyon tashqariqa ochilgan kichikrog tuynuk borligini bilib chigibdi.

83

Shu payt baroqdum kelib:

– Biz rozimiz. Mayli, bu boshpana quyon doʻstlarimizga boʻla qolsin. Biz tashqarida gʻorni qoʻriqlab yashayveramiz, – debdi.

Quyonlar rozi boʻlishibdi. Tipratikan esa quyonlarga tuynukdan tezroq chiqib ketishni ishora bilan tushuntiribdi.

Quyonlar gʻorga kirib, yashirin yoʻldan chiqib keta boshlabdilar. Quyonlarning oxirgisi chiqib boʻlgach, Qizilishton Tipratikanga koʻz qisibdi. Tipratikan tulkilarga gʻorga kirishga ruxsat beribdi.

Tulkilar bir-birlarini bosib-yanchib ichkariga otilibdilar. Biroq u yerda hech kim yoʻq ekan. Aldangan, och tulkilar gʻazab bilan tashqariga chiqishibdi. Bu hiylani Tipratikan oʻylab topganini darhol bilishibdi. Ular Tipratikanga tashlanishibdi. Tipratikan esa gʻujanak boʻlib olib, ular tomonga dumalabdi. Xullas, ayyor baroqdum va doʻstlarining maqsadi amalga oshmabdi. Ular sharmanda boʻlib, joʻnab qolibdilar.

Yashavor, Tipratikan ogʻayni! – debdi Qizil ishton. – Dono maslahating bilan quyonlarning
 hayotini saqlab qolding.

 Ha, do'stim, sen ham katta yordam berding, – minnatdorchilik bildiribdi Tipratikan. – Agar biz birlashmaganimizda, ayyorlar ustidan g'alaba qilolmas edik.  Tipratikan nimaga oʻylanib qolibdi va qanday tadbir qoʻllabdi?
 Nima uchun tulkilar oʻz maqsadlariga erisha olmabdilar?
 Ertakda qanday fazilatlar ilgari surilgan? Har bir qismga mos sarlavha toping.
 Ertak qahramonlariga baho bering.
 Doʻsting bilan dildosh boʻl, Qilar ishiga qoʻldosh boʻl.

### Laylak qor

Uchib tushgan laylak gor, Momig parga oʻxshavdi. To'kilishi maftunkor. Munchog, zarga oʻxshavdi. Laylak gor, laylak gor, Koʻngillarni yayrat, gor! Qo'lim tutsam, kaftimga Kapalakday qoʻnadi. Nagshi hayratga solib, Zumda erib ioʻnadi. Laylak gor, laylak gor, Moʻjizali, hayrat qor! Daraxtlar ham oq rangda Chizilganga oʻxshaydi. Osmonning tegirmoni Buzilganga oʻxshavdi.

Orif To'xtash



Laylak qor, laylak qor, Uchib-qoʻnib, yayrab qol! Zavq berar bu manzara, Har oʻgʻilga, har qizga. Uydan chiqib, singlim ham Aylandi naq Qorqizga! Laylak qor, laylak qor, Qorqiz kiygan koʻylak qor!



Tabiat tasviriga e'tibor qarating. Fikrlaringizni ogʻzaki ifodalang.

She'rni yod oling.



# Qish bo'lmasa-chi?

Yayra Sa'dullayeva

(Hikoya)

Sanobar uygʻonsa, yotoqxonasi sovib ketibdi. Pagʻa-pagʻa qor yogʻibdi. Hali hech kim isitgich yoqmagan edi. U erinibgina oʻrnidan turdi-yu, iliq suvga yuz-qoʻlini yuvib keldi.

Oyisi:

– Kechagina kuz edi, bugun qish ham kelib qolibdi, – dedi.

Sanobar oyisidan:

– Qish boʻlmasa, nima qiladi? – deb soʻradi. Muruvvat opa qiziga shunday javob berdi:

Qish boʻlmasa, yer yaxshi hordiq chiqara olmaydi. Yer tabiatning uch faslida qattiq meh-

nat qilib, xalqqa noz-u ne'matlar beradi. Qishda bamaylixotir dam oladi. Qor va yomg'ir suvlarini yig'ib, namligini kelgusi yil hosili uchun asrab turadi. O'zida kuch to'playdi. Bahor kelishi bilan insonga o'z bag'rini ochadi, mehrini sochadi.

– Qish boʻlmasa, yer charchab qoladimi? – deb soʻradi Sanobar koʻzlarini javdiratib.

 Toʻgʻri topding, qizim. Yer charchab qoladi. U toliqsa, sen yeyotgan olma-anorlar, qovun-tarvuzlar, kartoshkalarning hosiliga futur yetadi. Qor yogʻmasa, qorbobo yasay olmaysan, yaxmalak ucholmaysan.

Sanobar hayron boʻlib qoldi. Rosti bilan qish boʻlmasa, bugungiday toʻkinchilik, boylik boʻlmas ekan-da? Hali u bunday gaplarning magʻzini chaqib ulgurmasdan, onasi yelkasiga qoqib:

– Boʻla qol, ona qizim, oʻqishingga kech qolma, – dedi-da, uni maktabiga kuzatdi.

Sanobar yoʻl-yoʻlakay onasining aytganlarini oʻylab borardi. Chunki oyijonisiga bergan savoliga olgan javobni oʻrtoqlariga ham aytgisi kelardi.

1. Muruvvat opa qiziga qish haqida nimalar - dedi?

2. Hikoya nima bilan tugadi? Matn mazmuniga mos maqol tuzing.



# Momiq qor


Poʻlat Moʻmin

Yogʻadir momiq qor, Bea'ubor, bea'ubor, Tutaman kaftimni. Yuzimni, aftimni, Ohista silaydi Va sogʻliq tilaydi. Hayron-la chopaman, Olam zavg topaman. Qor yogʻar elanib, Oq rangga belanib. Dalalar vastanib, O'zicha yasanib, Koʻrinar keng borlia. Og gorlik, ogohlik... Oppog gor vogʻadir, Barchaga yogadir. Magtasa kirovi qishning chiroyi. Qor – Gapimning ochig'i: Qor - yerning ozigʻi. moʻl hosildir. Asli Murodlar hosildir. Yogʻadir oppoq qor, Hamma yoq oq gulzor.

She'rni vod oling.



? A





# Qorparcha

Oydinniso

### (Ertak)

1

Qorparcha yoz faslini koʻrishni orzu qilardi. U avvallari dunyoda yoz degan fasl borligini bilmasdi. Har qishda oʻynab-kulib, yayrab-sakrab yogʻardi. Har bahorda bugʻlanib, osmonga qaytar, ba'zan havo sovuq kelsa, kuzni ham koʻrib qolardi.

Bir qish u oʻynab tushib, daraxt shoxiga qoʻndi. Sovqotib turgan daraxtga uning tashrifi yoqmadi, qovogʻini uydi. Qorparcha hayron boʻldi:

– Nega xafa boʻlasan? Axir seni bezatish uchun keldim-ku! Qara, qanday chiroyli boʻlib qolding!

– Shuyam chiroy boʻptimi? – tumtaydi daraxt. – Sovuqdan hamma yogʻim uvushib ketyapti. Sen meni yozda koʻrganingda!..

- Yoz deganing nima u? - qiziqdi Qorparcha.

– Yoz – bu... nur fasli. Ona yer quyosh nuriga choʻmiladi. Gullar ochiladi, rang-barang kapalaklar ularga qoʻnib oʻynaydi. Laylaklar janubdan qaytib, shoxlarimga in quradi. Tuxumidan palaponlar chiqadi. Eh, ularni bir koʻrganingda!



Qorparcha oʻsha yili yerda qolib, yozni koʻrmoqchi edi. Biroq u quyosh chiqishi bilan erib, bugʻlanib ketdi. Koʻz ochib-yumguncha oʻzini osmonda koʻrdi.

U endi avvalgi Qorparcha emasdi. Qalbini yozni koʻrish istagi qamrab olgandi. Har zamonda osmondan yerga moʻralar, hech nima koʻra olmay xunob boʻlardi.

– Meni kapalakka aylantirib qoʻying! – deb soʻradi u ona Bulutdan.

Nima uchun? – hayron boʻldi ona Bulut.
 Kapalaklar yozda yashar emish. Men yozni koʻrmoqchiman.

– Lekin...

lltimos, kapalakka aylantirib qoʻying!

Yana qish keldi. Ona Bulut Qorparchani kapalakka aylantirib, zaminga uchirib yubordi. 90 1. Qorparcha nega yoz faslini koʻrishni orzu qildi?

2. Hikoyani rollarga boʻlib oʻqing.

#### 2



– Kapalak qor yogʻyapti, kapalak qor! – suyunib koʻchaga otildi bolakaylar.

Qorparcha qanotlarini qoqib, havoda raqsga tushdi. Horigach, tanish daraxt shoxiga qoʻnib:

 Hooy, salom! Koʻrdingmi, men kapalakka aylanib keldim! Sen bilan birga yozni koʻrmoqchiman, – dedi u daraxtga.

Daraxt kulimsiradi:

– Sen kapalak emas, kapalak qorsan. Quyosh chiqsa, erib ketasan.

– Hecham-da, – qaysarlik qildi Qorparcha, – men kapalakman!

Daraxt haq edi. Qorparcha yana havo isishi bilan erib, bugʻlanib ketdi. Biroq orzu qilishdan toʻxtamadi. Endi u ona Bulutdan laylakka aylantirib qoʻyishini soʻradi. Laylaklar ham yozda yashaydi. Daraxtning aytishicha, ular kattagina qush ekan. Ehtimol, laylakka aylansa, erib ketmas...

U qanotlarini laylakcha qoqib zaminga uchdi. Bolalar uni koʻrib, qoʻshiq kuylay boshlashdi. Laylak qor-u laylak qor, Laylak qorga men xumor.

91

– Sen hech yozni koʻrgan qor haqida eshitganmisan? – soʻradi Qorparcha tanish daraxtdan.

– Eshitganman. Ular togʻ choʻqqilarida yashar emish. Koʻpchiligi yozga kelib qurtlab ketar ekan.

Qorparchaning yuzi burishdi. Yoʻq, u qurtlashni xohlamaydi. Yozni bir koʻrsa bas, keyin erib ketsa ham mayli.

Bu safar ham Qorparchamiz bahor kelishi bilan osmonga qaytdi. U dili xufton boʻlib, yana ona Bulutga yuzlandi.

– Shunday qilamanki, bu gal yozni koʻrib qaytasan! – soʻz berdi ona Bulut.

U soʻzining ustidan chiqdi. Qorparcha endi uchib tushib, ochilib turgan bir kaftga qoʻndi. Bu – qaynoq yurakli shoir bolaning kafti edi. Qorparcha erib, uning vujudiga singib ketdi. Bu vujudda toʻrt fasl birday yashardi. Qorparcha orzu qilganiday, toʻrt fasl goʻzalligidan bahramand boʻldi. Soʻng shoirning koʻzlaridan quvonch yoshi boʻlib sizib chiqdi-da, osmonga bugʻlanib ketdi...

!?

1. Qorparchaning orzusi qanday amalga oshdi?

2. Hikoyaning oxirgi jumlasini oʻqing. Oʻz fikringizni bildiring.



# Ayamajiz

Oudrat Hikmat

Bivday cho'l-u dalalar. Bo'ralar qor kapalak. Bog'lar sokin, mizg'ishar Misoli og kapalak.

Muz oynalar sovuq yeb, Anhorchada airsillar. Tarnovlarda sumalak Shodalari chirsillar.

Saxiy ona tabiat Quchogʻida havo sof. Onda-sonda koʻrinar Nursiz, gizgʻish oftob.

Ayamajiz izgʻiydi, Koʻchalarda tutagib. Shox-shabbani tortgilar, Yalmogʻizdek yutoqib...

Ko'k maysalar nish urib, Yerning baland-pastida. Go'zal bahor selkillab. Yetilar ver ostida.

1. Uchinchi to'rtlikda nima devilgan? 2. Ayamajiz paytida tabiatda qanday hodisalar ro'v beradi?



## Qorboboga elektron maktub

Zamira Ibrohimova

### (Hikoya)

Bugun Sardor oʻzgacha hayajon bilan maktabdan keldi. Ovqatlanib boʻlgach, koʻtarinki kayfiyatda dars qilishga oʻtirdi. Qoʻliga ruchkasini oldi, daftarning oppoq varagʻiga "Qish" deb sarlavha qoʻydi. Davomiga nima yozishni bilolmay, toʻxtab qoldi.

"Nima yozsam ekan-a? Ertak toʻgish shungivin deb oʻylamagan edim". Deraza chalik voniga kelib, tashqariga qaradi, dekabr oyi boʻlsa ham, qishni eslatadigan hech narsani koʻrmadi. Yer qup-quruq, osmon tip-tiniq, quyosh charaglab turibdi. "Hmm, ustozimiz ham gizig. Qor yogʻmagan boʻlsa, bolalar qorbobo yasamayotgan boʻlishsa, qanday qilib qish haqida ertak toʻqib boʻladi ... Katta yozuvchilar ham qor yogʻishini tomosha qilib, keyin ertak yozishadi-da. Agar qish oxirigacha qor yogʻmasachi, unda nima boʻladi? – dedi oʻziga oʻzi, – Bir xil joylarda qishda ham havo issiq boʻladi, gor yogʻmaydi, devishadi. U yerdagi bolalar gor o'ynamasa, chana uchmasa, gish juda zerikarli oʻtsa kerak. Eh, oʻsha tomonlarga borib golsammidi, shartta Qorboboga telefonda SMS jo'natib, sovug havo, ko'prog gor vubo-

94

rishini iltimos qilardim. Qor gupullab yogʻsa, bolalar qorboʻron oʻynasalar, qorbobo yasasalar qanchalik xursand boʻlishardi-ya..."

Sardor shularni xayolidan oʻtkazib, jim boʻlib qoldi.



Soʻng "Voy, shular haqida yozsa boʻladi-ku!" dedi xayoliga kelgan fikrdan guvonib. Va teztez yoza boshladi: "Bir bor ekan, bir yoʻq ekan, uzoqmas yaqin zamonda bir qishloq bo'lgan ekan. U yerlarda qish faslida ham havo issig bo'lar ekan. Sovug yo'g, gor yo'g, shuning uchun u yerga Qorbobo ham kelmas ekan. Bolalar sovuq qishda qor oʻynashni, qorbobo yasashni juda xohlabdilar. Ular Qorboboga elektron pochtadan xat yuboribdilar. Qorbobo bolalardan oʻz "e-mail"iga kelgan xatlarni oʻqib, ularga togʻlardan, oʻrmonlardan koʻpkoʻp qor va sovuq yuboribdi. Bolalar bundan rosa xursand bo'libdilar. Qor o'vnab, chana uchibdilar. Qordan gorbobo yasabdilar. Hamma murod-u maqsadiga yetibdi", deb ertagini tamomladi.

Ertasi kuni ustoz oʻquvchilar tomonidan yozilgan eng yaxshi ertaklarni oʻqib berdi. Sardorning ertagiga ham alohida e'tibor qaratib, yaxshi soʻzlar aytdi. Sardor bu maqtovlardan quvonib oʻtirgan edi, partadosh doʻsti Shahzod: – Sardor, internetdan koʻrdim, bugun qor yogʻar ekan, – dedi quvonch bilan.

 Zoʻr-ku! – dedi Sardor yanada sevinib.
 Bolalar maktabdan qaytayotganlarida osmondan oppoq qor yogʻardi.

1. Sardor maktabdan uyiga qanday kayfiyatda qaytdi?

2. Elektron maktubning mazmunini soʻzlab bering.



## Yangi yil archasiga

Dilfuza Kamoljonova

Boʻylari shiftga yetgan, Igna bargli, koʻk archa. Zar-u marjonlar taqib, Yasanishing oʻzgacha.

Yangi yil bayramida Qorboboni kutamiz. Qop orqalab kelsa gar, Zavqqa toʻlib ketamiz.

Kichkintoylar kuylashib, Atrofingda aylanar.



Egningdagi chiroglar, Kech kirganda tovlanar.

Koʻrkam archa, koʻk archa, Bayramda bosh gahramon. Baland tog'lar oshib kel, Uyimizda bo'l mehmon.



1. Shoir archani qanday ta'riflagan?

2. She'r mazmuniga mos rasm chizing.

She'rni yod oling.

Yozda ham qishda, 🛃 Bir xil kiyimda. (Archa)



# Boʻlim yuzasidan takrorlash

1. Qishda oʻlkamiz tabiatida qanday oʻzgarishlar ro'y beradi?

2. Qish fasli bolalarga yogadimi? Nima uchun? Buni qaysi asardan bilib oldingiz? 3. "Qish" mavzusida rasm chizing. Chizilgan rasm asosida ogʻzaki hikoya tuzing.

4. Boʻlimga kiritilgan she'rlardan oʻzingizga voqqanini avtib bering.

5. "Qish zavgi" mavzusida matn tuzing.



Oʻtda yonmaydi, Suvda botmaydi. (znjy)



7-Oʻqish kitobi, 3-sinf

VATAN HIMOYACHILARI



## Vatanimga xizmat qilaman

Zikrilla Ne'mat

Yigitdirman, yoʻqdir armonim, Oʻz burchimni yaxshi bilaman. To tirikman, ona makonim – Chamanimga xizmat qilaman, Vatanimga xizmat qilaman!

Temur bobom qudrati menda, Jaloliddin jur'ati menda, Temur Malik shiddati menda, Gʻanimlarning bagʻrin tilaman, Vatanimga xizmat qilaman!

Mangu omon boʻlsin deb xalqim, Kecha-kunduz bedordir qalbim, Shu el – mening gʻururim, baxtim, Men undan kuch-quvvat olaman, Vatanimga xizmat qilaman!

Shu yurt mangu dilga jo boʻlsin, Osmonlari musaffo boʻlsin, Baxti uchun jon fido boʻlsin, Unga mangu sodiq qolaman, Vatanimga xizmat qilaman!

1. She'rni ifodali o'qing.

2. Ajdodlarimizga munosib farzand boʻlish uchun nima qilish kerak? Vatan haqida bilgan maqollaringizdan ayting.



### Balli buva

Yusuf Fayzullo

# (Hikoya)

Koʻchamiz muyulishida yashaydigan otaxonni hammamiz yaxshi koʻrardik. Maktabga borishdayam, qaytishdayam koʻcha eshigi yonida oʻtirgan boboga odob bilan salom berardik. U kishi bizni "Balli, bolalarim", deya olqishlardi. Eng qizigʻi, u kishining asl ismlarini birortamiz bilmasdik, "Balli buva" derdik. Goho katta yoshlilar "Polvon ota" deya murojaat qilishganini eshitib, hayron qolardim: jussasi kichkinagina bu odamning nimasi polvon ekan?

Keyinchalik, "Balli buva" haqida onam bir voqeani soʻzlab bergan edilar.

99

U paytlar uyimizdan sal narida ekinzor dalalar boʻlgan ekan. Urush vaqtida yosh-u qari ertadan kechgacha daladan chiqishmagan ekan. Ikkinchi jahon urushi yillarida "Balli buva"ning urushga ketgan ikkala oʻgʻillaridan ham birinketin "Bedarak yoʻqoldi", degan mudhish xabar kelibdi. Oʻz yogʻiga qovrilib yotgan ota-onasini kuydirib, kenja oʻgʻil ham frontga joʻnabdi. Undan ora-sira kelib turgan maktublar otaonaning yagona quvonchi ekan.

Oʻsha yili bugʻdoy oʻrimi erta boshlanibdi. Bir kuni jamoa xoʻjaligi raisi dalaga kelib, "Balli buva"ni bir chetga tortib, allanimalar debdi. Rais ketgach, buva ma'yus tortib qolibdi. Chalgʻini yelkasiga ilgancha, qoʻshnilarga bugun uyga bormasligini kampiriga yetkazib qoʻyishlarini iltimos qilibdi.

Tuni bilan tinmay bugʻdoy oʻribdi. Tong yorishganda, xoʻjalik rahbari kelib qolibdi.

Bugʻdoyzorning yarmidan koʻpi oʻrib boʻlinganini koʻrib, hayron boʻlibdi. Bu otaxonning ishi ekanligini bilgach, bir oʻzi yigirma kishining yumushini bajargan buvani dast koʻtarib, "Yashang, polvon ota", deya chir aylantiribdi.

"Balli buva"ning kenja oʻgʻlidan ham "qora xat" kelganini xoʻjalik rahbari ming bir iztirob bilan oʻsha oqshom aytgan, otaxon bor alamini ishdan olgan ekan...

Hali-hanuz mahalladoshlarimiz "Balli buva"ni eslab yurishadi...

100

 Nima uchun mahalladoshlari otaxonni Balli buva, Polvon ota deb atashar ekan?
 Balli buvaning qanday xislatlari bor ekan? Matndan shu oʻrinlarni toping.

## Bugun bolasiz, ertaga askar boʻlasiz

# (Suhbat)

**Muxbir:** Iskandar aka, ayting-chi, bolalarning tashqi koʻrinishi, xatti-harakatiga qarab askarlarga xos fazilatlarni bilish mumkinmi?

I. Rahmonov: Albatta mumkin. Bolalarning qoʻrqoq yoki botirligi, dangasa yoki mehnatkashligi, chaqqon yoki epchilligi shundoqqina ularning harakatidan bilinib turadi. Darvoqe, xalqimizning "Bola boshidan..." degan iborasi ham bor.

**Muxbir:** Askar boʻlish uchun bolajonlarimiz oldindan qanday tayyorgarliklarni koʻrib borishlari kerak?

I. Rahmonov: Gapi ogʻzidan tushib ketadigan, onasining etagiga yopishib, hiqillab yuradigan erkatoylardan chinakam askar va zobitlar chiqmaydi. Harbiy xizmatda askarlar juda qisqa fursatda boshdan oyoq kiyinib, safga turishlari kerak. Askarning ust-boshi doimo ozoda, kiyimi dazmollangan boʻlib, poyabzali yaraqlab turishi shart! Bularni unga birov qilib bermaydi. Ularni bajarish oson emas. Toʻgʻri, kimki kichikligidan shunaqa fazilatlarga ega boʻlsa, ularga birmuncha oson boʻladi. Erkatoylar esa judayam qiynalishadi. Bolalarimiz, avval, sogʻlom boʻlishlari kerak. Sogʻlomlik esa jismoniy tarbiya, turli harakatli oʻyinlar va sport bilan muntazam shugʻullanishni talab qiladi.

**Muxbir:** Ha, toʻgʻri. Oʻtmishda ham, hozir ham Vatanni qoʻrqoq, nomardlar emas, balki mardlar qoʻriqlagan, qoʻriqlaydi. El ana shunday mardlarni olqishlaydi, ardoqlaydi. Askarlik hayoti oʻtadigan harbiy boʻlinma esa mardlar maktabidir.

I. Rahmonov: Shunday, bolajonlarimiz mardlar maktabida chiniqib, toblansinlar. Mustaqil Oʻzbekistonimiz Qurolli Kuchlari safida xizmat qilish har bir farzand uchun sharafdir.

> Iste'fodagi tibbiy xizmat podpolkovnigi Iskandar Rahmonov bilan suhbatdan



1. Suhbatdan nimalarni bilib oldingiz?

2. "Bola boshidan..." iborasi kimning nutqida uchradi?

3. Maqolada askarlarning tartibga boʻysunishlari, koʻrinishlari haqida nimalar deyilgan?

4. "Mardlar maktabi" deganda nimani tushundingiz?



Boʻladigan bola boshidan ma'lum.



# Sport maktabi

Anvar Obidjon

Tashkil topib vavlovda Sport maktabi. Oʻsib borar polvon-u Chaggonlar safi. Ta'lim olar Qo'zichoq Bunda boksdan. Endi qoʻrqmas, duch kelsa Bo'ri qo'qqisdan. ltga vozdi ariza Shaddod vosh Taka: "Boʻlmoqchiman gilichboz, Murabbiv aka". Tinim bilmay Cho'chgacha Mashq qilar kunda. U shtanga koʻtarar Ogʻir vaznda. Yashil futbol maydoni Aynigsa, gavjum. Ana, Toychog pishqirib Qilmoqda hujum. Darvozani Mushukcha Qoʻriqlar hushyor. Chunki qizil koptokda Sichgon rasmi bor. Kechagina maktabga Qo'shilgan Buzog,

Gimnastlarga qoʻshilib, Otar shataloq... Tashkil topib yaylovda Sport maktabi, Oʻsib borar polvon-u Chaqqonlar safi. Ammo Xoʻtik shubhada Yuribdi hamon: "Eshakdan ham, nahotki, Chiqsa chempion?!"

1. She'rni ifodali oʻqing. Qaysi hayvonlar sport bilan shugʻullanishdi?

2. Shoir hayvonlarga qanday ta'rif bergan?



### Bobonur

Safar Barnoyev

(Hikoya)

Nigina akasidan kelgan xat qatidagi rasmni koʻrib, koʻzlari chaqnab ketdi. Sabriya bibinikiga chopdi.

Sabriya bibi suratni olib sinchiklab tikildi. Uning chehrasi yorishdi.

 Axir bu oʻzimning Bobonurim-ku! Voy, bibiginang aylansin. Qizim, mana bularga qara, koʻzimga issiq koʻrinyapti.

 Bibijon, Bobonur akam uzoq joyda emas, Samarqandda xizmat qilyaptilar.

Sabriya bibi:

104

- Bobonurim askar emasmi?

– Askarlar, – tushuntirdi Nigina, – ular Samarqandni qoʻriqlaydilar.

– A? – dedi Sabriya bibi, – Samarqandni qoʻriqlaydimi?

Soʻng:

- Xayriyat-ey, - deb oʻyga toldi.

Qishloq yigitlari birin-ketin boʻy choʻzib, harbiyga keta boshladi. Bibi ularning harbiyga joʻnatish marosimiga atab patir yopardi. Yigitchalar bilan xayr-xoʻshlashar ekan, yopgan patiridan olib chiqib:

 Nevaraginam, mana bu yeridan tishla, esonomon kelsang, rizqingni oʻzing yersan, – deb patirni ilib qoʻyardi. Koʻpchilik askarlikdan qaytgach, oʻz nasibasini olib ketardi.

Bobonur armiyaga ketar kuni ham Sabriya bibi unga patir tutqazib:

– Mana buni issiqligida tishla, bolam, nasibang doim butun boʻlsin! – deb uyga kirib ketgan edi...

Bibining kiprigiga yosh qalqidi. Buni koʻrgan Nigina soʻradi:

- Bibijon, nega yigʻlayapsiz?

– Bobonurimning rizqi butun ekan, shunga quvonganimdan yigʻlayapman, bolam. Nasib etsa, nevaraginamni oʻzim borib koʻrib kelaman.

Sabriya bibi rasmni qaytarib berar ekan, qoʻlini ochib duo qildi: – Iloho, yurtimizga koʻz tegmasin, mustaqilligimiz mustahkamlanib borsin.

1. Nima uchun Sabriya bibining chehrasi yorishdi?

2. Bibi qishloq yigitlariga armiyaga joʻnashlarida qanday tilak bildirar edi?

## Notinch mamlakatlarda

Zahro Hasanova

Tezkor tarmoglardan Xorii xabarin berar. Notinch mamlakatlardan Noxush daraklar kelar. Koʻrdim vayron shaharda Urushning oqibatin, Boshiga oʻq yogʻilgan Odamlarning gismatin. Beg'ubor bolalarning Koʻzida mung, yigʻlar zor, Begunoh odamlar zir Yugurar chekib ozor. Mavib-majruh kishilar Har tomon izillashar. Bolasin quchoqlagan Onalar yoʻl izlashar. Urush ochgan kaslarda Hech boʻlmagan adolat. Yovuzning vatani voʻq, Ularda voʻq divonat.

Yaratganga ming shukur, Tinchlikdir shiorimiz. Ilohim koʻz tegmasin, Yashnasin diyorimiz. Yigitlari ulgʻayib, Mard, jasur oʻgʻlon boʻlsin. El-yurt ishonchin oqlab, Vatanga posbon boʻlsin. Qizlari goʻzal, suluv, Barchindek saodatli, Zulfiyadek millatga Qiz boʻlsin saodatli.

1. She'rni ifodali oʻqing.

2. "Yovuzning vatani yoʻq", degan fikrni qanday tushundingiz?

3. Shoirning "Tinchlikdir shiorimiz", degan fikrini izohlang.



# Vatan himoyachisi

Shukrullo Abdullayev

# (Hikoya)

Maktabgacha ta'lim muassasasi bolajonlarning qiy-chuvi bilan gavjum. Tarbiyachi Donoxon opa jajjilar bilan qiziqarli bir ertakni sahnalashtirish maqsadida bolajonlarga murojaat qilmoqda:

– Bolajonlar, hozir biz boʻri, fil, toʻtiqush rolini oʻynaydigan bolalar va qizlarni tanlab oldik. 107 Endi tulki roli uchun qatnashchilarni tanlasak boʻldi. Xoʻsh, Jasurbek, sen ham rollarni yaxshi oʻynaysan. Kel, tulki rolini oʻynay qol.

 Yoʻq, – deya e'tiroz bildirdi Jasurbek shu zahotiyoq.

– Nega? – ajablanib soʻradi tarbiyachi boladan.

– Chunki tulki yolgʻonchi, qoʻrqoq. Men uning rolini oʻynamayman.

Axir bu ertak-ku, kel, shu safar Tulki
 boʻla qol, – iltimos qildi bogʻcha opasi Jasur bekdan. Bolakay esa "Yoʻq!" – deb turib oldi.

– Unda qaysi jonzotning rolini oʻynaysan? – qiziqishi ortib soʻradi tarbiyachi yana.

Men, – dedi oʻrnidan turib Jasurbek oʻz
 ismiga xos jasurlik va qat'iyat bilan, – qoʻrqmas,
 dovyurak, oʻrmondagi jonzotlarni himoya qiladigan
 Sher boʻlaman, – dedi.

Shunday qilib, spektakl juda ham qiziqarli sahnalashtirildi. Uni tomosha qilgan ota-onalar, tarbiyachilar va mehmonlar rosa xursand boʻlishdi.

Bundan Jasurbekning ham koʻngli koʻtarildi. Chunki u sher vazifasini qoyilmaqom qilib bajardi. Oʻrmonga begonalarni kiritmadi. Boʻri bilan olishib, uni yengdi. Barcha sherlarni birlashtirib, Fildan ham zoʻr chiqdi. Aldoqchi Tulkining gapiga ishonmadi. Yolgʻonchiligini fosh qildi. 108

Oradan yillar oʻtdi. Jasurbek oliy harbiy bilim yurtida a'lo baholarga o'gidi. Sport bilan muntazam shugʻullanib, karate boʻyicha jahon chempioni bo'ldi. Oliv go'mondonlik akademivasida ham tahsil oldi.

Hozirda Jasurbek - general. Armiyaga go'mondonlik giladi. Uning rahbarligidagi minglab askar va zobitlar Vatanimiz chegaralarini go'riglaydi. U oʻz yurtini sevuvchi sheryurak inson. Vatani uchun jonini berishga ham tayyor.

1. Tarbiyachi Jasurbekdan nimani soʻradi?
2. Jasurbekning javobidan nimani tushundingiz?

- 3. Siz katta boʻlganingizda kim boʻlmoqchisiz?

Bir yigit – bir elga rizq.

## Boʻlim yuzasidan takrorlash

1. Vatan himoyachisi qanday sifatlarga ega boʻlishi kerak? Bu haqda boʻlimdagi qaysi asarlarda bayon etilgan?

2. Boʻlimdagi she'riy asarlardan nimalarni o'rgandingiz?

3. "Jonajon Vatanim" mavzusida oʻqituvchingiz yordamida reja tuzing va bayon yozing.



## ULUG'LARDAN O'RGANMOQ - OQILLIK



## "Qutadgʻu bilig" hikmatlari

Bilimni buyuk bil, uquvni ulugʻ, Bilim, uquv bilan odamzod qutlugʻ.

Har soʻzni oʻylab ayt, boshing ketmasin, Tilingni tiyib yur, tishing sinmasin.

Tiling tiysang, sogʻ-u salomat boshing, Oʻylab aytsang soʻzing, ziyoda yoshing.

Murodiga yetar bilimli kishi, U dunyo, bu dunyo saranjom ishi.

Shoshilma hech ishda, sabr qil, sabr, Shoshilinch ish oxir jon uchun jabr.

Toʻgʻri soʻzga omad yor-u salomat, Yolgʻonchi boshida ming bir malomat. 1. Hikmatlarni oʻqing. Siz shu hikmatlardan qaysi biriga koʻproq amal qilasiz? 2. Hikmatlardan namunalar yodlang.

Donoga ergashgan dovondan oshar.

Jaloliddin Manguberdi

Mirkarim Osim

## (Hikoya)

Chingizxon harbiy kuch bilan Urganchni bosib ololmagach, hiyla ishlatishga oʻtdi. Moʻgʻullar Jayxunning toshqinidan saqlab turadigan toʻgʻonni ochib yubordilar. Shaharni suv bosdi. Hamma imoratlar qulab, suv ostida qoldi. Koʻplab aholi halok boʻldi.

Bu vaqtda shahzoda Jaloliddin moʻgʻullarga qarshi kurashish uchun Eron va Afgʻonistonda qoʻshin toʻplay boshlagan edi. U koʻp qoʻshinni birlashtirib, Nesa<sup>1</sup> yonida Parvona shahri atrofida moʻgʻullar bilan qattiq kurashdi va dushman ustidan gʻalaba qozondi. Juda koʻp oʻlja olindi.

Jaloliddinning lashkarboshilari oʻljani taqsimlay boshladilar. Shu payt oralarida nizo chiqib, lashkarboshilarning koʻpchiligi ketib qoldi. Jaloliddinning askarlari kamayib ketdi.

<sup>&</sup>lt;sup>1</sup> Nesa – hozirgi Ashxabod shahri.

Jaloliddinning askarlari kamayib ketganini bilgan Chingizxon Hind daryosi sohilida Jaloliddinga qarshi yurish boshladi va gʻalaba qozondi.

Jaloliddin dushman qoʻliga tushmaslik uchun ishongan navkarlari bilan ot solib, daryoning narigi qirgʻogʻiga oʻtib oldi.

Chingizxon oʻziga musht koʻrsatib ketayotgan Jaloliddinning jasorati, mardligiga qoyil qolib, lashkarlarini undan oʻrnak olishga chaqirdi.

1. Chingizxon qanday hiyla ishlatdi? Nima - uchun?

2. Jaloliddinning moʻgʻullarga qarshi kurashini soʻzlab bering.

 Qaysi voqea sizni hayajonga soldi? Nima uchun?

# Buyuk bobomizning buyuk himmatlari

Xudoyberdi Toʻxtaboyev

(Hikoya)

#### 1

Amir Temur bobomiz tengi yoʻq buyuk sarkarda, buyuk adolatparvar inson boʻlgan ekanlar. Lekin bosqinchilarga shafqat qilmagan ekanlar. Ularni yigirma yetti mamlakatdan quvib chiqarib, oʻsha mamlakatning aholisiga ozodlik imkonini bergan ekanlar. "Haqiqat yoʻlidan, haq yoʻlidan 112 boringlar", degan ekanlar. Jasur askarlarining, mard lashkarboshilarining, hatto uzoq-uzoq qishloqlarda yashayotgan jasur yigitlarning ham qadriga yetib, yuksak-yuksak mukofotlar berar ekanlar.

Bir kun katta safardan katta muvaffaqiyat bilan qaytib kelgach, oʻzlari yaxshi koʻrgan nabiralaridan birini olib, bogʻlarida dam olayotgan ekanlar. Shu paytda hashamatli darvoza oldida turgan qorovullarga bir mushtipar ona kiyimlari yirtilib ketgan, boshida bir parchagina mato oʻralgan holda kelib: "Men shohanshohning oldiga kirmoqchiman, och darvozangni", – debdi. Qorovulda turganlardan biri: "Anchamuncha mamlakatlarning elchilari, oʻzlarining minglab qoʻshinlariga boshchilik qiladigan sarkardalari kirolmaydi-yu, senga yoʻl boʻlsin", – deb javob qaytaribdi.

Ona oyogʻi bilan yer tepib:

– Darvozani ochasan, men Onaman! – debdi. Qorovul boshligʻi:


Tezroq ket bu yerdan! – deb oʻdagʻaylabdi.
 Ayol yana yer depsinib:

– Men Onaman! – deb hayqiribdi.

– Boʻlmasa, sen narigi darvozaga bor, ruxsatnoma oʻsha yerda beriladi, – debdi.

Yoʻq, – debdi ayol, – men uch yildan buyon yoʻl yuraman. Choʻllarda, sahrolarda suvsizlikdan qiynaldim, changalzorlardan oʻtganimda tikanlar badanimni qonatib behol qildi.
 8-Oʻqish kitobi, 3-sinf

Oʻrmonlarda boʻrilarga yem boʻlishim mumkin edi. Yoʻq, yoʻq, men Amir Temurning huzuriga kirishim kerak, – deb qat'iy turib olibdi.



2. Ona nimani talab qildi?

## 2

– Xoʻsh, arzing nima oʻzi, arzingni ayt-chi, – deb soʻrabdi qorovulboshi.

Oʻgʻlim asirga tushgan, boshqa bir oʻgʻlim qal'amizni himoya qilayotganda oʻldirilgan. Mayli, oʻlgani ketdi, yurtning himoyasi uchun ketdi, lekin bir zargar oʻgʻlim shu yerda, shuni soʻrab keldim, – deb yana yer depsinibdi ayol.

– Menga qara, sening oʻgʻling qaysi qal'ani himoya qilayotganda halok boʻlgan? – soʻrabdi qorovulboshi.

– Mening pahlavon oʻgʻlim Al-Ahrom qal'asini himoya qilishda oʻlgan, – deb javob beribdi ayol.

Ana shu paytda Amir Temur bobomiz oʻynayotgan shaxmatini toʻxtatib, gapga quloq solib turgan ekanlar. Al-Ahrom qal'asi himoyasini eslabdilar. Oʻsha yurtning yigitlari oʻz yurtlarini mardona himoya qilganlarini koʻrgan, eshitgan ekanlar. Buning ustiga, "Men Onaman!" deb yer depsinib turgani Amir Temur bobomizning ruhiga qattiq ta'sir qilibdi. 114 "Men Onaman!" degan soʻzlar quloqlari ostidan ketmabdi. Farmon boʻlibdi. Amir Temur yupun kiyingan onani huzurlariga keltirishlarini buyuribdilar.

Oʻqʻling Al-Ahrom himoyasida oʻlganmi? deb soʻrabdilar Amir Temur bobomiz. - Men jasoratli insonlarni agar u dushmanim boʻlsa hurmat gilaman. Sening uch yildan buyon ham mana shu yerga yetib kelishing voʻl bosib boshga onalarga namuna bo'lishga menda arziydigan bir holatni eslatdi. Men hamisha jasurlikni, jasoratni himoya gilganman, - debdilar. Farmon beribdilar, Al-Ahrom gal'asidan asirga kelganlarni aniglashibdi. Ularning hammasi yer ostidagi gurol-aslaha yasaladigan joyda tutgunlikda ekan. Onaning jasorati uchun Amir Temur bobomiz golgan oʻttizta asirni ham ozod gilib, Amudaryodan oʻtgunlaricha ularni himoya gilib borishlarini tayinlabdilar.

1. Al-Ahrom himoyasida qanday voqea yuz bergan edi?

2. Amir Temur Onaga qanday himmat koʻrsatdi?

# Alpomishning bolaligi



## (Ertak)

Qadim zamonda Qoʻngʻirot elida Boyboʻri va Boysari degan aka-ukalar yashashgan ekan. Boyboʻri oʻgʻil farzand koʻribdi. Unga Hakimbek deb ism qoʻyishibdi. Boysari esa qiz farzand koʻribdi. Unga Barchinoy deb ism qoʻyishibdi. Xonadonlarda xursandchilik boʻlibdi.

Kundan kun oʻtibdi. Oydan oy oʻtibdi. Bolalarning tili chiqibdi. Hakimbek bilan Barchinoy toʻrt yoshga yetganda, madrasaga oʻqishga beribdilar. Ularning savodi chiqibdi, zukko boʻlibdilar.

Endi Boyboʻri oʻgʻliga shohlik, sipohlik ilmini oʻrgatmoqchi boʻlibdi. Uni kamon otish, nayza sanchish, kurash tushish amallarini oʻrgatuvchi ustozlar qoʻliga topshiribdi. Hakimbek olti yoshga toʻlganida, mashhur Qosim merganga shogird tushibdi. Ustozi Hakimbekka yoy tortishni oʻrgatibdi.

Hakimbekning bobosidan qolgan oʻn toʻrt yarim botmon keladigan parli yoyi bor ekan. Uni hech kim joyidan qoʻzgʻata olmas ekan. Bir kuni Hakimbek ana shu yoyni qoʻliga olib, oʻqini tortib turib, soʻng qoʻyib yuboribdi. Yoyning oʻqi yashin tezligida uchib ketibdi. Oʻq Asqartogʻning baland choʻqqisini yulib oʻtibdi. Shundan soʻng Hakimbekning yoyni koʻtar-

gani haqidagi ovoza olamga yoyilibdi.

Xalq yigʻilibdi. Ular orasidan bir donishmand chiqib:

Dunyoda bir kam toʻqson alp oʻtgan edi.
 Shu alplarning boshligʻi Rustami doston edi.
 Oxiri Alpomish alp boʻlsin. Shunda u bir kam toʻqson alpning qatoridan joy oladi, – debdi.

Shunday qilib Hakimbek alplarning biri 116

boʻlib, qatorga qoʻshilibdi va ular toʻqson alp deb atalib. tarixda golibdilar.



1. Boybo'ri nima magsadda Hakimbekni ustozlar qoʻliga topshirdi?

2. Hakimbek ganday gilib alp nomini oldi? Matn mazmuniga mos magol toping.

## So'nggi damgacha



Abdusodia Irisov

Buvuk olim Abu Rayhon Beruniy yoshligidanoq koʻp narsalarni bilishga, ularni kuzatishga qiziqar ekan.

Beruniy togʻ jinslarini oʻrganishni, kuzatishni oʻz oldiga maqsad qilib qoʻyibdi. U maqsadini amalga oshirish uchun shogirdlari bilan togʻga boribdi va kuzatish ishlarini boshlabdi. Biroq tobi qochib, togʻ jinslarini oʻrganayotgan joyda shoqirdlariga topshirib, uyiga qaytibdi. Shoqirdlar ishni davom ettiribdilar.

Tabiblar Beruniyni davolash uchun koʻp harakat gilishibdi, ammo foydasi boʻlmabdi. Kundan kunga dardi ogʻirlasha boribdi. Shu ahvolda ham tajriba boshlagan shoqirdlarini chagirtirib, ulardan kuzatuv ishlarini surishtirar ekan.

Tairiba yaxshi borayotganini eshitib, yengil tortar ekan. Natija yomon chiqayotganini eshitsa, oʻzini yomon his qilar ekan. Tabiblar Beruniyga tashvishlanish, hayajonlanish mumkin emasligini, hatto yomon oqibatlarga olib borishini aytishibdi. Osoyishta boʻlib, tinchlanishni uqtirishibdi. Baribir u tinib-tinchimabdi.

Beruniyning dardi kundan kunga zoʻrayib, ahvoli ogʻirlashibdi. U: "Shogirdlarimni chaqirtiringlar", – debdi. Shogirdlarini tez keltiribdilar. – Xushxabar bormi? – deb soʻrabdi shogirdlaridan Beruniy.

– Ustoz, xotirjam boʻling. Natija juda yaxshi chiqdi. Siz bilib aytgan ekansiz, togʻda qimmatbaho toshlar bor ekan! – deb javob berishibdi shogirdlari.

Beruniy koʻzlariga sevinch yoshini olib:

– Endi osoyishta ketsam boʻladi. Boshlagan ishimning natijasini kutayotgan edim. Oʻsha qimmatli toshlarni xalq mulkiga aylantiringlar, – deb shogirdlariga tayinlabdi.

1. Beruniy oʻz oldiga nima maqsad qoʻygan edi?

2. Beruniyning kuzatish ishlarini shogirdlarining davom ettirishiga sabab nima? Izohlang.

3. Ustoz va shogirdlari suhbatini soʻzlang.

4. Beruniyning qimmatli toshlar haqida fikrini matndan oʻqib bering va eslab qoling.

# Ibn Sinoning shogirdlari

(Rivoyat)

Tabiblarning tabibi Ibn Sino kunlardan bir kun qattiq ogʻrib, koʻrpa-toʻshak qilib yotib qolibdi. Ibn Sinoning shogirdlari, eng yaqin 118 doʻst-birodarlari yigʻilishibdi. Ular yaxshi soʻz aytib, ulugʻ tabibning koʻnglini koʻtarishga harakat qilishibdi. Shogirdlari ustozlarini dori-darmonlar bilan davolashga kirishibdilar.

Ibn Sino doʻst-birodarlariga rahmatlar aytib, shogirdlariga esa bunday debdi:

Shogirdlarim, mening kunim bitgan koʻrinadir.
Shu boisdan meni davolayman deb behuda harakat qilmanglar. Bordi-yu, kunim bitib, vafot etsam, yigʻi-sigʻi qilib oʻtirmanglar. Faqat haqimga duo qilib, onda-sonda qabrimni ziyorat qilsanglar bas. Va yana ustoz olamdan oʻtdi, endi tabobat oqsaydi, deb ham qaygʻurmanglar. Oʻrnimga besh zoʻr tabibni qoldirib ketmoqdaman. Shu tabiblarning maslahatiga har doim amal qilinglar.
Boshqalarni ham ularga da'vat etinglar, – debdi. Shunda Ibn Sinoning shogirdlaridan biri:
Ustoz, siz qoldirib ketayotgan tabiblar kimlar? – deb soʻrabdi.

Ibn Sino:

 Men qoldirib ketayotgan zoʻr tabiblarning biri – tozalik. Ikkinchisi – parhez. Uchinchisi – badantarbiya. Qolgan ikkisi mizoj kayfiyatidir. Doimo pokiza, ozoda boʻlishni unutmang. Koʻringan ovqatni yemaslik, apil-tapil ovqatlanmaslik, ovqatlanishda parhez me'yorini bilish lozim. Tana a'zolarini harakatsiz qoldirmaslik, mizojni unutmaslik, kayfiyatni yaxshi tutishga harakat qilish kerak. Mana shu aytganlarimga amal qilinsa, kasallanish u yoqda tursin, bevaqt oʻlim ham orqaga chekinadi.

) 1. Ibn Sino shogirdlariga nimalarni soʻzladi?

 Ibn Sino qoldirgan tabiblarni matndan topib oʻqib bering.

3. Rivoyat sizda qanday taassurot qoldirdi?

## Bolari bilan Pashsha

Abdulla Avloniy

#### (Masal)

Bir Pashsha qir tarafdan uchib kelayotgan Arini koʻrib:

- Do'stim, qayerdan kelyapsan? - dedi. Ari:

Qirdan kelyapman. Biroz bol yigʻdim. Uy
 yasash uchun mum ham hozirlab keldim, –
 dedi. Pashsha:

— Oh, birodar! Bir boshing uchun buncha harakat qilasan! Sen ham men kabi yashasang nima boʻladi? Mening yashashimda hech bir mashaqqat yoʻq. Insonlar hozirlagan dasturxonlardan har xil taomlarni yeb-ichib umr oʻtkazaman. Ba'zi vaqtlarda sen tayyorlagan boldan ham toʻygunimcha yeyman. Mana! Yashamoq mana! Umr kechirish uchun olamda bundan ham yaxshi turmush boʻladimi? Menda bol tayyorlash mashaqqati ham yoʻq, uya solish kulfati ham yoʻq, – dedi.

Ari bu soʻzlarga javoban shunday dedi: 120 – Oh, doʻstim! Sening bunday turmushing oʻz boshingdan beri kelmasin. Mashaqqatsiz taomda lazzat boʻladimi? Insonlar seni dasturxondan quvib haydaydi. Oxiri bir oʻrgimchak luqmasi boʻlishdan boshqa narsaga yaramaysan. Ammo men tayyorlagan mum hamma yerni yoritadi. Bolim dunyoning hamma yerida maqbuldir. Shu sababli insonlar meni oʻzlari tarbiya qiladilar. Har yerda meni maqtaydilar. Qoʻy, birodar, mening ishim koʻp. Sen bilan behuda soʻzlashib turishga vaqtim yoʻq. – Ari shunday deb uchib ketdi.

Xulosa shuki, mehnatning oxiri rohat, yalqovlikning oxiri xorlikdir.

1. Masalni rollarga boʻlib oʻqing.

2. Masaldan qanday xulosaga keldingiz? Matnga mos maqol toping.

## Donolarning donosi

Abduqodir Hayitmetov

#### 1

Bobomiz Alisher Navoiy bolalik chogʻlaridayoq hammaning e'tiboriga tushganlar. Eng avvalo, odobli boʻlganlar. Koʻp kitob oʻqiganlar. Zehnlari oʻtkirligidan minglab misra gʻazallarni yod bilganlar. Kichiklikda yozgan she'rlariga ustozlari ham qoyil qolishgan. Ona tilini yaxshi bilganlar. Fors va arab tillarini puxta oʻrganganlar. Alisher Navoiy birinchilardan boʻlib ona tilida "Xamsa" (besh doston) yozdilar. Navoiyning koʻpgina gʻazallari hamon qoʻshiq boʻlib yangramoqda.

Navoiy bobomizning talay misralari xalq maqollari, hikmatli soʻzlarga aylanib ketgan. Jumladan:

Tilga ixtiyorsiz – elga e'tiborsiz.

Bu hikmatga, eng avvalo, oʻzlari amal qilganlar. Barcha asarlarida halollikka, mardlikka, yaxshilikka chaqirganlar. Hatto shohning vaziri boʻlganlarida ham xalq uchun koʻp yaxshi ishlar qilib, el mehrini qozonganlar.

#### 2

Shoir bobomiz, ayniqsa, ustozlarni ulugʻlaganlar:

"Harf oʻrgatgan oʻqituvchingni hurmat qilib, haqini uzmoqchi boʻlsang, xazinalardagi barcha oltinlar bilan ham uzolmaysan", – deganlar. Navoiy bobomiz asarlarini oʻqigan sari chuqur tushuna boramiz. Ba'zida esa oʻqib, uqishga qiynalamiz. Axir yozilganiga besh asrdan oshdi-da! Shuning uchun ustozning "Bilmaganni soʻrab oʻrgangan olim ..." degan nasihatlariga amal qilib, soʻrab-soʻrab oʻrganaveramiz.

Xullas, ul zotning ijodini daryoga oʻxshatamiz.

122

Bu daryodan dunyo xalqlari bahramand boʻlmoqda. Shuning uchun ham Navoiy bobomizning nomlari butun dunyoga mashhur.



1. Matndan Navoiyning til haqidagi hikmatini topib oʻqing. Ma'nosini tushuntiring.

2. Nima uchun xalqimiz Alisher Navoiy nomini mehr bilan tilga oladi?

3. Alisher Navoiy ustozlar haqida nima deganlar?



#### Bolam

Berdaq

Taltaymagin erka boʻlib, Yigʻlamagin toʻlib-toshib, Qolmagin och, ranging soʻlib, Mard boʻl yoshlikdan, ey bolam!

Yomon boʻlib tushma koʻzga, Dogʻ qoʻndirma oppoq yuzga. Uchma aslo yolgʻon soʻzga, Yomondan qoch, yoshsan, bolam.

Elni qoshingdan qochirma, Yoʻq deb, boringni yashirma, Quvlik, shumlik yoʻliga kirma, Oq koʻngil boʻl doim, bolam.

Otangdan pand-u nasihat: Qoʻldan kelsa, boʻl bohimmat. Birovlar qilmasin uyat, Ertangni koʻp oʻyla, bolam!

- She'rni ifodali oʻqing.
   Berilgan nasihatlarga amal qiling.
  - 3. "Bohimmat" soʻzining ma'nosini izohlang.

Otalar soʻzi – aqlning koʻzi.



## Baxilning vomonligi

# (Rivovat)

Bir mahallada saxiy va badavlat odam yashar ekan. U doim odamlarga yaxshilik gilar va ularni tez-tez uyiga mehmonga chagirib turar ekan. Mahalla ahli uning hurmatini joyiga qoʻyar ekan. Lekin shu mahallada bir baxil kishi oʻsha odamni yomon koʻrar ekan. Orqasidan igʻvo qilib, paytini topsa, unga ziyon vetkazar ekan. Haligi saxiy odam gachon ziyofat bersa, oʻsha baxilni ham chaqirar va izzat-ikrom gilar ekan. Haligi odam ziyofatga kelib, saxiyning osh-nonini yeb, tashqariga chiqib, vana uni vomonlar ekan. Mahalla ahli uning bu ishidan hayron bo'lar ekan.

Bir kuni shu mahalladagi odam saxiydan soʻrabdi:

- Siz falonchining sizga dushman ekanligini bilmaysizmi? Nega uni uyingizga chagirib mehmon gilasiz?

- Bilaman, lekin qoʻshnichilik hurmatidan chagiraman. Bir kun insofga kelib golar deb umid 124

gilaman. Qolaversa, uning gaplarini eshitib, vana nimani rejalashtirayotganini bilib olaman, debdi.

Ev farzand, dushman kichkina, goʻlidan nima ham keladi, deb g'aflatda golma. Uning niyatidan doim xabardor boʻlib tur.

1. Rivoyatdan qanday xulosa chiqardingiz?
 2. Saxiy va baxil odamga munosabat bildiring.

Baxil, boʻlmaydi ahil.

## Lol boʻlgan tulki

#### Yamin Qurbon

## (Masal)

Zog'cha verdi daraxtda pishlog, Tulki kelib gap gotdi shu chog: "O, azizim, mehribon Zogʻcha, Ovozingga goyildir barcha. Dovrug'ingni eshitib birdan. Sevindim chindan! Shundan beri men senga mushtoq, Sayrab bergin, yoʻq dema, oʻrtoq!" Pishlog'ini xuddi shu lahza Qanotiga qisdi-da Zogʻcha, Qah-qah urib qaytardi javob: "Seni sira koʻrmakka voʻq tob. Likillatmay menga dumingni, Borib, alda katta buvingni!

125

Koʻr hassasin yoʻqotar bir gal, Oʻtib ketdi endi u mahal!" Soʻng pishloqni choʻqidi asta. Tulki nochor moʻltirab pastda Xoʻrsindi-yu kuldi zoʻraki, Lunjlaridan oqdi soʻlagi.

- 1. Masalni rollarga boʻlib oʻqing.
- 2. Zogʻcha va Tulkiga munosabat bildiring.
- 3. Masaldan qanday xulosa chiqardingiz?

## Sayilda



Mirzo Karim

## 1

Jarchi viloyat ahlini Xokan adirlariga chorlaydi. Zahiriddin Muhammad erta tongdanoq bugungi sayilga tayyorgarlik koʻrar, otaligʻi Shayx Maziddindan oʻrgangan hunarlari: ot choptirish, qilich urishtirish va zarb berish boʻyicha musobaqalashishga shoshilardi. U toʻriq otga minib, otasiga oʻzining qudratini, ot choptirish mahoratini, yoshiga mos qilib yasalgan qilichini urishtirish va zarb berish tayyorgarligini koʻrsatishga oshiqardi.

Umarshayx Mirzo kaftlarini bir-biriga qattiq urdi. Karnay, surnay, nogʻora tovushlari shu zahoti tindi.

Zahiriddin Muhammad qilich yalangʻochlab, navkar bilan olisha ketdi. Ularning shiddatli 126



olishuvlari qalqonni jaranglatar, har ikkisi epchillik bilan chap berishardi.

Zahiriddin qilichni zarb bilan urdi. Bu safar navkar Zahiriddin Muhammad zarbiga bardosh berolmadi. U otdan qulab tushdi. Tomoshabinlar Zahiriddinni olqishlashdi.

Zahiriddin Muhammad qiblagohi qarshisiga kelib, tiz choʻkdi. Umarshayx Mirzo farzandining peshanasidan oʻpib, shunday dedi:

– Ota zarbini olibsan, balli, oʻgʻlim! Bobursan, Bobur...

1. Zahiriddin Muhammadning navkar bilan olishuvi haqida soʻzlang.

2. Har bir qismga sarlavha qoʻying. Sarlavhaga mos reja tuzing.



## Boʻlim yuzasidan takrorlash

1. "Ulugʻlardan oʻrganmoq – oqillik" boʻlimida sizga qaysi asar koʻproq yoqdi?

2. Boʻlimda qaysi ajdodlarimiz haqida ma'lumot oldingiz?

3. "Shoshilma, har ishda sabr qil, sabr", degan hikmatni qanday tushunasiz?

4. Boʻlimda qaysi buyuk insonning Ona bilan suhbati berilgan?

5. "Ulugʻ bobolarimiz hayoti bizlar uchun oʻrnak" mavzusida bahs uyushtiring.



## XALQ OG'ZAKI IJODI

## Oʻyin qoʻshiqlari

#### Sanama

Bir. ikki... oʻn... oʻn ikki. O'n ikki deb kim aytdi? O'n ikki deb men avtdim, Ishonmasang, sanab bog: Birim – bilak. lkkim – elak Uchim - ichak. Toʻrtim – terak. Beshim - beshik. Oltim – olganim, Yettim – yetganim, Sakkizim - jonon gizim, Toʻqqizim – qizil yuzim, O'nim - ishimdagi unum. O'n birim - aytilmagan sirim. O'n ikkim - chiqa tur san, ukkim.

## Chillak

Qoʻllarida	qizil	gul
Yashnab	keladi.	
Taglarida	duldul	ot
Kishnab	keladi.	
Qoʻllarida	ketmo	ni
Chopib	keladi.	

Moshiniga og shovi Yopib keladi. Qoʻltigʻida kitobi Oʻqib keladi. Qoʻlda galam, goʻshiglar Toʻqib keladi. Zum...m, zum...m... Havoda chaqmoq! Kim kech golsa, O'shadir ahmog... Zum...m. zum...m...



1. She'rlarni ifodali oʻqing. 2. Siz gandav obin setet

Siz qanday oʻyin qoʻshiqlarini bilasiz?

#### Chittigul



Chittigul-e, chittigul, Etagingga gul bosay, Ha-yu, chittigul, Ha-yu, chittigul. Qo'ling go'lbog'da bo'lsin, Beling belbog'da bo'lsin. Ha-yu, chittigul, Ha-yu, chittigul. Tapir-tupur ot keldi, Chiqib qarang, kim keldi? Ha-yu, chittigul, Ha-vu, chittigul. Arobada un keldi.

9-Oʻqish kitobi, 3-sinf

Childirmada gul keldi. Ha-yu, chittigul, Ha-yu, chittigul. Gul yaxshi-yu, gul yaxshi, Gulning popugi yaxshi. Ha-yu, chittigul, Ha-yu, chittigul. Oʻrtada oʻynagan qizning Haydar kokili yaxshi. Ha-yu, chittigul, Ha-yu, chittigul.

## Arra-marra

Tilla sandiq ochildi, Tagiga bodom sochildi.

UI bodomni terolmay, Qanotlarim qayrildi.

Qanot bering, uchaylik Oqsaroyga tushaylik.

Oqsaroyning oq toshi, Oqsoqol buvam qoshi, Chakalakzorning boshi, Arra-marra, Boʻyningizga bir marra.



- 1. Oʻyin qoʻshiqlarini ifodali oʻqing.
- 2. Qoʻshiqlarni yod oling.



#### Vatan haqida

Vatanni sotgan er boʻlmas. Vatani borning baxti bor. Mehnati borning taxti bor. Ona vurting - oltin beshiging. Do'stlik haqida Balia suvsiz yashamas, Inson do'stsiz. Daraxtni tomiri. Odamni do'sti saglar. Kitob haqida Kitobdan yaxshi doʻst yoʻq. Kitob – bilim manbai, Ilm-fan haqida Bilagi zoʻr birni yigar, Bilimi zoʻr mingni. Koʻp oʻqigan – koʻp bilar. Odob-axlog haqida Bola aziz, odobi undan aziz, Yomondan goch, yaxshiga yondash.

## Ota-ona va farzand hagida

Ota-onang – davlating. Ota-bola - bir bogʻ, Biri – gul, biri – bog'bon.



1. Siz yana qanday maqollarni bilasiz?

2. Oʻqituvchingiz yordamida maqollar musobagasini uvushtiring.



Maqollar mazmuniga mos matn tuzing.

# Topishmoglar

Boshi bor-u sochi yoʻq, Koʻzi bor-u qoshi yoʻq. Tangasi bor, puli yoʻq, Qanoti bor, uchuvi yoʻq.

Zuv-zuv barag'ay, Tomdan garag'ay.

Savat toʻqigʻay.

Cho'p, loy cho'qiq'ay,





U yoqqa oʻtdim, bildingmi, Bu yoqqa oʻtdim, bildingmi. Oq quvrayning boshini Chertib oʻtdim, bildingmi.



Yashil poʻsti bor, Qizil goʻshti bor. Uyda, bozorda Yaqin doʻsti bor.



- 1. Topishmoqlarni yod oling.
  - 2. Siz qanday topishmoqlarni bilasiz?
  - 3. Topishmoq aytish musobaqasini uyushtiring.



Oʻzingiz bilgan topishmoqlar javobiga mos rasmlar chizing.



## Qush ini

## (Rivoyat)

Bir kuni ertalab qarib qolgan ikki qush inlaridan uchib chiqa olmasliklariga koʻzlari yetibdi. Yemish topa olmay, tezda kunlari bitishini bilib, inni tark etmay, birgalikda hayotdan koʻz yumishga qaror qilishibdi. Lekin shu yerdan uchib oʻtib ketayotgan ularning bir bolasi otaonasini koʻrib, yonlariga kelibdi. Bu holni koʻrib, boshqa aka-singillariga xabar berish uchun uchib ketibdi. Tez orada ikki qushning hamma bolalari birin-ketin uchib kela boshlashibdi. Ularning har biri tumshugʻida ota-onasi uchun yegulik olib kelibdi. Bolalari olib kelgan ovqatlarni yeb, ikki qush ancha quvvatga kiribdi, lekin baribir ucha olishmabdi. Shunday qilib,



ikki qushning bolalari endi palaponlari qatorida ota-onalarini ham boqa boshlashibdi. Buning uchun ular endi koʻproq uchishlari va koʻproq yegulik topishga harakat qilishlari kerak edi. Ular tongdan to shomgacha tinishmas va qattiq charchashar, lekin ota-onasini tashlab qoʻyishga koʻzlari qiymas edi.

Bir kuni qushlardan birining palaponlari uchirma boʻlibdi va otasiga ergashib qari qushlarning uyasiga uchib kelibdi. Otasining ularga ovqat berayotganini koʻrib:

Bular kimlar? Nega ularga ovqat beryapsiz? – deb soʻrabdi. Dadasi:
134  Bular mening otam va onam. Kichikligimda ular meni ham xuddi shunday boqishgan, – debdi.

## "Tarbiya kitobi"dan

1. Rivoyatdan qanday xulosa chiqardingiz?
2. Qushlarning tutgan ishlariga baho bering.



## Halollik

## (Oʻzbek xalq ertagi)

Oʻtgan zamonda bir dehqon boʻlgan ekan. Uning kambagʻal oshnasi bor ekan. Kunlardan bir kun u dehqondan bir tanob yerini sotishni iltimos qilibdi. Dehqon yerning bir chekkasini kambagʻal oshnasiga sotibdi.

Yerni olgan odam bir qalin ogʻaynisidan qoʻsh hoʻkiz olib kelib, yer haydayotganida, omochning tishi qattiq narsaga tegibdi. Dehqon parvo qilmay, ishida davom etibdi. Qaytib oʻsha yerga kelganida omochning tishi yana haligi narsaga urilibdi. Kambagʻal dehqon: "Ilgari bu yerda daraxt boʻlgan, uning toʻnkasi qolib ketgan, shekilli", deb oʻylabdi.

U ketmon olib kelib, omoch tishiga qadalgan narsani kovlay boshlabdi. Nihoyat, u yerdan xumcha chiqibdi. Uni ochib qarasa, ichi toʻla tilla emish. Dehqon yerning qolgan qismini ham haydab, urugʻ sepibdi. Soʻng hoʻkizlarni egasiga topshiribdi. Xumchadagi til-

135

lani koʻtarib, toʻgʻri yer sotgan dehqon oshnasining uyiga boribdi. U oshnasiga:

 Sizdan olgan yerimni haydayotgan edim, mana shu xumchani topib oldim, ichidan tilla chiqdi. Uni oʻzingizga olib keldim, – debdi. Dehqon kambagʻalga:

Men sizga yerni sotganman. Demak, u
 yerda nimaiki boʻlsa, sizniki boʻladi. Men yer
 tagida nima borligini bilmaganman. Sizga
 Xudo beribdi. Bola-chaqangiz bilan maza qilib
 yashang, – deb xumchani olmabdi.

Kambagʻal dehqon esa: "Bu boshqa kishining noni. Uni olsam, oʻgʻri, jinoyatchi boʻlib qolaman", deb oʻylab, xumchani yana boy dehqonga uzatibdi. Ikkalasi hech kelisha olishmabdi.

Nihoyat, bir donishmandning oldiga boradigan, undan soʻrab, bu ishni hal qiladigan boʻlishibdi.

Donishmand: "Qishloqdagi yetim-yesir va beva-bechoralarga boʻlib beringlar", – deb maslahat beribdi. Bunga dehqon ham, kambagʻal ham rozi boʻlibdi.

Shunday qilib, ular tillani qishloqdagi bevabechoralarga, kambagʻal, yetim-yesirlarga tarqatishibdi. Kambagʻal dehqon esa oʻz mehnati bilan halol kun koʻrib, murod-u maqsadiga yetibdi.

136

 1. Boy dehqon nima uchun oʻz yerini sotibdi?
 2. Kambagʻal dehqon va uning oshnasi nima uchun donishmand huzuriga borishibdi?
 2. Kambagʻal dehmen tototi ich sildimi?

3. Kambag'al dehqon to'g'ri ish qildimi?



Halol mehnat yerda qolmas.



# Donishmand yigit

## (Oʻzbek xalq ertagi)

Oʻtgan zamonda bir donishmand chol yashagan ekan. Uning uch oʻgʻli boʻlgan ekan. Oʻgʻillari voyaga yetgach, chol ularga shunday debdi:

– Bolalarim, men sizlarni hech narsadan kam qilmay oʻstirdim. Endi otlaninglar, turli shaharlarga borib, qoʻrgʻon solib kelinglar!

Toʻngʻich oʻgʻil otasi topgan oltin-kumushlardan olibdi. Fargʻona vodiysining hamma shaharlariga boribdi. U yerlarga bittadan kattakon uy solibdi.

Oʻrtancha oʻgʻil boʻlsa, Buxoro, Samarqand tomonlarga borib, qoʻrgʻonlar qurdiribdi.

Kenja oʻgʻil oqil, dono ekan. U oʻziga oʻzi: "Dadam turli shaharlarda qoʻrgʻon solinglar, deyish bilan har bir shahardan doʻst, yorbirodar orttiringlar, demoqchi. Men boshqa shaharlarga borib, uy solib yurmayman!" – debdi-da, safarga chiqib ketibdi. U qayerga borsa, oʻsha yerda eng yaxshi, vafodor kishilar bilan doʻstlashibdi. U oʻz safari davomida oʻrtoqlari orasida mashhur boʻlib ketibdi. U akalaridan avval uyiga qaytibdi.

Chol bir kuni:

– Qani, kim qaysi shaharga qanday qoʻrgʻon qurdi? Yuringlar, bir aylanib koʻrib kelamiz, – debdi.

U oʻgʻillari bilan birga katta oʻgʻli qurgan qoʻrgʻonga boribdi. Qarasa, uy-joyning oʻzi soʻppayib, odamsiz turgan emish.

Chol indamabdi. Soʻngra oʻrtancha oʻgʻlining qilgan ishini koʻzdan kechiribdi. Uniki ham xuddi akasinikiga oʻxshar ekan.

Bu qoʻrgʻonlarning odamlari qani? – deb soʻrabdi chol. Toʻngʻich va oʻrtancha oʻgʻil unga javob bera olmabdi. Hammalari kenja oʻgʻilning yor-birodarlari yashaydigan joylarga borishibdi. Ularni kenja oʻgʻilning yor-u doʻstlari izzat-hurmat bilan kutib olibdilar, ketma-ket ziyofatdan boʻshamay qolibdilar, shunda chol oʻgʻillariga qarab bunday debdi:

 Har bir shahardan orttirilgan do'st u yerga bir qo'rg'on qurish bilan teng. Mening maqsadimni faqat kenja o'g'lim tushunibdi. Mening ismim, bilim-tajribam unga meros bo'lib qolsin.

138

1. Ota oʻqʻillariga bergan topshirigni avting.

1. Ota oʻgʻillariga pergan toponus, 2. Otaning maqsadini qaysi oʻgʻil toʻgʻri tushunibdi?

3. Ertakdan qanday xulosa chiqardingiz?

## Ahillik - ulug' baxt

(Qirg'iz xalq ertagi)

Qadimda donishmand bir chol o'tgan ekan. Uning yetti oʻgʻli bor ekan. Lekin ular otalarining soʻziga kirmas, har qaysisi oʻzicha ish tutar ekan. Kattalari kichiklarini do'pposlab, kichiklari kattalariga garshi boʻlib yurar ekan. Odamlar:

- Aglli cholning oʻgʻillari xoʻb ahmog boʻlib oʻsyapti-da, - deyisharkan. Oʻgʻillarni yolgʻiz uchratganda, ularga tanbeh berisharkan.



Kunlardan bir kun chol oʻrmonga boribdi-da, yoʻgʻonligi bosh barmoqday keladigan novdalardan yettitasini qirqib kelibdi. Soʻng oʻgʻillarini chaqirib:

– Bolajonlarim, sizlarning kuchingizni sinab koʻrmoqchiman. Mana shu yettita novdani bir dasta qilib sindiringlar-chi, – debdi.

Oʻgʻillari navbat bilan urinib koʻrishibdi, lekin uddasidan chiqa olishmabdi. Soʻngra otasi oʻgʻillariga bittadan novda beribdi, oʻgʻillar ularni bir zumda sindirishibdi. Shundan keyin ota oʻgʻillariga:

 Mana, koʻrdingizmi, bitta novdani tez sindirdingiz, dastalanganiga esa kuchingiz yetmadi. Agar birlashib, ahil yashasangiz, hech qanday dushman sizlarni yenga olmaydi, – debdi.

Chol oradan sal oʻtmay olamdan oʻtibdi. Oʻgʻillari esa inoq yashay boshlashibdi. Kichiklari kattalarining soʻziga quloq soladigan, hammalari ishlab, bir-birlariga koʻmaklashadigan boʻlishibdi.

Shundan keyin xalq "Ahillik – ulugʻ baxt" degan naqlni tez-tez takrorlaydigan boʻlibdi.



1. Chol novdalarni oʻgʻillariga nima uchun dastalab beribdi?

2. Ertakdan qanday xulosaga keldingiz? Mavzuga mos maqol toping.





## ZUMRAD BAHOR NAFOSATI



Siz bunga qodirsiz

Yusuf Fayzullo

Aziz bolajonlar! Yurtimizda erta bahorda boshlangan obodonlashtirish va koʻkalamzorlashtirish ishlari hamon keng miqyosda davom etayotganidan xabaringiz bormi?

Ha, xabarim bor, koʻp qavatli uylar, mahallalardagi xonadonlar atrofi tozalanib, daraxtlar oqlanyapti, deysizmi?

Barakalla, ziyrak ekansiz. Ayting-chi, bu xayrli ishda oʻzingiz ham ishtirok etyapsizmi? Hozircha yoʻq, deysizmi? Unda menga quloq soling. Sizga bir odam haqida gapirib beraman. Xulosa chiqarish sizdan. Biz koʻp qavatli uyda yashaymiz. Saida xola yon qoʻshnimiz. U kishi anchadan buyon nafaqadalar. Har kuni ertalab turib, toʻqqizinchi qavatdan birinchi qavatgacha zinalarni supurib, suv sepib chiqadilar. Keyin esa yoʻlak roʻparasidagi bolalar maydonchasida oʻzlari bunyod etgan gulzorni begona oʻtlardan tozalab, sugʻoradilar. Maydoncha atrofidagi mevali daraxtlarni alohida mehr bilan parvarishlaydilar. Saida xola tufayli koʻp qavatli uyimiz har doim maqtovga sazovor boʻladi.

Hozirgi kunda Saida xolaning yordamchilari ancha koʻpayib qolgan. U kishining dugonalari, nabiralari xolaning eng yaqin koʻmakchilariga aylangan. Bolajonlarning yerga ishqi tushgani bois, gulzorimiz yanada kengayib bormoqda.

Siz ham uyingiz atrofi, mahallangiz obodligi uchun biror ish qilyapsizmi? Yoʻq boʻlsa, shoshiling. Hech boʻlmasa, darvozangiz oldidagi daraxtlarni oqlab qoʻying, ariq boʻyidagi begona oʻtlarni yulib tashlang. Agar oʻrtoqlaringizni ham jalb qila olsangiz, yana ham yaxshi. Mahallangiz gulzorga aylanadi. Bu ishlar qoʻlingizdan kelishiga ishonamiz.

1. Saida xola qanday ishlarni amalga oshirdi? 2. Siz qanday xayrli ishlarni qilmoqchisiz?



## Bahor yaqin

Zafar Diyor

Oʻtib ketdi qishning sovuq, Ham boʻronli kunlari. Ortda qoldi oy, yulduzsiz, Tim qorongʻi tunlari.

Endi quyosh koʻproq boqar, Dalalarga, bogʻlarga. Quchoq-quchoq yogʻdu sochar, Adirlarga, togʻlarga.

Bezanishar dala-qirlar, Chechak taqar oʻtloqlar. Bahor yaqin, bahor yaqin, Bahor yaqin, oʻrtoqlar.

Koʻnglim yana togʻday oʻsar, Koʻrkam bahor kelganda. Quvongayman dasta-dasta Gul-chechaklar terganda...

1. She'rni ifodali o'qing.

- 2. Bahor yaqinlashib kelayotganda tabiatda qanday oʻzgarishlar yuz beradi?
  - 3. Siz bahorni sevasizmi? Nima uchun?



She'rni yod oling.



## Oyijonlar, onalar

Kavsar Turdiyeva

Ayting, gachon nurga to'lar Xonadon-u, xonalar? Ostonadan gadam goʻysa, Unga aziz onalar! Safargami, shahargami, Olislasak bir gadam, Bizni darrov eslagan kim, Izlagan gaysi odam? Nagarot: Bu ayadir, bu oyidir, bu buvidir, onadir, Bolasi deb, lolasi deb onajonlar vonadir. Bolajonlar istaganda, Kim quyoshga aylanar? Yuraqida koʻrinmas ip Bolasiga bovlanar. Bolasi deb. lolasi deb. Kim dunyoni kezadi? Qoqilganin, yiqilganin Koʻrmasa ham sezadi.

Naqarot:

Bu ayadir, bu oyidir, bu buvidir, onadir, Bolasi deb, lolasi deb onajonlar yonadir. Qani, ayting, kim bizlarga, Suyuklardan suyukdir? Xonlardan ham, beklardan ham. Shohlardan ham buyukdir. Ulua'vordir, bea'ubordir, U erishgan martaba. Takrorlavlik, takrorlavlik Nomin koʻplab martaba.

Nagarot:

Bu ayadir, bu oyidir, bu buvidir, onadir, Bolasi deb, lolasi deb onajonlar yonadir.

1. She'rni ifodali oʻqing.

2. "Mening onam" mavzusida hikoya tuzing.



#### Tabiat bilan suhbat

(Rivovat)

Bo<sup>t</sup>ron dedi:

- Kuchda menga teng keladigani yoʻq. Men qudratliman. Istasam, dov-daraxtni ildiz-pildizi bilan sugʻurib tashlayman. Xohlasam, togʻni tolqon qilaman. Istasam, bogʻlarni soyga uloqtiraman. Istasam, quyosh yuzini toʻsib, daryolar o'zanini o'zgartira olaman. Ha, men ana shunday dahshatliman.

Jala dedi:

– Ey Bo'ron, sen menchalik emassan. Mana. meni zoʻr desa boʻladi. Jahlim chiqib, gahrim goʻzib, bir guysam bormi, seni tin-145 10-Oʻqish kitobi, 3-sinf

chitaman, yer yuzini suvga bostiraman. Hech kim, hatto sen ham qochishga joy topolmay qolasan.

Daryo dedi:

 E, namuncha maqtanasanlar. Ming maqtansanglar-da, bu dunyoda eng zoʻri menman.
 Sen, Boʻronvoy, menga yoʻliqqaningda oʻzoʻzingdan tinchiysan. Jalavoy, shuni unutmaginki, sen menga qoʻshilganingdagina kuchlisan. Aks holda, seni zamin yutib yuboradi. Quyosh dedi:

– Nima deb vaqillayapsanlar oʻzi? Mening haroratimga bardosh berolmay toʻrt tomonga qochib ketasanlar-ku.

Daryo dedi:

Bekorga tortishmaylik. Kelinglar, yaxshisi
 kim kuchliligini Odamdan soʻrab qoʻya qolaylik.
 Boʻron Odamga dedi:

– Dunyoda eng zoʻri kim? Menmi, Jalami, yoki Daryo?

Odam dedi:

 Yoʻq. Dunyoda shunday bir kuch borki, u seni ham, Jalani va Daryoni ham jilovlab oladi va istagan koʻyiga soladi. Ey Quyosh, qudratlisan, lekin koʻp katta ketma. Seni ham izmiga sola oladigan qudratli kuch bor.

– Xoʻsh, nima oʻzi oʻsha qudratli kuch? –

deb baravariga soʻrashdi jahldan dargʻazab boʻlgan Boʻron, Jala, Daryo va Quyosh. Odam dedi:

- Bu gudratli kuch - Do'stlik! Do'stlik bor joyda esa g'alaba muqarrar.

"Hadis ilmi saboqlari" kitobidan

- 1. Matnni rollarga boʻlib oʻqing.
  2. Matndan qanday xulosa chiqardingiz?

#### Bahor keldi



Qo'llarida soz bilan. Gulg'uncha parvoz bilan, Silkinib parvoz bilan. Uchib turna, d'oz bilan, Qadrdon bahor keldi. Bahorni kuting bogʻda, Bog' emas, dala, tog'da. Maysa yashnagan chogʻda, Qushlar sayrar butog'da, Sevikli bahor keldi. Har narsada oʻzgarish, Erib, ogib jo'nar gish. Har yoqda yashnar turmush, Oʻrik gulladi kumush, Mehnat bahori keldi. Bezanar maktab bogʻi,



Gulga toʻlib quchogʻi. Toshar hayot irmogʻi, Maktab dam olar chogʻi, Oʻquvchi, bahor keldi. Oʻtmasin goʻzal fursat, Qani gʻayrating koʻrsat. Imtihon, sinovga vaqt Hozirmi, darslaring taxt, Hushyor boʻl, bahor keldi.

🚡 1. She'rni ifodali oʻqing.

2. "Oʻtmasin goʻzal fursat, Qani gʻayrating koʻrsat" misralarini tushuntiring va izohlab bering.

3. Shoir bahor kelishini qanday tasvirlagan?

She'rni yod oling.

#### Varrak

Yoʻldosh Shamsharov

#### (Hikoya)

Bahor. Adirlarda gʻir-gʻir shabada esadi. Adirlar bolalar bilan gavjum boʻlib ketadi. Osmonda varraklar shox tashlab uchadi.

Rashid goh u bolaga, goh bu bolaga:

- Ipidan birpas ushlab turay, - deb yalinadi.

 Nari qoch! Oyoq ostida oʻralashaverma. Uyingga joʻna!

Daroz laqabli bola esa:

 Puling bormi? Bor, pul olib chiq oyingdan, – deb Rashidga tirjaydi. – Uyalmaysanmi, kichkina bolani aldagani? – dedi Sobir.

– Pul olib chiqsa, varrak uniki boʻladi. Tekinga mushuk oftobga chiqmaydi. Oyisi tikuvchi, puli koʻp.

– Odam emassan-da, – Sobir shunday deb teskari oʻgirilib ketdi.

Rashidning xoʻrligi keldi. Yigʻlamsirab uyga qaytdi. Oyisi uyda ish tikardi, bezovta qilgisi kelmadi. Arz-dodini akasiga aytdi:

– Menga ham varrak yasab bering. Anavi Darozning varragidan chiroyli boʻlsin.

Akasi uydagi savachoʻplardan olib, oʻtkir pichogʻi bilan oʻrtasidan yordi, silliq qilib yoʻndi. Dokani yerga yoyib, savachoʻplarni sirachlab yopishtirdi. Oyisi qiyqimlarning har xilini ulab, dum qilib berdi. Boshining ikki yogʻida shoxchaga oʻxshab chiqib turgan savachoʻplarga qizil shoyidan quloq yopishtirishdi.



– Oyi, mashina ipingizni berasizmi? – soʻradi Rashid.

Oyisi bosh chayqab jilmaydi-da:

– Burgutday qanotini kerib turishini qaranglar. Mana buni varrak desa boʻladi! – deb yubordi.

Rashidning "burgut"i balandlab, asta tebranib uchardi. Shoxidagi qizil kokillari pirpirardi, uzun dumi u yoqdan bu yoqqa tebranar edi. Rashid "iching kuysin" deganday, Darozga qarab-qarab qoʻyardi.

Rashidning varragi osmonga koʻtarilishi bilan bolalar yugurib kelishdi. Varrakni birga uchirdilar. Hamma bolalar xursand. Daroz-chi?

Kech kirib, qorongʻi tusha boshlaganda, bolalar birin-ketin varraklarini tushira boshladilar. Bugun bolalar Darozga emas, Rashidga ergashdilar.

Rashid uchun eng quvonchlisi shu boʻldiki, 26-mart kuni poytaxtimizda "Varraklar bayrami" Respublika koʻrik-tanlovi oʻtkazildi. Rashid varragi bilan tanlovda qatnashdi. Uning varragi tanlovda birinchi oʻringa loyiq topildi.



Nima uchun bolalar Rashidga ergashdilar?
 Daroz bolaga qanday baho berasiz?
 Rashid nimadan quvondi?

Hikoyani rollarga boʻlib oʻqing.



## Soy suvi haqida ertak

Zohir A'lam

Bir bor ekan, bir yoʻq ekan, qadim zamonda bir dehqon boʻlgan ekan. U bolachaqasi bilan togʻning etagiga kelib joylashibdi. Togʻning usti daraxtzor ekan, yonidagi soydan sharqirab suv oqar ekan.

Dehqon darrov toʻrt tanobcha yerni haydabdi, soydan suv olib sugʻorib, ekin ekibdi. Keyin esa togʻdagi daraxtlarni kesib, uy quribdi. Hovli tevaragini chetan devor bilan oʻrab olibdi. Daraxtlarning ancha-munchasini bozorda pullabdi. Shu orada bir yil oʻtibdi.

Kelasi bahorda dehqon ekin ekib, sugʻormoqchi boʻlgan ekan, qarasa, soyda suv yoʻq emish. Dehqon soyga:

– Soy, menga suv ber. Ekinimni sugʻoray, – debdi.

 Men suvni senga qayerdan olib beraman? Yaxshisi, qordan soʻra, – javob qilibdi soy. Dehqon qorning oldiga boribdi.

– Ey, qor! – debdi. – Sen soyga suv ber. Men ekinimni sugʻoray.

Bu gapni eshitib, qorning achchigʻi kelibdi va:

– Men bu yil me'yorida yogʻdim. Lekin namni ushlab turadigan daraxtlarni oʻzing kesib ketding. Daraxt boʻlmasa, qishda yogʻgan qor

bahorda erib, oqib ketadi. Soyga suv kelmaganiga oʻzing aybdorsan, – debdi. Dehqon oʻylab turib, qorning gapi rostligiga ishonch hosil qilibdi. Bir talay koʻchat keltirib, togʻga ekibdi. Ular tezda oʻsib, katta-katta daraxtlarga aylanibdi.

Shundan keyin soydan yoz boʻyi suv oqadigan boʻlibdi. Dehqon esa xohlagan paytda ekinini sugʻorib, ulardan moʻl hosil olib, farovon hayot kechiribdi.

Nima uchun soyning suvi qurib qolibdi?
 Dehqon nimalardan suv soʻrabdi?
 Qorning dehqonni ayblab aytgan gaplarini matndan topib, oʻqib bering.

4. Yozuvchi ertak orqali nima demoqchi?

## **Bog**'im

Habib Rahmat

Dunyoni bogʻ etishni Orzu qilar odamlar. Daraxt ekish sirlarin Oʻrgatdilar dadamlar.


Oʻyib bir gaz chuqurcha Nihol ekdim avaylab, Parvarish qildim dildan Unga mehrimni boylab.

Koʻkka choʻzib qomatin Quloch yozar shoxlari.



Oʻsishidan zavqlanib, Yana mehr boyladim.

Chaman boʻlib koʻrindi Har bir daraxt, har bir shox. Koʻring qanday chiroyli Oʻzim bunyod qilgan bogʻ.



- 2. She'rda nima haqida gap boradi?
  - 3. Dadasi bolasiga nimani oʻrgatdi? Shu oʻrinni topib oʻging.

4. Bola nimadan xursand bo'lmoqda?



# Beminnat yordam

# (Rivoyat)

Bir kuni bogʻbon bir nechta terak ekdi. Ular tezda boʻy choʻzib oʻsa boshladi. Teraklarning yonginasidan tok ko'karib chiqdi. Uning kundan kunga boʻyi choʻzilib, barglari ham koʻpaya bordi. Lekin tok novdasi nimjon boʻlganligi uchun u yer ustida yotardi. Teraklardan birining tokka rahmi kelib, uning poyasini shoxiga ilib yerdan koʻtardi. Tokning bagʻriga shamol tegib, yanada tezroq oʻsa boshladi. Tok novdasi oʻsgan sari terakka koʻproq chirmashar edi. Tez orada ular qalin do'st bo'lib qoldilar. Bir kuni bogʻbon kelib, terakka chirmashib oʻsayotgan tokni koʻrdi va: "Oʻzi chiqqan tok bu yil mevaga kiribdi. Terakka qo'- shilib balandlab ketsa, mevasini yigʻish qiyin boʻladi", – deb terakning yuqori shoxlarini kesib qoʻydi. U bilan bir kunda ekilgan teraklar unga qarab:

 Mana shu tokka oʻralashib, pastda qolib ketding, tashla uni, bizga oʻxshab yuqoriga intil, – deyishdi. Lekin terak doʻstini tashlab oʻsishga koʻzi qiymadi. Chunki uning boʻyi baland boʻlmasa ham, doʻstiga va odamlarga foydasi tegayotganidan xursand edi.

Ey farzand, shunday odamlar borki, oʻzlari koʻzga tashlanmasalar-da, qoʻldan kelgan barcha yordamlarini ayamaydilar.

- 1. Terak va tok qanday doʻstlashdi?
  - 2. Siz bu doʻstlikka qanday baho berasiz?

3. Daraxtga chirmashib oʻsadigan qanday oʻsimliklarni bilasiz?

# Navro'z keldi

Dilshod Rajab

Navroʻz keldi, xush keldi, Dala toʻla ish keldi. Dehqon bobo qalbiga Gʻayrat keldi, joʻsh keldi.

Jilgʻa chopar chuldurab, Bulut goho guldurab, Yomgʻir quyar shovullab, Lola chiqar lovullab. Qirda yonar lolalar, Qirga chopar bolalar. Shoʻx yellarga soch chayib, Birga chopar bolalar. Qanot yozgan burgutday Kengaygan qir-dalalar. Ertaklarda topilmas Bu ajoyib pallalar! Navroʻzi olam keldi, Baxtimiz chaman keldi, Elga ham bayram keldi!

1. She'rni ifodali oʻqing.

2. She'rda bahor faslining qaysi davri tasvirlangan?

3. "Navroʻz keldi" she'ri asosida rasm chizing. She'rni yod oling.

# Boʻlim yuzasidan takrorlash

1. Boʻlimdagi qaysi asarlarda bahor manzarasi tasvirlangan?

2. Tabiatga boʻlgan munosabatingizni bildiring.

3. Bahorgi milliy oʻyin va an'analar haqida aytib bering.

4. Bahor kelishi bilan dala va bogʻlarda qanday oʻzgarishlar boʻladi?

5. "Oʻlkamizda bahor" mavzusini ogʻ- 💣 zaki bayon qiling.



# JAHON BOLALAR ADABIYOTI



Myunxauzenning boshidan kechirganlari Erix Raspe

# 1. Oyga birinchi sayohat

Turkiyada poliz koʻkatlaridan boʻlgan bir oʻsimlikni eslab topdim. U juda tez oʻsar, hatto ba'zan xuddi osmongacha yetar edi.

Bu Turkiya loviyalari edi. Bir daqiqa ham hayallamasdan, shu loviyalardan birini ekdim. U shu ondayoq oʻsa boshladi.

U faqat yuqoriga qarab oʻsaverdi va tez kunda Oyga chirmashdi!

– Qoyil!!! – dedim-da, shoxlariga tirmashib, yuqoriga chiqaverdim.

Bir soatdan keyin oʻzimni Oyda koʻrdim. Oyda kumush boltamni koʻp axtardim, uni topish oson boʻlmadi. Oy ham kumush, bol-156 tacha ham kumush rangda boʻlgani sababli kumushda kumush koʻrinmas ekan. Ammo axiyri boltachani bir toʻda chirigan poxol ustidan topdim. Xursand boʻlib uni kamarimga qistirib oldim va Yerga qaytmoqchi boʻldim. Biroq ish boshqacha boʻlib chiqdi: loviyaning poyasi quyosh issigʻidan qovjirab, uzilib-uzilib ketibdi. Buni koʻrgach, qattiq xafa boʻldim.

Nima qilish kerak? Nima qilsam ekan? Nahotki men Yerga qaytolmasam? Nahotki umrim boricha Oyda qolsam? Voy, yoʻq! Aslo boʻlmaydi! Noiloj poxol yoniga oʻtirib olib, undan arqon yasay boshladim. Arqon koʻngildagidek uzun boʻlib chiqmadi, lekin nachora! Chap qoʻlimga boltachani, oʻng qoʻlimga arqonni ushlaganim holda sirgʻalib, pastga tushaverdim.

Tez orada arqon ham tugab qoldi, men boʻlsam osmon bilan yer oʻrtasida, havoda osilib qoldim. Bu juda qoʻrqinchli hol edi. Lekin pisand qilmadim. Uzoq oʻylab turmasdan, boltachani oldim va arqonning pastki uchiga mahkam yopishib turib, yuqorigi uchini kesdim va uni pastki uchiga uladim. Shunday qilib, yerga yaqinlashdim. Lekin yerga tushishga hali ham anchagina masofa bor edi. Arqonning yuqori uchini koʻpgina marta kesib, pastki uchiga bogʻlashga toʻgʻri keldi. Nihoyat, shunday pastladimki, hatto shahardagi uylarni va saroylarni ham koʻra oldim. Yerga hammasi boʻlib uch yoki toʻrt mil<sup>1</sup> qolgan edi.

Birdan arqon uzilib ketdi. Hash-pash deguncha yerga chirpirak boʻlib tushdim. Bir vaqt qarasam, yerga eng kamida yarim mil botib ketibman.

Oʻzimga kelgandan keyin koʻp vaqtgacha bu chuqurdan qanday chiqishni bilolmay, esankiradim. Kun boʻyi hech narsa yemay, ichmay oʻyladim. Nihoyat, oʻylab topdim, tirnoqlarim bilan pillapoyachalar yasab, yer ustiga bazoʻr chiqib oldim. Ha, Myunxauzen hech qayerda qolib ketmaydi.

1. Ertakni oʻqing. Myunxauzenning topqirligiga e'tibor bering.

2. Shu voqeaga oʻxshash birorta ertakni bilasizmi?

# 2. Otlar qoʻltiqda, arava yelkada

...Oʻsha yili qish juda qattiq keldi. Hatto quyosh ham shamollab, yuzlarini sovuqqa oldirdi, uning ustiga tumov ham boʻldi.

Quyosh shamollaganidan keyin, undan issiq oʻrniga sovuq keldi. Men oʻz foytunimga<sup>2</sup> oʻti-

<sup>&</sup>lt;sup>1</sup>**Bir mil** – 2 kilometr chamasidagi masofa. <sup>2</sup>**Foytun** – toʻrt gʻildirakli, ochilib-yopiladigan soyabonli yengil arava. 158

rib, naqadar sovqotganimni bir koʻrsangiz edi. Koʻcha tor, ikki tomoni devor. Shu tor koʻchada oʻzimiz arang ketayotgan bir paytda, toʻsatdan oldimizdan biror arava yoki foytun chiqib qolib, ishni pachava qilib yurmasin deb, foytunchi xizmatkorimga surnay chalishni buyurdim. Xizmatkor surnayni qoʻliga olib, kuch bilan puflay boshladi. Ammo surnaydan hech bir tovush chiqmadi. Tovushlar sovuqda muzlab qolgan ekan. Holbuki, biz tomonga bir foytun kelmoqda edi.

Hech narsa qilib boʻlmadi. Men darrov tushib, otlarni foytundan chiqardim. Keyin foytunni yelkamga koʻtarib oldim. U juda ogʻir edi. Bir sakradim-da, devorning narigi tomoniga oshib tushdim. Yana bir sakrash bilan foytunni qaytadan yoʻlga olib tushdim. Nafasimni biroz rostlagach, otlar yoniga qaytib keldim, ularni ikkala qoʻltigʻimga oldim va ikki sakrash bilan arava yoniga olib keldim. Bu sakrash vaqtida otlardan biri zoʻr berib tepindi.

Ha, juda noqulay boʻldi. Ammo men uning keyingi oyoqlarini kastumimning choʻntagiga solib qoʻydim, soʻngra ot jonivor noiloj jimgina turaverdi. Keyin otlarni aravaga qoʻshib, yoʻlga chiqdim va tez fursatda bir musofirxona<sup>1</sup>ga kelib tushdim.

<sup>&</sup>lt;sup>1</sup> Musofirxona – mehmonxona.

1. Ertakning ikkinchi qismini oʻqing.

2. Siz Myunxauzenning oʻrnida qanday voʻl tutar edingiz?

# Moychechak

Tavfig Fikrat

Bahor bezanadi Tepalarning yaydoqlari. Zumrad kabi oʻtloalari Kelin boʻlib yasanadi. Kelin yuzli moychechaklar, Oltin koʻzli movchechaklar. Dalalarda bir yoqimli Sariq, gizil, gunafsharang Gullar koʻpayar rang-barang, Lekin menga qoʻzali eng Kular yuzli moychechaklar, Oltin koʻzli moychechaklar. Yaproqlari jimjimali, avri bir goʻzallik. Bu ham Tani paxmoq, boʻyni nozik, ham karashmali. Ham goʻzal, Kelin yuzli moychechaklar, Oltin koʻzli moychechaklar. Shamol esar: goh u yonga, Goh bu yonga egiladi. Teng boradi, teng keladi,

kelsa

Rohat berarlar insonga. Kular yuzli moychechaklar, Oltin koʻzli moychechaklar.

1. She'rni ifodali oʻqing.

2. She'rda qaysi fasl tasvirlangan?

3. Moychechakka shoir qanday ta'rif beryapti? Ana shu oʻrinlarni topib oʻqing.

She'rni yod oling.

Uch aka-uka va baxt

Ilvira Daukayeva

1

Ajoyib bahor kunlaridan biri edi. Uch akauka yam-yashil oʻtloqdan yurib borar edilar. Nogahon ovoz eshitildi.

 Yordam! Yordam beringlar! Men bu yerda, chuqurdaman! Yordam beringlar! – kimdir yordam soʻrab chaqirayotgan edi.

Aka-ukalar chuqurga tomon yugurdilar, ular chuqur tubida nur sochayotgan, ajoyib, biroq qoʻrqqan va qiynalgan yuzni koʻrdilar.

– Bu yer chuqur va kir ekan! Dahshat! – jirkanib dedi katta aka.

Koʻzi qayerda ekan, shu yerga ham tushadimi? – dedi oʻrtancha ensasini qashib.
Shunday boʻlib qoldi, bir necha kundan beri shu yerdaman, iltimos, qutqaringlar... – dedi u.

11-Oʻqish kitobi, 3-sinf

– Sendan nur chiqyapti, kimsan oʻzi? – dedi kenjatoy.

– Men Baxtman! – dedi u.

– Baxt?.. Ahmoqlik! Baxt chuqurga tushib ketmas edi, xa-xa-xa, – kuldi katta aka.

– Yoki oʻzi chiqa olardi! – ishonmay toʻngʻilladi oʻrtanchasi.

– Men bahor shabadasi bilan uchayotgan edim, birdan menga yovuz toʻfon yopirildi. Meni har tomonga otdi, keyin mana shu chuqurga tashlab yubordi.

– Bechoragina... Men seni tortib olaman, – dedi kenjatoy va qoʻlini Baxtga choʻzdi.

Katta akalar ishonmadilar va unga tashlanib, yoʻlini toʻsdilar:

Oldin Baxt ekanini isbotlasin! – baqirdi oʻrtanchasi.

 Ha, isbotla! Balki shunaqa deb aldayotgandirsan?! – talab qildi katta aka.

– Istagan narsangni tila, men uni bajaraman! – dedi ishonch bilan Baxt.

– Negadir ishonmayapman, – shubhalandi katta aka.

– Tilak tilang, koʻrasiz! – dedi ularga ishonch bilan Baxt.

1. Baxt bilan aka-ukalar qay tarzda uchrashdilar?

2. Aka-ukalar haqida oʻz fikringizni bildiring.



– Unda yaxshi! Unda... men yaxshi ovqat pishiradigan xotinga uylanmoqchiman... Nima qilibdi? Men mazali ovqat yeyishni yaxshi koʻraman, – dedi katta aka.

Shunday boʻlsin! Tilaging bajo boʻldi! – dedi Baxt.

– Siz meni qidiryapsizmi, azizim? Men keldim.

Aka-ukalar ovoz kelgan tomonga qarashdi. Loʻppi yuzli qiz katta akaga tabassum bilan qarab turgan edi.

Yuring uyga, tushlik tayyor, xuddi siz yaxshi koʻrganingizdek tayyorlab qoʻydim.

Katta aka hamma narsani unutib, qizning qoʻlidan tutib, uyiga qarab ketdi...

Unda menga ham... koʻp tilla, juda koʻp oltin boʻla qolsin!
 hiringladi oʻrtanchasi.



– Shunday boʻlsin! Tilaging bajo boʻldi! – dedi Baxt.

– Birdan osmondan tillalar yogʻila boshladi. Aka-ukalar oltin yomgʻiridan zoʻrgʻa oʻzlarini chetga oldilar.

– Ajoyib-ku! Shuncha oltin! Bular mening oltinlarim! – quvonib ketdi oʻrtanchasi. – Nariroq tur, xalaqit berma!

Oltinlarni olib, yugurib ketdi. Kenjatoy uning izidan qarab qoldi. Keyin chuqur chetiga bordi va Baxtga qarab, dedi:

- Mening qoʻlimni tut, men seni tortib chiqaraman!

Biroq Baxt uning qoʻlidan tutishga shoshmadi va ishonmay soʻradi:

– Sen mendan nimani tilagan boʻlarding?

– Xudoga shukur, menda hamma narsa bor. Senga nima kerak?

– Meni bu yerdan chiqar, men qiynalib ketdim.

Kenjatoy qoʻlini choʻzib, Baxtni tortib oldi.

– Senga katta rahmat. Men bu yerda qolib ketaman deb qoʻrqqan edim, – dedi Baxt va yorqin nurlar bilan tovlanib, yer yuziga baxt socha boshladi.

Kenjatoy ketmoqchi boʻlib turganida, Baxtundan soʻradi:

– Sen qoʻrqmas, dovyurak, oliyjanobsan. Har doim yoningda yurishimga ruxsat berasanmi?

– Ha, albatta, men juda ham xursand boʻlaman, – javob berdi kenjatoy.

Endi kenjatoy va Baxt ajralmas, qadrdon boʻlib qolgan edilar.

1. Baxt nima uchun kenja ukani savolga tutdi?

2. Baxt boylik bilan o'lchanadimi?

# r

# Kasblarning rangi qanaqa?

Janni Rodari

Har kasbning oʻzgacha, farqli rangi bor, Mana koʻring, novvoy – oppog, xuddi gor. Sochlari oq uning, qosh, kiprigi oq, Ertalab qushlardan turar oldinroq. O'tyogarning rangi gora-guradir, Bo'yogchining rangi ola-buladir. Zavodga kiring-da, ishchiga qarang: Uning ish kiyimi ko'kday havorang. Ishlovchining qoʻli moyli, sap-sariq. Tekinxo'rning qo'li rangsiz, op-oriq. Barmoglari nozik, belgi yoʻq biron, Na moy yuqi bor-u, na qurum-qatron. Sevinmang terisi og deb bu ora, Ularning ishlari juda qop-qora.

1. Shoir kasblarning rangini qanday ta'rif-- lavapti?

2. Shoir tekinxoʻrni kim deb atayapti?

# Pinokkioning sarguzashtlari

Karlo Kollodi

## (Ertak)

#### 1

Bor ekan-u yoʻq ekan, bir gʻoʻla boʻlgan ekan. Gʻoʻla boʻlgandayam unaqangi asil nav daraxtning gʻoʻlasi emas, shunchaki oʻtinbop bir gʻoʻla ekan.

Kunlarning birida oʻsha yogʻoch gʻoʻla bir keksa duradgorning uyiga tushib qolibdi. Bu duradgor cholning ismi Antonio boʻlsa ham, odamlar uni "Usta Olcha" deb atashardi. Nimaga desanglar, burnining uchi gʻarq pishgan olchaga oʻxshab, doim qip-qizil, yaraqlab turardi.

Usta Olcha gʻoʻlani koʻrib, juda ham xursand boʻldi.

 Juda vaqtida koʻrib qoldim-da, bu gʻoʻlani. Endi undan stolga oyoq yasayman, – dedi. Shunday dedi-yu, ishga kirishdi. U gʻoʻlani poʻstloqdan tozalamoqchi boʻlib, qoʻliga oʻtkir boltasini oldi. Shu payt gʻoʻla ichidan allakimning yolvoruvchi ovozi eshitildi:

– Voy, urmang meni!

Usta Olchaning qay ahvolga tushganini koʻz oldingizga keltirayotgan boʻlsangiz kerak. U tamoman esankirab qoldi. Tovush qayoqdan kelganini bilish uchun ustaxonaning har tomoniga koʻz yugurtirib chiqdi. Biroq ustaxonada hech zogʻ yoʻq edi.

– Haa, boʻldi, tushundim, – deb hiringladi u. – Qulogʻim shangʻillagan boʻlsa kerak. Qani, ishga kirishaylik!

Shundan keyin u yana boltani qoʻliga oldiyu, gʻoʻlani chopdi.

Voy, ogʻritvordingiz-ku! – deb chinqirdi
 boyagi tanish ovoz. Usta Olcha uchun bu
 dahshatning oʻzginasi edi. Qoʻrqqanidan ogʻzi
 lang ochilib qoldi, tili iyagigacha osilib tushdi.
 Birozdan keyin oʻziga keldi.

Boʻldi, tushundim, – dedi qoʻrqoqligidan
 xijolat boʻlib. – Qulogʻim shangʻillaydigan boʻlib
 qolgan. Qani, ishga!

Usta gʻoʻlani silliq qilib randalash niyatida boltani chetga qoʻyib, qoʻliga randa oldi. Lekin randani gʻoʻla ustida yurgizishi bilanoq yana qulogʻiga oʻsha chiyildoq ovoz eshitildi:

– Vuy, tegmang axir menga. Hamma yogʻimni qitiqlab tashladingiz-ku!

Bu gal usta Olcha xuddi yashin urgandek "gurs" etib yerga yiqildi. Birozdan keyin hushiga kelib, koʻzini ochsa, hali ham yerda choʻzilib yotibdi.

Afti jin chalgandek qiyshayib ketgan, burnining toʻq qizil uchi qoʻrqqanidan toʻq zangori rangga kirgan edi.

1. Usta Olcha kim edi?

2. Yogʻoch gʻoʻla bilan qanday hodisalar roʻy berdi?

# 2

Shu mahal eshik taqillab qoldi...

– Kiravering, – dedi duradgor zoʻrgʻa, lekin oʻrnidan turishga majoli yetmadi.

Ustaxonaga Jepetto ismli bir odam kirdi. Qoʻshni bolalar bu cholning jigʻiga tegish uchun unga "Zogʻora non" deb laqab qoʻyishgan edi. Chunki uning boshidagi sap-sariq parigi zogʻora nonga juda ham oʻxshab ketardi.

– Salom, usta Antonio, – dedi Jepetto. – Nega yerda o'tiribsiz?

– Chumolilarga toʻrt amaldan dars beryapman.

– Omad tilayman!

- Xush koʻrdik, Jepetto amaki.

– Huzuringizga bir iltimos bilan keldim.

– Bemalol soʻrayvering, – deb javob berdi duradgor oʻrnidan turarkan.

– Bugun ertalab miyamga bir fikr kelib qoldi.

– Qani, eshitaylik.

- Bironta yogʻoch topib, undan alomat yogʻoch odam yasasam chakki boʻlmasdi. U yogʻoch odam raqs tushishni, qilichbozlik qilishni, umbaloq oshishni bilishi kerak. Shunga siz nima deysiz?

– Barakalla, Zogʻora non! – deb chinqirdi boyadan beri allaqayoqdan eshitilayotgan haligi ovoz. Jepetto amaki gʻazabdan achchiq qalampirday qizarib ketdi, jahl bilan duradgorga oʻshqirdi:

– Meni haqorat qilishga qanday jur'at etdingiz?

- Kim sizni haqorat qildi?

- Siz meni "Zogʻora non" deb atadingiz.
- Men aytganim yoʻq u soʻzni.
- Aytdingiz!
- Yoʻq!
- Aytdingiz!

Ular qizishgandan qizishib, bir-birlariga yopishib goh tishlasha, goh timdalasha boshladilar.

Nihoyat, jang tugab, ular bir-birlaridan ajralishganida Jepettoning sariq parigini usta Antonio changallab olgan, duradgorning oq parigini esa Jepetto tishlab turar edi.

– Ber parigimni! – deb baqirdi usta Antonio.  Sen ham ber parigimni, keyin yarashamiz.
 Chollar pariklarini ayirboshlab olishgach, birbirlarining qoʻlini siqishib, umrbod qalin doʻst boʻlib qolishga soʻz berishdi.

Shundan keyin Jepetto shumtaka gʻoʻlani qoʻltigʻiga qistirib, oqsoqlagancha uyiga joʻnadi.

!?

 Buratino haqidagi filmni koʻrganmisiz?
 Pinokkio qaysi jihati bilan Buratinoni eslatadi?
 Albatta, "Pinokkioning boshidan kechirganlari" kitobini olib oʻqing. Uning boshqa sarguzashtlarini ham bilib olasiz.



# Anbe va Ranbe

# (Hind xalq ertagi)

# 1

Sichqoni koʻp bir xonadonda qari mushuk yashar ekan. U sichqon tutishga yaramay qolibdi. Oʻylab-oʻylab buning chorasini topibdi. Bir kuni u sichqonlarni chaqirib shunday debdi: – Sichqonlar, hoy sichqonlar, men sizlarni nega chaqirganimni bilasizmi?

Toʻgʻrisini aytsam, shu paytgacha men sizlarga doim yomonlik qilardim va ranjitib kelardim. Buni boʻynimga olaman. Endi oʻz qilmishimdan uyalyapman. Xullas, sizlarga boʻlgan munosabatimni oʻzgartirishga ahd qildim. Endi mendan qoʻrqmanglar. Faqat sizlardan birgina talabim bor: har kuni ikki mahal saf tortib oldimdan oʻtib turasizlar. Men sizlarga tegmaslikka soʻz beraman.

Mushukning va'dasini eshitib, sichqonlar oʻzlarida yoʻq quvonishibdi va uning shartiga darrov rozi boʻlishibdi. Mushuk uyning bir burchagiga joylashib olibdi.

Sichqonlar ta'zim qilib, uning oldidan bittabitta o'ta boshlashibdi. Nihoyat, uning oldidan oxirgi sichqon ta'zim qilib o'tib borayotgan ekan, mushuk shappa uni tutib olibdi-da, paqqos tushiribdi.

Avval oʻtib ketgan sichqonlar hech narsani sezishmabdi. Sichqonlar shu tariqa kamayib boraveribdi.

1. Mushuk qanday hiyla ishlatdi?

2. Sichqonlar qanday kamayib bordi?

## 2

Sichqonlar orasida Anbe va Ranbe degan ikki doʻst bor ekan. Ular mushukning hiylasini sezib qolib, shunday qarorga kelishibdi: bundan keyin mushukning oldidan oʻtayotganda Ranbe safning oldida, Anbe esa oxirida oʻtadigan boʻlibdi.

Safning boshida borayotgan Ranbe mushukka chuqur ta'zim bajo qilar ekan, bor ovozi bilan:

– Do'stim, Anbe, qayerdasan? – deb qichqiribdi.





Safning oxirida kelayotgan Anbe unga: – Shu yerdaman, do'stim Ranbe, – deb javob qilibdi.

Sichqonlarning hammasi mushuk oldidan oʻtib boʻlmaguncha, ular bir-birlari bilan shu tariqa xabarlashib turishibdi.

Mushukning hiylasi ish bermaganidan, och qola boshlabdi. Figʻoni oshgan mushuk shartta Anbega tashlanib qolibdi. Biroq u ham anoyi emas ekan. Birpasda koʻzdan gʻoyib boʻlibdi.

Qolgan sichqonlar ham bir zumda inlariga kirib yashirinishibdi. Mushukning aldoqchi ekani oshkor boʻlganidan soʻng u birorta sichqon tuta olmay, ozib-toʻzib ketibdi.

!?

1. Sichqonlar qanday chora topdilar?

2. Anbe va Ranbe ishtirok etgan oʻrinlarni rollarga boʻlib oʻqing.



## Bahs

Anvarbek Duysinbiyev

Bir kun daryo boʻyida Qoq peshin payti lkki doʻst oʻtirardi. Safsata avtib. togʻlarga qarab, Olis Oʻtirgan verdan Gap talashib golishdi lkkovi birdan: Alp bo'lsam, anov tog'ni, Deb qoʻydi Sanjar, Choʻlga surib goʻyardim Yelkamda dangal. Men esa, – dedi O'ljas Do'st-birodar Darhol eltib go'yardim Togʻni joyiga. Sanjar dedi: Bir tepsam Hovling, uyingni, eding Topolmay golar Koʻcha-koʻyingni. Oʻljas dedi: qaytadan Qurar edim uv. Hovlimda dangʻillatib



Qilar edim to'y. – Shunaqami? – der Sanjar. – Shunday, – der Oʻljas, Jangga aylanar janjal, Olovlanar bahs. Yoqalashib ketishdi, Olishib jiqqa. Soʻng ikkovi dumalab, Tushdi ariqqa. Shu taxlit suv boʻvida. Qoq peshin payti Ikki doʻst uylariga Shalvirab qaytdi. Ikkovi ham alp emas, Ojiz, poʻk edi. Sal-pal kuchi boʻlsa ham Aqli yoʻq edi.

1. She'rni ifodali oʻqing.

2. Maqtanchoqlikning oqibati nimaga olib kel-

di? Kamtarlik haqida maqollar ayting.

# Mittivoy va Karlson

Astrid Lindgren

 Xoʻsh, endi bir koʻngilni yozaylik, – dedi Karlson bir zumdan keyin. – Kel, avval, tomma-tom chopamiz.

Mittivoy jon deb rozi boʻldi. U Karlsonning qoʻlidan ushlab oldi, ikkovi tomga chiqishdi.

– Bezorilarni koʻrishni istaysanmi? – deb soʻradi Karlson Mittivoydan, sal nafaslarini rostlab olishgach. – Boloxonalarimning birida ikkita zoʻr, ashaddiy bezori turadi.

Karlson koʻrsatgan boloxona derazalaridan gʻovur-gʻuvur, kulgi, qiyqiriq eshitilardi.

– Ho, ular kayf-safo qilishyapti! – dedi Karlson. – Yur, nimani ermak qilishayotganini borib koʻramiz.

Karlson bilan Mittivoy yana boʻgʻot yoqalab emaklab ketishdi. Ular boloxonaga yetishganda, Karlson boshini koʻtarib, derazaga qaradi. Derazaga parda osib qoʻyilgandi. Biroq Karlson pardadan bir teshik topdi, oʻsha teshikdan hamma narsa koʻrinardi.

– Bezorilarnikida mehmon bor ekan, – deb shivirladi Karlson. Mittivoy ham teshikdan qaradi. Xonada koʻrinishi bezoriga oʻxshagan ikki odam bilan yuvosh, yoqimtoy yigit oʻtirardi. - Bilasanmi, nima gap bor? - deb shivirladi Karlson. – Menimcha, bezorilarning niyati buzuq, ular biror xunuk ish qilishmoqchi. Lekin biz ularga xalaqit beramiz...

Karlson teshikdan yana bir bor qaradi. – Garov oʻynaymanki, ular qizil galstuk taqqan yigit bechorani shilishmoqchi!

Bezorilar bilan galstuk taqqan yigit deraza oldidagi stolcha atrofida ovqatlanib oʻtirishardi. Bezorilar oʻqtin-oʻqtin mehmonning yelkasiga qoqib qoʻyishardi.

Omading bor ekan, yigit, Fille bilan
 meni uchratib qolding, – dedi Rille.
 Toʻgʻri, Rille bilan meni uchratib qolma ganingda, bilmadim, holing nima kechardi, –
 dedi Fille ismli yigit.

1. Karlson va Mittivoy qayerga bordilar?
2. Rille va Fille kim edi?

2

Keyin Fillening bir ishini koʻrib, Mittivoy hang-mang boʻlib qoldi: Fille Oskarning shimining choʻntagiga qoʻlini solib, hamyonini olib oʻz shimining orqa choʻntagiga solib qoʻydi. Oskar hech nimani sezmay qoldi. Chunki xuddi shu payt Rille uni quchoqlab olgan edi. Rille quchogʻini yozganda, uning qoʻlida Oskarning soati paydo boʻldi. Rille soatni shimining orqa choʻntagiga solib qoʻydi. Oskar buni ham sezmadi.

Biroq tomda yashovchi Karlson semiz va doʻmboq qoʻlini parda tagiga ehtiyotlik bilan suqdi-da, Fillening choʻntagidan hamyonni olib qoʻydi. Fille ham hech nimani sezmadi. Keyin Karlson yana doʻmboq qoʻlini parda tagiga suqib, Rillening choʻntagidan soatni oldi.

Rille, Fille va Oskar biroz gaplashib oʻtir-176 ganidan soʻng, Fille choʻntagiga qoʻlini solib koʻrsaki, hamyon yoʻq. U Rillega gʻazab bilan qaradi-da, shunday dedi:

– Menga qara, Rille, yur tashqariga chiqib kelaylik. Ikkovimiz gaplashib olishimiz kerak.

Xuddi shu payt Rille ham qoʻlini choʻntagiga soldi, qarasaki, choʻntagida soat yoʻq. Endi u ham Fillega jahl bilan tikildi-da:

Yur! Mening ham senga aytadigan gapim bor! – dedi.

Oskar yolgʻiz oʻzi zerikib dahlizga chiqdi. Karlson derazadan lip etib sakrab tushdi-da,

hamyonni chinni idishga solib qoʻydi. Soatni esa lampaga ilib qoʻydi. Fille, Rille va Oskar xonaga kirishlari bilan soatni koʻrishdi. Biroq Karlsonni payqashmadi. Chunki u dasturxon yozilgan stol tagiga kirib olgandi. Mittivoy ham stol tagida edi.

 Qaranglar, soatim lampada osilib turibdiya, – dedi Oskar hayron boʻlib. – Tavba, u yoqqa qanday ilinib qoldi?

U lampa oldiga borib, soatni oldi-da, kamzulining choʻntagiga solib qoʻydi.

 lye, hamyonim kosaning ichida, rost, qaranglar-a! – deya yana qichqirib yubordi
 Oskar kosani koʻrsatib. – Juda qiziq boʻldi-ku.
 Rille bilan Fille Oskarga hayron boʻlib qarab qolishdi.

12-Oʻqish kitobi, 3-sinf

Karlson bilan Mittivoy qilgan ishlaridan qotib-qotib kulishardi.

- 1. Mittivoy nimaga guvoh boʻldi?
  - 2. Karlson qanday yoʻl tutdi?
    - 3. Ertak qahramonlariga munosabat bildiring.

# Dogʻda qolgan qargʻa

# (Laos xalq ertagi)

Bir kuni Qargʻa barglar orasida mudrab yotgan Chigirtkani koʻrib qolibdi. Endi yeyman deb, choʻqilamoqchi boʻlib turganda, Chigirtka koʻzini ochibdi va boshini koʻtarib Qargʻaga: – Hurmatli Qargʻa, malol kelmasa, bir-ikkita topishmoq aytsam, unga javob bersangiz, keyin meni yesangiz, – debdi.

Qarg'a qag'illab boshini chayqab:

Yaxshi! Yaxshi! Faqat imillamasdan tezroq
 ayt topishmogʻingni, – debdi.

Chigirtka unga:

Hurmatli Qargʻa, ayting-chi, dunyoda eng oʻtkir narsa nima? – debdi.

– Oʻylab oʻtirishning hojati yoʻq. Qarr! – xursand boʻlib ketibdi Qargʻa. – Bu – yoyning uchi.

Afsuski, topa olmadingiz, – debdi Chigirtka. – Ayting-chi, dunyoda nima tez yuradi?
Qarr! Qarr! Ikki gʻildirakli arava! Ikki

gʻildirakli poyga aravasi! – suyunib qichqira ketibdi Qargʻa.

– Yoʻq, yana topolmadingiz. Endi ayting-chi, dunyoda eng kuchli nima?

– Yoʻlbars! Qarr, qarr!

– Hecham-da! Eng ogʻiri-chi?

– Yer! Bizning yer! – jahli chiqib qagʻillabdi Qargʻa.

– Yoʻq-yoʻq! Boshqa narsa, – e'tiroz bildiribdi Chigirtka.

Qargʻa topishmoqni topolmaganidan, Chigirtka juda xursand boʻlibdi. Qargʻaning esa jahli chiqibdi. Ular qozining huzuriga borishibdi. Avval Qargʻa qoziga hammasini soʻzlab beribdi. Navbat Chigirtkaga kelibdi. U:

Muhtaram qozi! Qargʻa meni yemoqchi edi. Men unga: "Agar topishmoqlarimni top-sangiz, yeyavering", – dedim. Ammo Qargʻa



javob topa olmadi. Axir dunyoda hamma narsadan oʻtkir – aql, tezdan tezi – fikr, eng kuchli narsa – himmat va halollik, ogʻirdan ogʻiri – jinoyatchining qalbi ekani ma'lum-ku. Iltimos qilaman, muhtaram zot, endi adolat qilib, kim haq, kim nohaqligini ayting, – debdi. Qozi biroz oʻylanib turibdi-da, keyin boshini

silkitib debdi:

Chigirtka haq, Qargʻa, siz yutqazdingiz.
 Shunday qilib qargʻa dogʻda qolibdi.

1. Ertakni ifodali oʻqing.

2. Chigirtka bergan savollarga yana nima deb javob berish mumkin?

3. Qarg'a nima uchun dog'da qoldi?

Oʻtirishi tulkiday,

💁 Oʻt yeyishi yilqiday. *(ראַןוּמוּנאַצ)*)

Boʻlim yuzasidan takrorlash

1. Boʻlimdagi qaysi ertaklarning filmlarini koʻrgansiz?

2. Maktab kutubxonasida qanday qiziqarli kitoblar oʻqigansiz?

3. Qaysi asarlarda topqirlik belgilari uchraydi?

4. Uyda koʻrgan multfilmlaringiz asosida ertak yozing.

5. Qaysi kasblarning rangi haqida bilib oldingiz?





## TINCHLIK VA DO'STLIK BO'LSIN BARQAROR



Tilak

Faxriddin Hayit

Oftob mangu sochar nur, Oy ham mangu yonadi. Koʻk ostida ona yer Koptokdek aylanadi.

Shu zaminda hur, obod, Bir diyor bor, gul diyor. Yurtda tinchlik barhayot, Yurtda barcha baxtiyor.

#### Naqarot:

Mangu boʻlsin farovon, Vatanim Oʻzbekiston!

Porlab tursin, oy-quyosh, Aylanib tursin zamin. Shodlikka boʻlsin yoʻldosh Bolalikning har dami. Har nahorda yangidan Nur taratsin togʻ oshib. Taraqqiyot tongida Charaqlab baxt quyoshi.

*Naqarot:* Mangu boʻlsin farovon, Vatanim Oʻzbekiston!

1. She'rni ifodali oʻqing.

2. "Koʻk ostida ona yer koptokdek aylanadi" misrasini tahlil qiling.

🌽 She'rni yod oling.

## Koʻprik ustidagi doʻst

Ulugʻbek Hamdam

#### (Hikoya)

#### 1

Har gal dala hovlidan qaytayotganimda, yoʻlda ikki yalangoyoq bolakayni uchratar edim. Birining oti – Nikita, ikkinchisiniki esa Umidqoldingiz?" "Ismlarini qayerdan bila ion. demogchimisiz? Oʻzlaridan-da. Voqea bunday bo'lhovlimdagi chogʻrog bogʻda ishlab, kechga di: tomon torgina yoʻldan shaharga qaytayotsam, muyulishda qoʻqqisdan roʻparamdan bir mashina chiqib qoldi. Yoʻl chetida bolalar oʻynab 182





oʻtirishardi. Shitob bilan kelayotgan mashinani oʻtkazib yuborish uchun shartta tormozni bosib, mashinani bolakaylarning shundoq tumshugʻiga tirab toʻxtatdim. Ular yalt etib menga qarashdi. Jilmayib qoʻyishdi. Jilmayib deganim juda yumshoq chiqdi, "Bolakaylarning yuzlarida quyosh porlardi, quyosh!" desam, ularning sevinchlarini aniqroq ifodalagan boʻlaman.

– Salom! – dedim men ham bolalarning sevinchidan ta'sirlanib.

– Salom! – deya mashinaning ochiq oynasidan qoʻlini suqdi ularning mallatobi.

- Oting nima seni? soʻradim men.
- Nikita, deb javob berdi bola.

– Seniki-chi? – deb soʻradim nariroqda iymanibroq turgan qoramagʻizdan. – Umidjon!

- Yoshing nechada, Nikita?

– Toʻqqizda.

- Seniki-chi, Umidjon?

– Oʻn ikkida.

– Boʻylaring teng-ku.

Ular javob oʻrniga yana jilmayishdi.

– Xayr, bolalar!

– Xayr, amaki!

mashinani yurg'izib, yo'limda davom Men Odatda, dam olish kunlarim dala hovetdim. kechadi. Bu yerga kelib-ketarkanman, delida yarli har safar Umidjon-u Nikitaga roʻpara kelaboʻldim. Ular ham uzoqdan mening digan mashinamga koʻzlari tushishi bilan o'vinlarini tashlab, koʻrishish uchun hozirlik koʻrishardi, O'z navbatida, men ham beg'ubor bolalarning shugina istagiga peshvoz chiqmasdan o'tolmayman: tormozni bosaman, ular chopib kesarg'ish-qizil, boshqasi qoramag'iz yuzlib. biri menga tanish, menga gadrdon bo'lib larida borayotgan guyoshchalarni porlatgancha birinketin qoʻllarini oynadan uzatishadi.

1. Yozuvchi Nikita va Umidjon bilan qanday tanishdi?

2. "Bolakaylarning yuzlarida quyosh porlardi, quyosh!" degan gapni siz qanday tushundingiz?



Kunlardan bir kun Nikitani uzoqdan, muyulishdagi koʻprik ustida koʻrib qoldim. U yoʻlga ikki koʻzini tikkancha oftobda javdirab turardi. Toʻxtadim. Bolakayning kayfiyati yoʻq edi. Kiyimi rosa kirlangan, yuzida ham quyoshcha aks etmasdi negadir. U mashinaning ochiq oynasidan indamaygina qoʻlini uzatdi.

– Salom! – dedim men.

- Salom! dedi u.
- Umidjon qani?
- Umidjon mashgʻulotga ketdi.
- Qachon keladi?
- Oʻn ikki-yu oʻttizda.

Soatga qaradim: mil oʻn ikki-yu oʻttiz beshni koʻrsatardi.

– Keladigan vaqti allaqachon boʻlibdi-ku.

- На.
- Qachondan beri kutyapsan?
- Ertalabdan beri.

- Qayerda, shu yerda, koʻprikning ustidami?

- Ha.
- Oʻynagani boshqa bolalar yoʻqmi?
- Bor.
- Nega oʻynamayapsan?
- Umidjonni kutyapman.

Men Nikitaga boshqa savol bermadim. Berolmadim. Chunki tomogʻimga bir nima kelib tiqildi. Asta qoʻzgʻalib yoʻlimda davom etdim...

185

Mening Nikitadek biron do'stim bormi, deyman xayolan. O'zim ham biron Umidjonni do'st tutib, quyoshning tig'ida Nikita kabi kutdimmi?..

1. Nikita nima uchun g'amgin edi?

?

dingiz? 3. Ayting-chi, sizning ham shunday doʻstingiz bormi?

2. Siz Nikitaning oʻrnida nima gilgan boʻlar-

Chin do'st tug'ishganing bilan teng.

# Inson insonga oʻrtoq

Hamidulla Yoqubov

Turob ekdi koʻk piyoz, Oʻt bosibdi ayni yoz. Oʻtni yulib bir oʻzi, Toldi barmogʻi, koʻzi.

Chakkasiga qoʻl tirab: – Nima qilsam? – der Turob. Birdan Savri, Sotvoldi Yordamga kelib qoldi.

Oh, dehqonning vaqti chogʻ, Yeng shimarib uch oʻrtoq Oʻtay boshlar polma-pol, Top-toza qilar darhol.

Suv, nurga toʻyib piyoz, Erkin oʻsar beqiyos. Ha, Turob emas yakka, Tengdoshlar shay koʻmakka.

Inson insonga har chogʻ Qadrdon, ahil oʻrtoq.

1. She'rni ifodali oʻqing.

2. She'rda nima haqida gap boradi?

3. Siz oʻrtoqlaringizga qanday ishlarda koʻmaklashgansiz?

She'rni yod oling.

Qirq koʻylagi bor, Bir tugmasi yoʻq. (zokid)



## Do'stlikning bahosi

Bu voqea Vyetnamda boʻlgan edi. Jang paytida yetimxona yoniga bomba kelib tushdi. Bir necha bola ogʻir yarador boʻldi. Yaradorlar orasida bir qizchaning ahvoli, ayniqsa, ogʻir edi. Agar unga tezlik bilan qon quyilmasa, halok boʻlishi mumkin edi. Yaqin atrofda shifokorlar boʻlmagani sababli elchixonadan chet ellik shifokorlarni chaqirtirishga toʻgʻri keldi. Ular tezlik bilan qizchaning qon guruhini aniqlashdi. Aksiga olib, shu yerdagilardan birortasining qon guruhi qizchanikiga toʻgʻri kelmas ekan. Shifokorlarning bolalardan yordam soʻrashdan boshqa ilojlari qolmadi. Ular yarim vyetnamcha, yarim inglizcha gilib magsadlarini bolalarga tushuntirishdi. Qon berishga kim rozi ekanligini soʻrashdi. Barcha bolalar iim boʻlib shifokorga tikilib qoldilar. Shu payt bir bolakay qoʻlini koʻtardi-yu, tushirdi, keyin yana koʻtardi. Shifokorlar unga minnatdorchilik bildirib, tezlik bilan yotqizib, tomiridan asta qon ola boshladilar. Bir mahal bolaning koʻzidan yosh oga boshladi. Hamshira uning ahvolini soʻragan edi, vigʻidan toʻxtadi, lekin birozdan keyin yana yigʻlay boshladi. Hamshira xavotirda: "Muolajani to'xtataymi?" – deb imo-ishora bilan so'radi. Bolakay "Yoʻq", dedi. Ammo yigʻisini toʻxtata olmas edi. Shu vaqt vyetnamlik hamshira kelib qoldi. U bolakay bilan bir necha ogʻiz gaplashdi. Bolaning yuzi yorishib, yigʻidan toʻxtadi. Chet ellik shifokorlar gap nimada ekanini bilmoqchi boʻlishdi. Shunda vyetnamlik hamshira: "Bu bolalar sizni toʻgʻri tushunishmabdi. Qizchaning hayotini saqlab qolish uchun hamma qonni berish kerak, deb oʻylashibdi. Bu bolakay esa rozi bo'lib, endi o'lyapman, deb o'ylagan ekan", – debdi. Shunda shifokorlar: "Unday boʻlsa, nega rozi boʻlibdi?" – deb soʻrashdi. Hamshira bolakay bilan oʻz tilida gaplashdi, davom etdi: "Men unga siz bergan so'na savolni bersam, biz do'stmiz, dedi".

"Tarbiya kitobi"dan

1. Oʻzi mehrga zor boʻlgan bu bola haqida nima deysiz?

2. Siz yaqin doʻstlaringizdan yordam soʻraganmisiz?



#### Tinchlik koʻchasi

Kavsar Turdiyeva

Menda sira soʻlmas gullar, Qushlar yayrar chamanda. Qizlar esa qoʻgʻirchogʻin Ismin qoʻyar Samanta. Tinchlik – hayot poydevori, U orzu qay dillarda. Shuning uchun takror-takror Jaranglaydi tillarda.

## Ahillik koʻchasi

Oʻrtamizdan oʻtmas qil, Biz ahilmiz, ha, ahil. Bu his kundan kun oshar, Bizda har kuni hashar. Bitmayaptimi uying? Boshlanyaptimi toʻying? Darsdan oldingmi ikki? Yo boshqa ishing chakki? Demak, bil shu on, shu dam, Yetib keladi yordam. Barcha-barcha koʻchalar, Urishganlar nechalar. Havas bilan qarashar, Bizga kelgach yarashar.

She'rlarni ifodali oʻqing.

2. Tinchlik va ahillik koʻchasining qaysi xislatlarini bilib oldingiz?

She'rlarni yod oling.



## Oq tumshuq jasorati

Hamidulla Murodov

#### (Hikoya)

## 1

Yozning oʻrtalari. Havo dim. Yoʻl yurib charchagan Azamat oʻtovga kirib, oʻrtaga tashlangan koʻrpachaga choʻzildi: "Birozgina mizgʻib olsam". Koʻzi ilingan ekan, oʻtov yonidagi soyada yotgan Oq tumshuqning vovullashidan sergaklanib koʻzini ochdi. Erinibgina yon-atrofni kuzatdi – hech narsa koʻrinmadi. "Oq tumshuq hurib, uyqumni ham beliga tepdi-da", deb itdan oʻpkalandi ham. Keyin iltijoli ohangda "Jim boʻl, jim, Oq tumshuqjon!" – dedi. Bechora it Azamat yotgan oʻtovdan biroz naridagi supacha soyasiga borib yotdi. Lekin koʻp yotolmadi, yana ortiga qaytdi,

qattiq-qattiq irilladi. Azamat yana itni jerkib tashladi.

190



– Irillamay nari bor, charchaganman, biroz dam olay, nari bor! Bor! Bor!..

Oq tumshuq nari ketishga ketdi-yu, koʻp oʻtmay yana qaytdi. Qaytdi-yu, kela solib endi oʻtovning oʻzi boya etigini yechib qoʻygan joyiga uzala tushib yotib oldi.

– Voy, ahmoq it, nari haydagan sari oʻzim tomon yaqinlashadi-ya...

U yana noiloj oʻrnidan turdi. Itni oʻzidan nariga haydashga tutindi. Keyin oyogʻiga biron narsa kiyib olish maqsadida oʻtov eshigi tomon yurdi. It ketmadi, qaytanga Azamat itni haydashga tushsa, yonida boʻlishga intilardi. Azamat yechgan etigini kiymoqchi boʻlib etikka qoʻl choʻzdi. Oq tumshuq boʻlsa, undan oldin etikka chang solib, joyidan ancha nariga otib yubordi. Otilgan etik ancha nariga borib tushdi.

Azamat itning qiligʻi sirini tushuna olmadi, aksincha unga buyruq ohangida gapirdi.

Oq tumshuq, bor etigimni olib kel! Tez!
 Oq tumshuq boʻl...

1. Oq tumshuq nima uchun bezovta boʻldi?
2. Azamat itga qanday munosabatda boʻldi?

#### 2

r

Oq tumshuq uning gapini anglaganday etik tomon yurdi. Oldiga borganda esa bir qattiq irilladi-da, etikni qoʻnjidan emas, poshnasi tomonidan tishlab torta boshladi. Azamat qandaydir xavfni anglaganday boʻldi. "Nahotki etikda biron narsa boʻlsa?"

Nahotki degan oʻyda u qoʻliga ukalari oʻynab shu joyda qoldirishgan oʻzining choʻponlik tayogʻini oldi. Olishga oldi, birdan koʻzi etik ogʻzidan chiqib turgan boshga tushdi: "Ilon! Ilonning boshi! Ilon..." U hammasini tushundi. Ilon etik ichiga kirib olgan ekan. Agar Azamat etikni olib kiyganda bormi, hozir nima boʻlishini koʻz oldiga keltirdi. Darrov qoʻlidagi tayoq bilan etikda koʻringan ilon boshiga zarba berdi. Zarba qattiq boʻlmadi chogʻi, ilon etikdan chiqib ketish uchun bemalol oʻrmalay boshladi. Bu shu joylarda ahyon-ahyonda uch-192 rab turadigan zaharli gora ilon edi. Azamat bu gal urishda naqd boshini moʻljallab urdi. Zarba qattiq boʻldi shekilli, ilon darrov gʻujanak boʻlib olib, oʻzini himoyalashga urindi. Zarbalarning biri tegib, biri tegmasdi. Shunday boʻlsa ham u ilonning duch kelgan joyiga urar, ilon boʻlsa jon holatda vishillar, Azamatning zarbalaridan qochishga intilardi. Oq tumshuq bu zarbalarning biri ilonga tegib, boshqasi tegmay qolayotganini sezdimi, yo ilon qochib qolishni rejalaganini bilib qoldimi, bir sapchib, ilonning bo'ynidan tishlab oldi. It bir necha bor bir tishlagan joyini qayta-qayta tishladi. Oxirgi tishlaganda bir siltadi-yu, oʻzidan biroz nariga otib yubordi. Ilon borib tushgan joyida ortiq qimirlamadi. U oʻlgan edi. – E, Xudoyim-ey, bir asrabdi-da meni, – dedi Azamat it yoniga kelgach, uning boshini minnatdorlik bilan silab. - Seni jerkib-jerkib tashlaganim uchun kechir, sen... sen mening jonimni asrab qolmoqchi ekansan-a, Oq tumshug'im! Vafodor itim!..

It Azamatga qanday yordam berdi?
 Itning vafodorligini qanday baholaysiz?
 Siz uyda qanday hayvonlar parvarish qilasiz?



## Vatan haqida qoʻshiq

Ulugʻbek Hamdam

(Hikoya)

Qirrador doʻppi kiyib olgan, istarasi issiq oqsoqol bolakayning qoʻlidan mahkam ushlab olgan koʻyi mamlakatning bosh shahriga kelib tushdi. Otaxon bolajonni toʻgʻri "Xotira" maydoniga yetakladi. Ular sakkiz qirrali yulduz ichra gurullab yonib turgan olovni aylanib oʻtdilar-da, "Motamsaro ona" haykali qoshida bir muddat toʻxtab, oʻyga choʻmdilar. Bobo pichirlab duo oʻqidi, soʻng birgalashib naqshinkor ayvon tomon yurdilar.

– Vuy, anavi kitoblarni!.. – hayratini yashirolmadi bolakay.

Ha, ajoyib-a! – nabirasining zavqiga sherik boʻldi bobo ayvon devorlariga oʻrnatilgan oltinrang ulkan mis kitoblarni avaylab varaqlarkan. – Hamdamov K. 1918–1943, – oʻqidi bobo ovoz chiqarib. Keyin oʻqigan joyiga koʻrsatkich barmogʻini eltib: – Bolam, bu kishi mening otam, sening esa katta bobong boʻladi, – dedi.

 Bobo, nega katta bobo bu yerda, kitobning ichida? – soʻradi nabira qiziqib.

– Chunki u kishi urushda halok boʻlgan. Vatanimizga bostirib kirgan dushmanga qarshi jangda...

194

- Bobo, yana gapirib bering.

Bobo oʻyga toldi. Ammo hozir negadir oʻz otasi qismatini emas, balki elining uzoq tarixida yuz bergan boshqa bir voqeani hikoya gilib bergisi keldi. – Oʻshanda ham ulkan yov qoʻshini yurtga bostirib kirib, qoʻli baland keladi-da, vatandoshlarimizni qamal qilib oladi. Qamal oylab davom etgani bois, ichkarida na yegulik qoladi, na ichgulik. Axiyri, yurt xoqoni xalqiga qarab: "Nima qilaylik? Taslim boʻlib xotin-qizlarimiz jonini omon saqlab qolaylikmi yo urushib barchamiz halok bo'laylikmi?" deya murojaat qiladi. Koʻpchilik bir ovozdan "Taslim boʻlaylik, yoʻqsa, qamalda ochlik va suvsizlikdan baribir oʻlib ketamiz", deydi. Faqatgina bir temirchi yigit "Yoʻq!" deydi. U yovga taslim boʻlib, Vatan sha'nini bulgʻashdan koʻra, uni himoya qilib oʻlishni afzal koʻradi. Dushman qoʻshini tomon bir oʻzi jangga otiladi. – Keyin-chi, keyin? Jangda kim yengadi

bobo, kim? – shoshiradi boboni nabirasi.

- Albatta, vatandoshlarimiz, turonliklar! Oʻsha temirchining ismi Turon edi. Turonliklar sen bilan mening bobolarimiz, momolarimiz boʻlgan, bolam.

Bobo hikoyasini tugatgandan soʻng, uzoq muddat sukutga cho'mdi. Bolaning bo'lsa, nigohlarida hayrat qotib qolgandi. Birpas oʻtib, bobo yana davom etdi:

195

– Bu – Vatan haqida qoʻshiq boʻladi, bolam. Uni yodlab olgin-u, aslo unutmagin. Kun kelib esa, uni hikoya qilib berish gali senga yetadi.



1. Bobo nabirasiga qanday voqeani hikoya 🚺 qilib berdi?

2. "Bu – Vatan haqida qoʻshiq boʻladi, bolam. Uni vodlab olgin-u, aslo unutmagin", deganda nimani angladingiz?

## Mav dasturxoni

Chalib nog'ora, karnay, Dasturxon yozibdi may. Mehmonlari bir talay Kelishsin-da kechikmay.

Sim qoqibdi qulupnay, Olchaga der: "Aylanay, Boramizmi bazmga? Gilosxon yonimda shay!"

Tut to'kilibdi tap-tap, Dovcha kelibdi sakrab. O'rik. olma sal shoshib. Borar daraxt, bog' oshib.

Bodringjon va rediska Yoʻl yuribdi har kecha. Sabzi, piyoz, bulg'ori Sabzavotlar ilg'ori.

Go'zal Begim

Koʻk koʻylak kiygan karam Etagi par-par biram. Pomidor kartoshkaga Der: "Hammadan men koʻrkam".

Qovun, tarvuz palakda, Anor xola pinakda. Uzum "oh" tortib qoʻyar, Mayning tirnogʻin boʻyar.

Barcha izzat-ikromda Qozonxon-u likopda. Etakchasin taqib may, Xizmat qiladi tinmay.

1. She'rni ifodali oʻqing.
2. She'rda mevalar, sabzavotlar, poliz ekinlari haqida nimalar deyilgan?

## Boʻlim yuzasidan takrorlash

1. "Bolakaylarning yuzlarida quyosh porlardi, quyosh! desam, ularning sevinchlarini aniqroq ifodalagan boʻlaman". Bu jumla qaysi hikoyada uchraydi?

2. Koʻchalar ta'rifi qaysi shoir ijodida uch-raydi?

3. "Oq tumshuq" hikoyasida it egasini qanday qutqarib qoldi?

4. "Chin doʻst" mavzusida matn tuzing.



## YOZ - O'TADI SOZ



Yoz zavqi

Ravshan Isoqov

Yoz boshqacha-da. Nega deysizmi? Axir oʻquvchilar oʻquv yilini tugatib, eng katta ta'tilga chiqishadi-da.

Yozda ertalabdanoq quyosh qizdira boshlaydi. Kunlar uzundan uzun, tunlar bir tutam – qisqa boʻladi. Bogʻlarda mevalar pishadi. Polizlardagi pishiqchilikni aytmaysizmi?

Yoz bizning oʻlkamizda issiq boʻlsa ham, nega unda bolalar yozni yoqtirishadi? Chunki ta'til paytida bolalar goʻzal tabiat quchogʻida joylashgan oromgohlarda, togʻ yonbagʻirlarida 198 miriqib dam olishib, kuch-gʻayratga toʻlib, sentabrda yana maktabga qaytishadi.

Yozda yana suvlar iliq boʻladi. Bunday suvlarda, ayniqsa, togʻlardan oqayotgan zilol, muzdek suvlarda choʻmilish maza-da! Koʻl va anhor boʻylari, choʻmilish havzalari shoʻx va shodon bolalarning begʻubor qiyqiriqlariga toʻlib ketadi. Istirohat bogʻlari har qachongidan gavjum boʻladi. Turli atraksionlarda uchib, muzqaymoq yeyishga nima yetsin.

Yoz oqshomlarida hech osmonga qaraganmisiz? Yulduzlarning koʻpligini...

Bunday tunda hovlida, ariqchadan shildirab oqayotgan suvning qoʻshigʻiga quloq tutib, xayol surib yotish, shirin orzularga berilish qanday maza-ya!

1. Bolalar yozni nima uchun sevishadi? 2. Siz yozgi ta'tilni qanday oʻtkazmoqchisiz?

\*

Hayvonot olamiga sayohat

Sharifa Salimova

## Gorilla

Haybatimdan hurkadi ot, Oʻrmon ketar zirillab. Atrofimda shimpanzelar Xizmat qilar pirillab. Maymunchalar shoʻxlik qilsa, Pand-nasihat qilaman.

199

Bezorilik qilganlarning Jazosini beraman. U daraxtdan bu daraxtga Qushdek uchib yuraman. Yiqilmasin bolajon deb, Kaftim tutib turaman. Salqin oʻrmon, toza havo Mening jon-u dilimdir. Bilsang bolam, sogʻlom yashash Eng sehrli ilmdir.



## Sher

Sher tilida sherlar bilan Soʻyla, bolam. Erkalanib shamol bilan Oʻyna, bolam. Endi-endi kuchga toʻlib Bormoqdasan. Bir zarb bilan oʻljang tortib Olmoqdasan. Soʻzim shulki, ajdoding kim, Oʻyla, bolam Shaqallarni oʻrmoningga Qoʻyma, bolam.

- 1. She'rni ifodali oʻqing.
  - 2. Siz hayvonot bogʻiga borganmisiz?
  - 3. Yovvoyi hayvonlardan qaysilarini bilasiz?



borganmisiz? qaysilarini bilasiz?



## llonchaning tugʻilgan kuni

Shukrullo Abdullayev

#### (Ertak)

Bugun Iloncha yana-da xushchaqchaq. Chunki bugun uning tugʻilgan kuni. U har kungi odatiga koʻra, tonggi badantarbiyani boshladi. Bir u tomonga, bir bu tomonga bilanglab, "Bir-ikki, bir-ikki", deb mashq qildi. Kulcha bo'lib, u yoqdan bu yoqqa dumaladi. Oxirida chinigish uchun yonidan ogib oʻtayotgan anhorga bir shoʻngʻib chiqdi. "Sogʻ tanda – sogʻlom aql", deb qoʻydi u oʻziga oʻzi. Shu vaqt ortidan doʻstlarining joʻr boʻlib aytgan "Tabriklaymiz! Tabriklaymiz!" – degan xitoblarini eshitdi. Bir vaqt ortiga qarasa, doʻstlari erkatoy to'tiqush Ruri-Ruri, sergap maymuncha Moli-Moli, chopqir shalpangquloq quyonvoy Chopi-Chopi, rahmdil tipratikan Tipa-Tipa, tinibtinchimas mitti olmaxon Saki-Saki qoʻllarida moʻjazgina sovgʻalari bilan turishardi.

Do'stlarim, sizlarni ko'rganimdan bag'oyat shodman, – deya Iloncha quvonib ketdi.
 Shundan so'ng Ilonchani tabriklash marosimi boshlandi. Do'stlar navbat bilan kelib, Ilonchaga o'zlarining sovg'alarini tuhfa eta boshla-dilar.

– Doʻstim, – dedi toʻtiqush Ruri-Ruri gapini dona-dona qilib, – sen uchun oʻrmondagi kitob doʻkonidan "Ertaklar olami"ni alohida tanlab oldim. Buni oʻqigach, sen ulgʻayib, eng donishmand ilonga aylanasan.

– Rahmat, – dedi Iloncha, – qiziqarli ertaklarni juda-juda yaxshi koʻraman. Biroq hali oʻqishni bilmayman-ku.

– Hech-qi-si yoʻoʻq! – dedi toʻtiqush Muri-Muri gapni choʻzib gapirgancha, – senga hammamiz bir boʻlib, oʻqishni oʻrgatamiz.

– Bu senga, – dedi sergap maymuncha Moli-Moli Ilonchaga bir juft krossovka uzatarkan.

Zoʻr-ku, – dedi lloncha sovgʻadan koʻzi quvnab, – men xuddi shunaqasini orzu qilar-dim. Ayniqsa, bunda sport bilan shugʻullanish yanada zavqli. Rahmat senga, doʻstim.



– Mana bu koʻzoynakni taqsang, haqiqiy koʻzoynakli ilonchaga aylanasan va dono boʻlib koʻrinasan, – deya chopqir shalpangquloq quyonvoy Chopi-Chopi sovgʻasini uzatdi.

Koʻzoynakning chiroyliligini qara. Shu bilan birga, bu koʻzlarimni oftobdan ham himoya qiladi, – dedi Iloncha shodon boʻlib.
Tugʻilgan kuning bilan tabriklayman. Olgin-u, oldirma, nasibangni yerda qoldirma. Choʻmilib, oftobda toblanayotganingda mana bu soyabon senga rosa kerak boʻladi, – deya rahmdil tipratikan Tipa-Tipa Ilonchaga soyabon sovgʻa qildi.

Mana buni haqiqiy sovgʻa desa boʻladi, –
 xursand boʻlib ketdi lloncha. – Bu meni yomgʻir va qordan, quyosh nuridan himoya qiladi. Endi men soyabon ostida doʻstlarim bilan yomgʻir yogʻayotganda ham kitob oʻqishim mumkin.

Olmaxon Saki-Saki Ilonchaga olib kelgan qoʻlqopni tuhfa qildi:

 Do'stim, bu qo'lqop seni sovuqdan asraydi.

– Rahmat, kuyunchak doʻstim olmaxon, sovgʻangdan boshim koʻkka yetdi.

lloncha bu damlarda gʻoyat shod edi. Bunga sabab, avvalo, tugʻilgan kuni, keyin esa barcha doʻstlari uning yonida ekanligi koʻnglini quvonchga toʻldirardi.

203

Shu vaqt osmondan Turnavoyning "qur-qur"i eshitildi. U Ilonchaga tumshugʻida kattakon bir tortni olgancha uchib kelardi.

– Iloncha, tugʻilgan kuning qutlugʻ boʻlsin!
 Oramizdagi doʻstlik aslo yoʻqolmasin, – deya
 Turnavoy Ilonchani qutladi.

 Rahmat, Turnavoy, – dedi Iloncha, –
 men bugun juda ham baxtiyorman. Chunki mehribon do'stlarim davrasidaman. Mana qara, sen kabi do'stlarim menga ajoyib sovg'alarni olib kelishdi, – deya Iloncha Turnavoyga do'stlarining sovg'alarini ko'rsata boshladi.

1. Ertakni rollarga boʻlib oʻqing.

2. Ilonchaga doʻstlari qanday sovgʻalar olib kelishdi?

#### 2

 Mana bu ertaklar kitobini, erkatoy toʻtiqush Ruri-Ruri tuhfa qildi. Toʻgʻri, men hozir oʻqishni bilmayman. Ammo siz – doʻstlarim, menga oʻqishni oʻrgatasiz. Shundaymi?!

 Albatta! – deyishdi barchalari joʻr boʻlib.
 Mana bu krossovkani sergap maymuncha Moli-Moli sovgʻa qildi. Buni men kiyib, miriqib futbol oʻynayman. Chunki u bilan rosa tez chopaman...

lloncha shunday dedi-yu, krossovkani oyoqlariga kiymoqchi boʻldi, ammo u oyoqlari yoʻq-204 ligidan xijolat tortib qoldi. Hamma jim boʻlib qoldi. Quyonvoy shu vaqtda llonchaning koʻnglini koʻtarishga kirishdi:

 – Iloncha, toʻgʻri, sen tez chopolmasliging mumkin. Ammo sen shiddat bilan oʻrmalaganingda, hatto mendek chopagʻonni ham ortingda qoldirib ketasan.

Barcha doʻstlar Quyonvoyni qoʻllab, llonchaning koʻnglini koʻtarishdi.

Ilonchaning bundan chiroyi yorishib ketdi. – Quyonvoy, – dedi shunda Iloncha, – gaping toʻgʻri. Kel, yaxshisi, shu krossovkani senga sovgʻa qilay. Sen buni kiyib astoydil shugʻullanasan, sendan umidimiz katta, sen yugurish boʻyicha hali oʻrmon chempioni boʻlishing lozim.

 Mayli, sen aytgancha boʻla qolsin, –
 dedi Quyonvoy. – Ammo shuni bilib qoʻy, men oʻrmon chempioni boʻlib tanilib ketganimdan soʻng birinchi boʻlib senga dastxat beraman, xoʻpmi?!

Quyonvoy krossovkani kiyib, u yoqdan bu yoqqa yugurib koʻrdi va "Juda qulay!" – deya qoʻshib qoʻydi.

 Mana bu koʻzoynak Quyonvoyning sovgʻasi, – dedi xursand boʻlib Iloncha. Shu damda u koʻzoynakni taqmoqchi boʻldi. Shunda oʻylanib qoldi: "Koʻzoynak taqish uchun

205

quloqlar boʻlishi kerak. Ammo menda ular yoʻq. Shu sababli uni Maymunchaga sovgʻa qilganim yaxshi".

– Men bu koʻzoynakni Maymunchaga sovgʻa qilaman, – dedi saxiy Iloncha. – U koʻzoynak taqib, daraxtlar ustida oʻtiradi va uzoqdan kimlar kelayotganligini bizga aytib turadi.

Sergap maymuncha Moli-Moli koʻzoynakni taqib u yoniga, bu yoniga, tepaga qaradi va tishlarini chiqarib, lunjini shishirib, chapak chalib kuldi.

Tipratikan unga qarab:

– Qoyil, naq professorning oʻzi boʻlding! – dedi.

– Mana bu soyabonni Tipratikan olib keldi, ammo men uni koʻtarib yurolmayman. Chunki astoydil oʻrmalagan chogʻimda soyabonni tutib turolmayman. Shu sababli soyabonni Olmaxonga sovgʻa qilaman. Olmaxon ba'zan yongʻoqlarni terayotganda yomgʻir quyib yuboradi.

Bu bilan u yomgʻirda ham bemalol yongʻoq teraveradi.

Olmaxon bundan xursand boʻlib, shoxlar ustida dikir-dikir oʻyinga tusha boshladi:

– Endi mening ham soyabonim bor!

– Mana bu qoʻlqopni Olmaxon sovgʻa qildi. Buni Tipratikanga beraman. Chunki u turli 206 mevalarni oʻrmondan terib kelib, barchamiz uchun shirin murabbolar tayyorlaydi.

Unga shirinliklarni tayyorlashda mana bu kabi nozik va ixcham qoʻlqopcha kerak.

- Iloncha, aslida biz sening tugʻilgan kuningga sovgʻalar olib kelgandik, biroq bunchalar koʻp hadyalar bilan uyga quvonib ketish xayolimizga ham kelmagan ekan. Aytganingdek, sen bergan qoʻlqopcha orqali mevalardan shirin murabbolar tayyorlayman.

- Xullas, do'stlarim, endi navbat Turnavov olib kelgan tortga! – dedi iloncha.

Ha, bunday antiga tugʻilgan kunni shu vaqtgacha hech kim koʻrmagan ekan.

Chunki tugʻilgan kunga doʻstiga sovgʻa koʻtarib borgan mehmonlar oʻz uylariga oʻzgacha tuhfalar bilan qaytibdilar. Bu kunni koʻp yillardan beri oʻrmon jonzotlari bir-birlariga gapirib yurisharkan.

1. Ertakdan qanday xulosaga keldingiz? 2. Ertak qahramonlarini rasmda aks ettiring.

## O'quvchilar oromgohida



Bahodir dam olishga Ketmoqda edi. Kuchukchasi:

"Vov... Men ham Boraman". dedi. Ola ketdi bolakay, Do'stini birga. Tushda yetib borishdi Koʻm-koʻk adirga. Bahodirni e'zozlab. Kutib olishdi Kuchukni ham tez kunda Sevib golishdi. Chunki qoʻshiq mashq qilsa, Bolalar agar Akillardi joʻr boʻlib, Quvnoq Olapar. Goh hammaga qoʻshilib, Oʻynardi futbol. U yoki bu tomonga Urar edi gol. Shaxmatga ham ozmi-koʻp Yetardi fahmi – Koʻp yutqazgan bolaga Kelardi rahmi. Sanalardi sayilda Jasur safboshi. Boshqalardan qattiqroq Edi bardoshi. Turar edi qatorga Tizilganda saf.

Ovqat haqda gap ketsa, Yalar edi lab. Bo'vsunardi tartibga. Chalinsa gorn Darrov soʻri ostidan Olardi oʻrin Uni maqtar edilar Qorovul, farrosh: Buncha esli boʻlmasa!.. Bunchayam yuvosh!.. Yangi doʻstlar topib u, Edi shod-xurram. Afsus, o'tib ketarkan Tezda bir oy ham. Ketar payti xushlashib Qoldi bolalar: Seni eslab yuramiz...

- Xayr, Olapar!

1. She'rni ifodali oʻqing.

- 2. Bolalar oromgohda qanday dam oldilar?
- 3. Nima uchun bolalar Olaparga "Seni eslab yuramiz", deyishdi?
- 4. Siz yozgi ta'tilni qanday o'tkazmoqchisiz?



## MUNDARIJA

## Biz buyuk yurt farzandimiz

Vatan madhi. Orif Toʻxtash	3
Yurtim jamoli. Dilshod Rajab	4
Yangi uy. Hamidulla Murodov	6
Vatan desam Ulugʻbek Hamdam	8
Opa-singil daryolar. Goʻzal Begim	9
Obod mahalla boʻylab. Kavsar Turdiyeva	12
Vatanni tanish. Muhabbat Hamidova	13
Savollarga javoblar. Xolmurod Safarov	15
Yaxshilik ketidan yaxshilik keladi. Xudoyberdi Toʻxtaboyev	16
Boʻlim yuzasidan takrorlash	18

#### Saxovatli kuz

Kuz saxovati. <i>Sharifa Salimova.</i>	19
Uzumlar oilasi. <i>Tolib Yoʻldosh</i>	20
Olma. <i>Mahmud Murodov</i>	22
Fasllar. <i>Ravshan Isoqov</i>	24
Bobur va kabutar. <i>(Rivoyat</i> )	25
Oʻqituvchining oʻgitlari. <i>Anvar Obidjon</i>	27
Xazonchinak. Oʻtkir Hoshimov	28
Hosil bayrami. <i>Zahro Hasanova</i>	30
Ilmli ming yashar. <i>Nurmat Maqsudiy</i>	31
Oltin kuzim. <i>Poʻlat Moʻmin</i>	33
Qizcha va qargʻalar. <i>Normurod Norqobilov</i>	34
Boʻlim yuzasidan takrorlash	
210	

#### Maktabim – qutlugʻ makonim, Kitobim – buyuk imkonim

Kitob, mening doʻstimsan. <i>Zafar Diyor</i>	37
Vaqting ketdi – naqding ketdi. <i>Kavsar Turdiyeva</i>	38
Donishmand quyon va kichkintoy jirafa. Faxriddid Hayit	42
Ona tilim. <i>Tursunboy Adashboyev</i>	43
Unutilmas bayram. (Hikoya). Erkin Malikov	45
Xoʻroz nega uchmaydi. <i>Zulfiya Moʻminova</i>	46
Hisobda adashgan bola. ( <i>Hikoya</i> ) Zamira Ibrohimova	49
Chalavoyning toʻla tushi. Olqor Damin	52
Jumboq hikoya. <i>Muhabbat Hamidova</i>	54
Boʻlim yuzasidan takrorlash	55

#### Hunar – hunardan rizqing unar

Hunarni sev. Tolib Yoʻldosh	56
Bahs. <i>Sunnatilla Anorboyev</i>	57
Mohir qoʻllar qoʻshigʻi. <i>Tolib Yoʻldosh</i>	60
Ilmning omonati <i>. (Rivoyat)</i>	61
Bordir kulol amakim. <i>Obid Rasul</i>	62
Bobongiz xafa boʻlsalar maylimi? <i>Mirzakalon</i> Ismoiliy	64
Oʻn tilla mukofot haqida ertak. Anvar Obidjon	66
Gʻoz – hunaring oz. <i>Sobit Gʻafurov</i>	69
Boʻlim yuzasidan takrorlash	71

## Goʻzal qish manzarasi

Kumush fasl. Zikrilla Ne'mat	72
Qor alyori. <i>Dilshod Rajab</i>	74
Chana. Otkir Hoshimov.	75
Qish ham chiroyli. <i>Quddus Muhammadiy</i>	77
Bosh qomus kitobimiz. Dilshod Rajab	79
Qish ertagi. Aziza Ahmedova	80
Laylak qor. <i>Orif Toʻxtash</i>	85

Qish boʻlmasa-chi? Yayra Sa'dullayeva	86
Momiq qor. <i>Poʻlat Moʻmin</i>	
Qorparcha. <i>Oydinniso</i>	89
Ayamajiz. <i>Qudrat Hikmat</i>	
Qorboboga elektron maktub. Zamira Ibrohimova	94
Yangi yil archasiga. <i>Dilfuza Komoljonova</i>	96
Boʻlim yuzasidan takrorlash	97

## Vatan himoyachilari

Vatanimga xizmat qilaman. <i>Zikrilla Ne'mat</i>	. 98
Balli buva. <i>Yusuf Fayzullo</i>	. 99
Bugun bolasiz, ertaga askar boʻlasiz <i>(Suhbat)</i>	101
Sport maktabi. Anvar Obidjon	103
Bobonur. <i>Safar Barnoyev</i>	104
Notinch mamlakatlarda. Zahro Hasanova	106
Vatan himoyachisi. <i>Shukrullo Abdullayev</i>	107
Boʻlim yuzasidan takrorlash	109

# Ulugʻlardan oʻrganmoq – oqillik

,Qutadgʻu bilig" hikmatlari	110
Jaloliddin Manguberdi. <i>Mirkarim Osim</i>	111
Buyuk bobomizning buyuk himmatlari.	
Xudoyberdi Toʻxtaboyev	112
Alpomishning bolaligi. <i>(Ertak)</i>	115
Soʻnggi damgacha. <i>Abdusodiq Irisov</i>	117
bn Sinoning shogirdlari. (Rivoyat)	118
Bolari bilan pashsha. <i>Abdulla Avloniy</i>	120
Donolarning donosi. <i>Abduqodir Hayitmetov</i>	121
Bolam. <i>Berdaq</i>	123
Baxilning yomonligi <i>(Rivoyat)</i>	
Lol boʻlgan tulki. <i>Yamin Qurbon</i>	125
Sayilda. <i>Mirzo Karim</i>	126
Boʻlim yuzasidan takrorlash	127

#### Xalq ogʻzaki ijodi

#### Oʻyin qoʻshiqlari

	_
Chillak 128	8
Chittigul 129	9
Arra-marra	0
Maqollar	1
Topishmoqlar 132	2
Qush ini. (Rivoyat) 133	3
Halollik. (O'zbek xalq ertagi) 13	5
Donishmand yigit. (O'zbek xalq ertagi) 13	7
Ahillik - ulugʻ baxt. (Qirgʻiz xalq ertagi) 139	9

#### Zumrad bahor nafosati

Siz bunga qodirsiz. Yusuf Fayzullo	141
Bahor yaqin. <i>Zafar Diyor</i>	143
Oyijonlar, onalar. <i>Kavsar Turdiyeva</i>	144
Tabiat bilan suhbat. <i>(Rivoyat)</i>	145
Bahor keldi. <i>Quddus Muhammadiy</i>	147
Varrak. Yoʻldosh Shamsharov	148
Soy suvi haqida ertak. Zohir A'lam	151
Bogʻim. Habib Rahmat	152
Beminnat yordam. <i>(Rivoyat)</i>	153
Navroʻz keldi. <i>Dilshod Rajab</i>	154
Boʻlim yuzasidan takrorlash	155

#### Jahon bolalar adabiyoti

Myunxauzenning boshidan kechirganlari. Erix Raspe	156
Moychechak. <i>Tavfiq Fikrat</i>	160
Uch aka-uka va baxt. <i>Ilvira Daukayeva</i>	161
Kasblarning rangi qanaqa? Janni Rodari	165
Pinokkioning sarguzashtlari. Karlo Kollodi	166
Anbe va Ranbe. (Hind xalq ertagi)	170
Bahs. Anvarbek Duysinbiyev	173
Mittivoy va Karlson. Astrid Lindgren	174

Dogʻda qolgan d	arg'a. <i>(Laos</i>	xalq ertagi)	
Boʻlim yuzasidar	۱ takrorlash		

## Tinchlik va doʻstlik boʻlsin barqaror

Tilak. <i>Faxriddin Hayit</i>	181
Koʻprik ustidagi doʻst. <i>Ulugʻbek Hamdam</i>	182
Inson insonga oʻrtoq. <i>Hamidulla Yoqubov</i>	186
Doʻstlikning bahosi. <i>"Tarbiya kitobi" dan</i>	187
Tinchlik koʻchasi. <i>Kavsar Turdiyeva</i>	189
Ahillik koʻchasi. Kavsar Turdiyeva	189
Oq tumshuq jasorati. Hamidulla Murodov	190
Vatan haqida qoʻshiq. <i>Ulugʻbek Hamdam</i>	194
May dasturxoni. <i>Goʻzal Begim</i>	196
Boʻlim yuzasidan takrorlash	197

#### Yoz - oʻtadi soz

Yoz zavqi. <i>Ravshan Isoqov</i>	198
Hayvonot olamiga sayohat. Sharifa Salimova	199
llonchaning tugʻilgan kuni. Shukrullo Abdullayev	201
Oʻquvchilar oromgohida. Anvar Obidjon	207

#### Umarova M.

81.2-93Oʻqish kitobi [Matn] : 3- sinf uchun darslik / M. Umarova,Oʻ 97X. Xamrakulova, R. Tojiboyeva; mas'ul muharrir U. Hamdamov.4-nashri. – Toshkent : "Oʻqituvchi" NMIU, 2019. – 216 b.ISBN 978-9943-22-349-3

UOʻK: 373.3.016:821-82(075.2) KBK 81.2-93

#### MUHABBAT UMAROVA XURSHIDA XAMRAKULOVA RA'NO TOJIBOYEVA

#### O'QISH KITOBI

Umumiy oʻrta ta'lim maktablarining 3- sinfi uchun darslik

4-nashri

"Oʻqituvchi" nashriyot-matbaa ijodiy uyi Toshkent — 2019

Muharrir *Z. Inyaminova* Badiiy muharrir *Sh. Toshturdiyev* Texnik muharrir *N. Niyozmuhamedova* Musahhih *E. Najimova* Kompyuterda sahifalovchi *Sh. Ahrorova* 

Nashriyot litsenziyasi AI № 012. 20.07.2018. Original-maketdan bosishga ruxsat etildi 29.04.2019. Bichimi 70×901/<sub>16</sub>. Kegli 14 shponli. AG Helvetika garniturasi. Ofset bosma usulida bosildi. Ofset qogʻozi. Shartli b. t. 15,79. Hisob-nashriyot t. 9,7. Adadi 64 083 nusxa. Buyurtma №

Oʻzbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligining "Oʻqituvchi" nashriyot-matbaa ijodiy uyi. Toshkent — 206, Yunusobod tumani, Yangishahar koʻchasi, 1- uy. Shartnoma № 234 – 18

#### ljaraga beriladigan darslik holatini koʻrsatuvchi jadval

T/r	Oʻquvchining ismi va familiyasi	Oʻquv yili	Darslik- ning olingan- dagi holati	Sinf rahbari- ning imzosi	Darslikning topshiril- gandagi holati	Sinf rahbari- ning imzosi
1						
2						
3						
4						
5						

Darslik ijaraga berilib, oʻquv yili yakunida qaytarib olinganda yuqoridagi jadval sinf rahbari tomonidan quyidagi baholash mezonlariga asosan toʻldiriladi:

Yangi	Darslikning birinchi marotaba foydalanishga berilgandagi holati.
Yaxshi	Muqova butun, darslikning asosiy qismidan ajralmagan. Barcha varaqlari mavjud, yirtilmagan, koʻchmagan, betlarida yozuv va chiziqlar yoʻq.
Qoniqarli	Muqova ezilgan, birmuncha chizilib, chetlari yedirilgan, darslikning asosiy qismidan ajralish holati bor, foy- dalanuvchi tomonidan qoniqarli ta'mirlangan. Koʻchgan varaqlari qayta ta'mirlangan, ayrim betlariga chizilgan.
Qoniqarsiz	Muqova chizilgan, yirtilgan, asosiy qismidan ajralgan yoki butunlay yoʻq, qoniqarsiz ta'mirlangan. Betlari yirtilgan, varaqlari yetishmaydi, chizib, boʻyab tashlan- gan. Darslikni tiklab boʻlmaydi.

Oyi, mashina ipingizni berasizmi? – soʻradi Rashid.

Oyisi bosh chayqab jilmaydi-da:

– Burgutday qanotini kerib turishini qaranglar. Mana buni varrak desa boʻladi! – deb yubordi.

Rashidning "burgut"i balandlab, asta tebranib uchardi. Shoxidagi qizil kokillari pirpirardi, uzun dumi u yoqdan bu yoqqa tebranar edi. Rashid "iching kuysin" deganday, Darozga qarab-qarab qoʻyardi.

Rashidning varragi osmonga koʻtarilishi bilan bolalar yugurib kelishdi. Varrakni birga uchirdilar. Hamma bolalar xursand. Daroz-chi?

Kech kirib, qorongʻi tusha boshlaganda, bolalar birin-ketin varraklarini tushira boshladilar. Bugun bolalar Darozga emas, Rashidga ergashdilar.

Rashid uchun eng quvonchlisi shu boʻldiki, 26-mart kuni poytaxtimizda "Varraklar bayrami" Respublika koʻrik-tanlovi oʻtkazildi. Rashid varragi bilan tanlovda qatnashdi. Uning varragi tanlovda birinchi oʻringa loyiq topildi.



Nima uchun bolalar Rashidga ergashdilar?
 Daroz bolaga qanday baho berasiz?
 Rashid nimadan quvondi?
 Hikoyani rollarga boʻlib oʻqing.

# Soy suvi haqida ertak

Zohir A'lam

Bir bor ekan, bir yoʻq ekan, qadim zamonda bir dehqon boʻlgan ekan. U bolachaqasi bilan togʻning etagiga kelib joylashibdi. Togʻning usti daraxtzor ekan, yonidagi soydan sharqirab suv oqar ekan.

Dehqon darrov toʻrt tanobcha yerni haydabdi, soydan suv olib sugʻorib, ekin ekibdi. Keyin esa togʻdagi daraxtlarni kesib, uy quribdi. Hovli tevaragini chetan devor bilan oʻrab olibdi. Daraxtlarning ancha-munchasini bozorda pullabdi. Shu orada bir yil oʻtibdi.

Kelasi bahorda dehqon ekin ekib, sugʻormoqchi boʻlgan ekan, qarasa, soyda suv yoʻq emish. Dehqon soyga:

 Soy, menga suv ber. Ekinimni sugʻoray, – debdi.

 Men suvni senga qayerdan olib beraman? Yaxshisi, qordan soʻra, – javob qilibdi soy.
 Dehqon qorning oldiga boribdi.

– Ey, qor! – debdi. – Sen soyga suv ber. Men ekinimni sugʻoray.

Bu gapni eshitib, qorning achchigʻi kelibdi va:

 Men bu yil me'yorida yog'dim. Lekin namni ushlab turadigan daraxtlarni o'zing kesib ketding. Daraxt bo'lmasa, qishda yog'gan qor

bahorda erib, oqib ketadi. Soyga suv kelmaganiga oʻzing aybdorsan, – debdi. Dehqon oʻylab turib, qorning gapi rostligiga ishonch hosil qilibdi. Bir talay koʻchat keltirib, togʻga ekibdi. Ular tezda oʻsib, katta-katta daraxtlarga aylanibdi.

Shundan keyin soydan yoz boʻyi suv oqadigan boʻlibdi. Dehqon esa xohlagan paytda ekinini sugʻorib, ulardan moʻl hosil olib, farovon hayot kechiribdi.

1. Nima uchun soyning suvi qurib qolibdi? 2. Dehqon nimalardan suv soʻrabdi?

3. Qorning dehqonni ayblab aytgan gaplarini matndan topib, oʻqib bering.

4. Yozuvchi ertak orqali nima demoqchi?

# **Bog**'im



Habib Rahmat

Dunyoni bogʻ etishni Orzu qilar odamlar. Daraxt ekish sirlarin Oʻrgatdilar dadamlar.

Oʻyib bir gaz chuqurcha Nihol ekdim avaylab, Parvarish qildim dildan Unga mehrimni boylab.

Koʻkka choʻzib qomatin Quloch yozar shoxlari.



Oʻsishidan zavqlanib, Yana mehr boyladim. Chaman boʻlib koʻrindi Har bir daraxt, har bir shox. Koʻring qanday chiroyli Oʻzim bunyod qilgan bogʻ.

- 1. She'rda qaysi fasl tasvirlangan?
  - 2. She'rda nima haqida gap boradi?
  - 3. Dadasi bolasiga nimani o'rgatdi? Shu o'rin-
  - ni topib oʻqing.
  - 4. Bola nimadan xursand bo'lmoqda?



# Beminnat yordam

# (Rivoyat)

Bir kuni bogʻbon bir nechta terak ekdi. Ular tezda boʻy choʻzib oʻsa boshladi. Teraklarning yonginasidan tok ko'karib chigdi. Unina bo'yi cho'zilib, barglari kundan kunga ham bordi. Lekin tok novdasi nimion bo'lkoʻpava – qanliqi uchun ustida u ver votardi. Teraklardan birining tokka rahmi kelib, uning poyasini shoxiga ilib verdan koʻtardi. Tokning bagʻriga shamol tegib, yanada tezrog oʻsa boshladi. Tok novdasi oʻsgan sari terakka koʻproq chirular galin do'st bo'lib mashar edi. Tez orada qoldilar. Bir kuni bogʻbon kelib, terakka chiroʻsayotgan tokni koʻrdi va: "Oʻzi mashib chiqgan tok bu yil mevaga kiribdi. Terakka go'- shilib balandlab ketsa, mevasini yigʻish qiyin boʻladi", – deb terakning yuqori shoxlarini kesib qoʻydi. U bilan bir kunda ekilgan teraklar unga qarab:

 Mana shu tokka oʻralashib, pastda qolib ketding, tashla uni, bizga oʻxshab yuqoriga intil, – deyishdi. Lekin terak doʻstini tashlab oʻsishga koʻzi qiymadi. Chunki uning boʻyi baland boʻlmasa ham, doʻstiga va odamlarga foydasi tegayotganidan xursand edi.

Ey farzand, shunday odamlar borki, oʻzlari koʻzga tashlanmasalar-da, qoʻldan kelgan barcha yordamlarini ayamaydilar.

?

1. Terak va tok qanday do'stlashdi?

Siz bu doʻstlikka qanday baho berasiz?
 Daraxtga chirmashib oʻsadigan qanday oʻsimliklarni bilasiz?



# Navro'z keldi

Dilshod Rajab

Navroʻz keldi, xush keldi, Dala toʻla ish keldi. Dehqon bobo qalbiga Gʻayrat keldi, joʻsh keldi. Jilgʻa chopar chuldurab, Bulut goho guldurab, Yomgʻir quyar shovullab, Lola chiqar lovullab. Qirda vonar lolalar. Qirga chopar bolalar. Sho'x yellarga soch chavib, Birga chopar bolalar. Qanot yozgan burgutday Kengaygan gir-dalalar. Ertaklarda topilmas pallalar! ajovib Bu Navroʻzi olam keldi. chaman keldi. Baxtimiz Elga ham bayram keldi. keldi! Dilga ham bayram 1. She'rni ifodali oʻqinq. 2. She'rda bahor faslining gaysi davri tasvirlangan? 3. "Navro'z keldi" she'ri asosida rasm chizing. She'rni vod olina. Boʻlim yuzasidan takrorlash

1. Boʻlimdagi qaysi asarlarda bahor manzarasi tasvirlangan?

2. Tabiatga boʻlgan munosabatingizni bildirina.

milliy oʻyin va an'analar haqida 3. Bahorgi bering. avtib

kelishi bilan dala va 4. Bahor bogʻlarda qanday oʻzgarishlar boʻladi?

5. "Oʻlkamizda bahor" mavzusini ogʻzaki bayon giling.





Myunxauzenning boshidan kechirganlari Erix Raspe

# 1. Oyga birinchi sayohat

Turkiyada poliz koʻkatlaridan boʻlgan bir oʻsimlikni eslab topdim. U juda tez oʻsar, hatto ba'zan xuddi osmongacha yetar edi.

Bu Turkiya loviyalari edi. Bir daqiqa ham hayallamasdan, shu loviyalardan birini ekdim. U shu ondayoq oʻsa boshladi.

U faqat yuqoriga qarab oʻsaverdi va tez kunda Oyga chirmashdi!

– Qoyil!!! – dedim-da, shoxlariga tirmashib, yuqoriga chiqaverdim.

Bir soatdan keyin oʻzimni Oyda koʻrdim. Oyda kumush boltamni koʻp axtardim, uni topish oson boʻlmadi. Oy ham kumush, bol-156

kumush boʻlgani rangda sababli tacha ham kumush koʻrinmas. kumushda ekan. Ammo axivri boltachani bir to'da chirigan poxol ustopdim. Xursand boʻlib uni tidan kamarimga oldim va Yerga qaytmoqchi aistirib boʻldim. boʻlib chiqdi: Biroq ish boshqacha lovivaning povasi guyosh issigʻidan qovjirab. uzilib-uzilib ketibdi. Buni koʻrgach, gattig xafa boʻldim.

Nima gilish kerak? Nima gilsam ekan? Na-Yerga gaytolmasam? Nahotki hotki men um-Oyda qolsam? Voy, boricha voʻq! rim Aslo bo'lmaydi! Noiloj poxol yoniga oʻtirib olib. undan argon yasay boshladim. Argon koʻnailboʻlib chiqmadi, dagidek lekin uzun nachora! Chap qoʻlimga boltachani, oʻng qoʻlimga arushlaganim holda sirgʻalib, pastga qonni tushaverdim.

Tez argon ham tugab goldi, orada men boʻlsam bilan yer oʻrtasida, havoda osmon osilib goldim. Bu juda goʻrginchli hol edi Lekin pisand gilmadim. Uzog oʻvlab turmasboltachani oldim dan. va argonning pastki mahkam yopishib turib, yuqorigi uchini uchiga kesdim va uni pastki uchiga uladim. Shunday gilib, yerga yaginlashdim. Lekin yerga tushishhali ham anchagina masofa bor edi. qa Argonning yuqori uchini koʻpgina marta ke-

sib, pastki uchiga bogʻlashga toʻgʻri keldi.

Nihoyat, shunday pastladimki, hatto shahardagi uylarni va saroylarni ham koʻra oldim. Yerga hammasi boʻlib uch yoki toʻrt mil<sup>1</sup> qolgan edi.

Birdan arqon uzilib ketdi. Hash-pash deguncha yerga chirpirak boʻlib tushdim. Bir vaqt qarasam, yerga eng kamida yarim mil botib ketibman.

Oʻzimga kelgandan keyin koʻp vaqtgacha bu chuqurdan qanday chiqishni bilolmay, esankiradim. Kun boʻyi hech narsa yemay, ichmay oʻyladim. Nihoyat, oʻylab topdim, tirnoqlarim bilan pillapoyachalar yasab, yer ustiga bazoʻr chiqib oldim. Ha, Myunxauzen hech qayerda qolib ketmaydi.

1. Ertakni oʻqing. Myunxauzenning topqirligiga e'tibor bering.

2. Shu voqeaga oʻxshash birorta ertakni bilasizmi?

# 2. Otlar qoʻltiqda, arava yelkada

...Oʻsha yili qish juda qattiq keldi. Hatto quyosh ham shamollab, yuzlarini sovuqqa oldirdi, uning ustiga tumov ham boʻldi.

Quyosh shamollaganidan keyin, undan issiq oʻrniga sovuq keldi. Men oʻz foytunimga<sup>2</sup> oʻti-

<sup>&</sup>lt;sup>1</sup>**Bir mil** – 2 kilometr chamasidagi masofa.

<sup>&</sup>lt;sup>2</sup>**Foytun** – toʻrt gʻildirakli, ochilib-yopiladigan soyabonli yengil arava.

rib, naqadar sovqotganimni bir koʻrsangiz edi. tor, ikki tomoni devor. Shu tor Koʻcha koʻoʻzimiz arang ketayotgan bir pavtda. chada biror arava yoki oldimizdan toʻsatdan fovtun chiaib golib, ishni pachava qilib vurmasin deb, fovtunchi xizmatkorimga surnav chalishni buyurdim. Xizmatkor surnavni goʻliga olib. kuch puflav boshladi. Ammo surnavdan bilan hech bir tovush chiqmadi. Tovushlar sovuqda muzlab qolgan ekan. Holbuki, biz tomonga bir fovtun kelmoqda edi.

Hech narsa gilib bo'lmadi. Men darrov tushib, otlarni foytundan chiqardim. Kevin fovtunni yelkamga koʻtarib oldim. U juda ogʻir edi. Bir sakradim-da, devorning narigi tomooshib tushdim. Yana bir bilan sakrash niga qaytadan yoʻlga olib tushdim. fovtunni Nafabiroz rostlagach, otlar yoniga qaytib simni keldim, ularni ikkala qoʻltigʻimga oldim va ikki sakrash bilan arava yoniga olib keldim. Bu sakrash vaqtida otlardan biri zoʻr berib tepindi.

Ha, juda noqulay boʻldi. Ammo men uning keyingi oyoqlarini kastumimning choʻntagiga solib qoʻydim, soʻngra ot jonivor noiloj jimgina turaverdi. Keyin otlarni aravaga qoʻshib, yoʻlga chiqdim va tez fursatda bir musofirxona<sup>1</sup>ga kelib tushdim.

<sup>1</sup> Musofirxona – mehmonxona.

1. Ertakning ikkinchi qismini oʻqing.

2. Siz Myunxauzenning oʻrnida qanday yoʻl tutar edingiz?

# Moychechak

Tavfig Fikrat

kelsa Bahor bezanadi Tepalarning yaydoqlari. Zumrad kabi oʻtloqlari boʻlib yasanadi. Kelin Kelin movchechaklar, vuzli Oltin koʻzli movchechaklar. Dalalarda bir yoqimli Sariq, qizil, gunafsharang Gullar ko'payar rang-barang, Lekin qoʻzali menga eng Kular yuzli moychechaklar, Oltin koʻzli moychechaklar. Yaproglari jimjimali, ayri bir goʻzallik. ham Bu boʻyni Tani paxmoq, nozik. Ham go'zal, ham karashmali. Kelin vuzli moychechaklar,

Oltin koʻzli moychechaklar.

Shamol esar: goh u yonga, Goh bu yonga egiladi. Teng boradi, teng keladi,



Rohat berarlar insonga. Kular yuzli moychechaklar, Oltin koʻzli moychechaklar.

She'rni ifodali oʻqing.

2. She'rda qaysi fasl tasvirlangan?

3. Moychechakka shoir qanday ta'rif beryapti?

Ana shu oʻrinlarni topib oʻqing.

She'rni yod oling.

# T

# Uch aka-uka va baxt

Ilvira Daukayeva

1

Ajoyib bahor kunlaridan biri edi. Uch akauka yam-yashil oʻtloqdan yurib borar edilar. Nogahon ovoz eshitildi.

 Yordam! Yordam beringlar! Men bu yerda, chuqurdaman! Yordam beringlar! – kimdir yordam soʻrab chaqirayotgan edi.

Aka-ukalar chuqurga tomon yugurdilar, ular chuqur tubida nur sochayotgan, ajoyib, biroq qoʻrqqan va qiynalgan yuzni koʻrdilar.

– Bu yer chuqur va kir ekan! Dahshat! – jirkanib dedi katta aka.

Koʻzi qayerda ekan, shu yerga ham tushadimi? – dedi oʻrtancha ensasini qashib.
Shunday boʻlib qoldi, bir necha kundan beri shu yerdaman, iltimos, qutqaringlar... – dedi u.

11-Oʻqish kitobi, 3-sinf

– Sendan nur chiqyapti, kimsan oʻzi? – dedi kenjatoy.

– Men Baxtman! – dedi u.

Baxt?.. Ahmoqlik! Baxt chuqurga tushib
 ketmas edi, xa-xa-xa, – kuldi katta aka.

– Yoki oʻzi chiqa olardi! – ishonmay toʻngʻilladi oʻrtanchasi.

 Men bahor shabadasi bilan uchayotgan edim, birdan menga yovuz to'fon yopirildi. Meni har tomonga otdi, keyin mana shu chuqurga tashlab yubordi.

Bechoragina... Men seni tortib olaman, –
 dedi kenjatoy va qoʻlini Baxtga choʻzdi.

Katta akalar ishonmadilar va unga tashlanib, yoʻlini toʻsdilar:

Oldin Baxt ekanini isbotlasin! – baqirdi oʻrtanchasi.

 Ha, isbotla! Balki shunaqa deb aldayotgandirsan?! – talab qildi katta aka.

 Istagan narsangni tila, men uni bajaraman! – dedi ishonch bilan Baxt.

– Negadir ishonmayapman, – shubhalandi katta aka.

– Tilak tilang, koʻrasiz! – dedi ularga ishonch bilan Baxt.

1. Baxt bilan aka-ukalar qay tarzda uchrashdilar?

2. Aka-ukalar haqida oʻz fikringizni bildiring.



Unda yaxshi! Unda... men yaxshi ovqat pishiradigan xotinga uylanmoqchiman... Nima qilibdi? Men mazali ovqat yeyishni yaxshi koʻraman, – dedi katta aka.

Shunday boʻlsin! Tilaging bajo boʻldi! – dedi Baxt.

– Siz meni qidiryapsizmi, azizim? Men keldim.

Aka-ukalar ovoz kelgan tomonga qarashdi. Loʻppi yuzli qiz katta akaga tabassum bilan qarab turgan edi.

– Yuring uyga, tushlik tayyor, xuddi siz yaxshi koʻrganingizdek tayyorlab qoʻydim.

Katta aka hamma narsani unutib, qizning qoʻlidan tutib, uyiga qarab ketdi...

Unda menga ham... koʻp tilla, juda koʻp oltin boʻla qolsin!
 hiringladi oʻrtanchasi.



Shunday boʻlsin! Tilaging bajo boʻldi! – dedi Baxt.

– Birdan osmondan tillalar yogʻila boshladi. Aka-ukalar oltin yomgʻiridan zoʻrgʻa oʻzlarini chetga oldilar.

 Ajoyib-ku! Shuncha oltin! Bular mening oltinlarim! – quvonib ketdi oʻrtanchasi. – Nariroq tur, xalaqit berma!

Oltinlarni olib, yugurib ketdi. Kenjatoy uning izidan qarab qoldi. Keyin chuqur chetiga bordi va Baxtga qarab, dedi:

- Mening qoʻlimni tut, men seni tortib chiqaraman!

Biroq Baxt uning qoʻlidan tutishga shoshmadi va ishonmay soʻradi:

– Sen mendan nimani tilagan boʻlarding?

 Xudoga shukur, menda hamma narsa bor. Senga nima kerak?

– Meni bu yerdan chiqar, men qiynalib ketdim.

Kenjatoy qoʻlini choʻzib, Baxtni tortib oldi.

 Senga katta rahmat. Men bu yerda qolib ketaman deb qoʻrqqan edim, – dedi Baxt va yorqin nurlar bilan tovlanib, yer yuziga baxt socha boshladi.

Kenjatoy ketmoqchi boʻlib turganida, Baxt undan soʻradi:

– Sen qoʻrqmas, dovyurak, oliyjanobsan. Har doim yoningda yurishimga ruxsat berasanmi?

Ha, albatta, men juda ham xursand
 boʻlaman, – javob berdi kenjatoy.

Endi kenjatoy va Baxt ajralmas, qadrdon boʻlib qolgan edilar.

1. Baxt nima uchun kenja ukani savolga tutdi?

2. Baxt boylik bilan o'lchanadimi?



## Kasblarning rangi qanaqa?

Janni Rodari

Har kasbning oʻzgacha, farqli rangi bor, Mana koʻring, novvoy — oppoq, xuddi qor. Sochlari oq uning, qosh, kiprigi oq, Ertalab qushlardan turar oldinroq. Oʻtyoqarning rangi qora-quradir, Boʻyoqchining rangi ola-buladir. Zavodga kiring-da, ishchiga qarang: Uning ish kiyimi koʻkday havorang. Ishlovchining qoʻli moyli, sap-sariq. Tekinxoʻrning qoʻli rangsiz, op-oriq. Barmoqlari nozik, belgi yoʻq biron, Na moy yuqi bor-u, na qurum-qatron. Sevinmang terisi oq deb bu ora, Ularning ishlari juda qop-qora. 1. Shoir kasblarning rangini qanday ta'riflayapti?

2. Shoir tekinxo'rni kim deb atayapti?



# Pinokkioning sarguzashtlari

Karlo Kollodi

# (Ertak)

#### 1

Bor ekan-u yoʻq ekan, bir gʻoʻla boʻlgan ekan. Gʻoʻla boʻlgandayam unaqangi asil nav daraxtning gʻoʻlasi emas, shunchaki oʻtinbop bir gʻoʻla ekan.

Kunlarning birida oʻsha yogʻoch gʻoʻla bir keksa duradgorning uyiga tushib qolibdi. Bu duradgor cholning ismi Antonio boʻlsa ham, odamlar uni "Usta Olcha" deb atashardi. Nimaga desanglar, burnining uchi gʻarq pishgan olchaga oʻxshab, doim qip-qizil, yaraqlab turardi.

Usta Olcha gʻoʻlani koʻrib, juda ham xursand boʻldi.

 Juda vaqtida koʻrib qoldim-da, bu gʻoʻlani. Endi undan stolga oyoq yasayman, – dedi. Shunday dedi-yu, ishga kirishdi. U gʻoʻlani poʻstloqdan tozalamoqchi boʻlib, qoʻliga oʻtkir boltasini oldi. Shu payt gʻoʻla ichidan allakimning yolvoruvchi ovozi eshitildi:

– Voy, urmang meni!

Usta Olchaning qay ahvolga tushganini koʻz oldingizga keltirayotgan boʻlsangiz kerak. U tamoman esankirab qoldi. Tovush qayoqdan kelganini bilish uchun ustaxonaning har tomoniga koʻz yugurtirib chiqdi. Biroq ustaxonada hech zogʻ yoʻq edi.

Haa, boʻldi, tushundim, – deb hiringladi
 u. – Qulogʻim shangʻillagan boʻlsa kerak.
 Qani, ishga kirishaylik!

Shundan keyin u yana boltani qoʻliga oldiyu, gʻoʻlani chopdi.

Voy, ogʻritvordingiz-ku! – deb chinqirdi
 boyagi tanish ovoz. Usta Olcha uchun bu
 dahshatning oʻzginasi edi. Qoʻrqqanidan ogʻzi
 lang ochilib qoldi, tili iyagigacha osilib tushdi.
 Birozdan keyin oʻziga keldi.

Boʻldi, tushundim, – dedi qoʻrqoqligidan
 xijolat boʻlib. – Qulogʻim shangʻillaydigan boʻlib
 qolgan. Qani, ishga!

Usta gʻoʻlani silliq qilib randalash niyatida boltani chetga qoʻyib, qoʻliga randa oldi. Lekin randani gʻoʻla ustida yurgizishi bilanoq yana qulogʻiga oʻsha chiyildoq ovoz eshitildi:

 Vuy, tegmang axir menga. Hamma yog'imni qitiqlab tashladingiz-ku!

Bu gal usta Olcha xuddi yashin urgandek "gurs" etib yerga yiqildi. Birozdan keyin hushiga kelib, koʻzini ochsa, hali ham yerda choʻzilib yotibdi.

Afti jin chalgandek qiyshayib ketgan, burnining toʻq qizil uchi qoʻrqqanidan toʻq zangori rangga kirgan edi.



1. Usta Olcha kim edi?

2. Yogʻoch gʻoʻla bilan qanday hodisalar roʻy berdi?

#### 2

Shu mahal eshik taqillab qoldi...

Kiravering, – dedi duradgor zoʻrgʻa, lekin oʻrnidan turishga majoli yetmadi.

Ustaxonaga Jepetto ismli bir odam kirdi. Qoʻshni bolalar bu cholning jigʻiga tegish uchun unga "Zogʻora non" deb laqab qoʻyishgan edi. Chunki uning boshidagi sap-sariq parigi zogʻora nonga juda ham oʻxshab ketardi.

– Salom, usta Antonio, – dedi Jepetto. – Nega yerda oʻtiribsiz?

- Chumolilarga toʻrt amaldan dars beryapman.

– Omad tilayman!

Xush koʻrdik, Jepetto amaki.

– Huzuringizga bir iltimos bilan keldim.

– Bemalol soʻrayvering, – deb javob berdi duradgor oʻrnidan turarkan.

 Bugun ertalab miyamga bir fikr kelib qoldi.

– Qani, eshitaylik.

– Bironta yogʻoch topib, undan alomat yogʻoch odam yasasam chakki boʻlmasdi. U yogʻoch odam raqs tushishni, qilichbozlik qilishni, umbaloq oshishni bilishi kerak. Shunga siz nima deysiz?

 Barakalla, Zogʻora non! – deb chinqirdi
 boyadan beri allaqayoqdan eshitilayotgan haligi ovoz. Jepetto amaki gʻazabdan achchiq qalampirday qizarib ketdi, jahl bilan duradgorga oʻshqirdi:

 Meni haqorat qilishga qanday jur'at etdingiz?

- Kim sizni haqorat qildi?

- Siz meni "Zogʻora non" deb atadingiz.
- Men aytganim yoʻq u soʻzni.
- Aytdingiz!
- Yoʻq!
- Aytdingiz!

Ular qizishgandan qizishib, bir-birlariga yopishib goh tishlasha, goh timdalasha boshladilar.

Nihoyat, jang tugab, ular bir-birlaridan ajralishganida Jepettoning sariq parigini usta Antonio changallab olgan, duradgorning oq parigini esa Jepetto tishlab turar edi.

- Ber parigimni! - deb baqirdi usta Antonio.

 Sen ham ber parigimni, keyin yarashamiz.
 Chollar pariklarini ayirboshlab olishgach, birbirlarining qoʻlini siqishib, umrbod qalin doʻst boʻlib qolishga soʻz berishdi.

Shundan keyin Jepetto shumtaka gʻoʻlani qoʻltigʻiga qistirib, oqsoqlagancha uyiga joʻnadi.



Buratino haqidagi filmni koʻrganmisiz?
 Pinokkio qaysi jihati bilan Buratinoni eslatadi?
 Albatta, "Pinokkioning boshidan kechirganlari" kitobini olib oʻqing. Uning boshqa sarguzashtlarini ham bilib olasiz.



# Anbe va Ranbe

(Hind xalq ertagi)

# 1

Sichqoni koʻp bir xonadonda qari mushuk yashar ekan. U sichqon tutishga yaramay qolibdi. Oʻylab-oʻylab buning chorasini topibdi. Bir kuni u sichqonlarni chaqirib shunday debdi: – Sichqonlar, hoy sichqonlar, men sizlarni nega chaqirganimni bilasizmi?

Toʻgʻrisini aytsam, shu paytgacha men sizlarga doim yomonlik qilardim va ranjitib kelardim. Buni boʻynimga olaman. Endi oʻz qilmishimdan uyalyapman. Xullas, sizlarga boʻlgan munosabatimni oʻzgartirishga ahd qildim. Endi mendan qoʻrqmanglar. Faqat sizlardan 170 birgina talabim bor: har kuni ikki mahal saf tortib oldimdan oʻtib turasizlar. Men sizlarga tegmaslikka soʻz beraman.

Mushukning va'dasini eshitib, sichqonlar oʻzlarida yoʻq quvonishibdi va uning shartiga darrov rozi boʻlishibdi. Mushuk uyning bir burchagiga joylashib olibdi.

Sichqonlar ta'zim qilib, uning oldidan bittabitta o'ta boshlashibdi. Nihoyat, uning oldidan oxirgi sichqon ta'zim qilib o'tib borayotgan ekan, mushuk shappa uni tutib olibdi-da, paqqos tushiribdi.

Avval oʻtib ketgan sichqonlar hech narsani sezishmabdi. Sichqonlar shu tariqa kamayib boraveribdi.

1. Mushuk qanday hiyla ishlatdi?

2. Sichqonlar qanday kamayib bordi?

# 2

Sichgonlar orasida Anbe Ranbe degan va ikki doʻst bor ekan. Ular mushukning hivlasini golib, shunday garorga kelishibdi: sezib bunkeyin mushukning oldidan o'tayotganda dan safning oldida, Anbe esa oxirida oʻta-Ranbe boʻlibdi. digan

Safning boshida borayotgan Ranbe mushukka chuqur ta'zim bajo qilar ekan, bor ovozi bilan:

– Doʻstim, Anbe, qayerdasan? – deb qichqiribdi.





Safning oxirida kelayotgan Anbe unga: – Shu yerdaman, doʻstim Ranbe, – deb javob qilibdi.

Sichqonlarning hammasi mushuk oldidan oʻtib boʻlmaguncha, ular bir-birlari bilan shu tariqa xabarlashib turishibdi.

Mushukning hiylasi ish bermaganidan, och qola boshlabdi. Figʻoni oshgan mushuk shartta Anbega tashlanib qolibdi. Biroq u ham anoyi emas ekan. Birpasda koʻzdan gʻoyib boʻlibdi.

Qolgan sichqonlar ham bir zumda inlariga kirib yashirinishibdi. Mushukning aldoqchi ekani oshkor boʻlganidan soʻng u birorta sichqon tuta olmay, ozib-toʻzib ketibdi.



1. Sichqonlar qanday chora topdilar?

2. Anbe va Ranbe ishtirok etgan oʻrinlarni rollarga boʻlib oʻqing.



# Bahs

Anvarbek Duysinbiyev

Bir kun daryo boʻyida Qog peshin pavti lkki doʻst oʻtirardi. Safsata avtib. togʻlarga garab, Olis Oʻtirgan verdan talashib qolishdi Gap Ikkovi birdan: Alp boʻlsam, anov togʻni, Deb qoʻydi Sanjar, Choʻlga surib qo'yardim Yelkamda dangal. Men esa, – dedi Oʻljas Do'st-birodar Darhol eltib go'yardim Togʻni joyiga. Sanjar dedi: Bir tepsam \_ Hovling, uvingni, eding Topolmay qolar Koʻcha-koʻyingni. qaytadan Oʻljas dedi: Qurar edim uy. Hovlimda dang'illatib



Qilar edim to'y. Shunagami? – der Sanjar. Shunday, – der O'ljas, \_ Jangga aylanar janjal, Olovlanar bahs. Yoqalashib ketishdi. Olishib jiqqa. Soʻng ikkovi dumalab. Tushdi ariqqa. Shu taxlit suv boʻyida, Qoq peshin pavti Ikki doʻst uylariga Shalvirab gavtdi. Ikkovi ham alp emas, Ojiz, poʻk edi. Sal-pal kuchi boʻlsa ham Aqli voʻq edi.

1. She'rni ifodali oʻqing.

 2. Maqtanchoqlikning oqibati nimaga olib keldi? Kamtarlik haqida maqollar ayting.

# Mittivoy va Karlson

Astrid Lindgren

 Xoʻsh, endi bir koʻngilni yozaylik, – dedi Karlson bir zumdan keyin. – Kel, avval, tomma-tom chopamiz.

Mittivoy jon deb rozi boʻldi. U Karlsonning qoʻlidan ushlab oldi, ikkovi tomga chiqishdi.  Bezorilarni koʻrishni istaysanmi? – deb soʻradi Karlson Mittivoydan, sal nafaslarini rostlab olishgach. – Boloxonalarimning birida ikkita zoʻr, ashaddiy bezori turadi.

Karlson koʻrsatgan boloxona derazalaridan gʻovur-gʻuvur, kulgi, qiyqiriq eshitilardi.

Ho, ular kayf-safo qilishyapti! – dedi
 Karlson. – Yur, nimani ermak qilishayotganini
 borib koʻramiz.

Karlson bilan Mittivoy yana boʻgʻot yoqalab emaklab ketishdi. Ular boloxonaga yetishganda, Karlson boshini koʻtarib, derazaga qaradi. Derazaga parda osib qoʻyilgandi. Biroq Karlson pardadan bir teshik topdi, oʻsha teshikdan hamma narsa koʻrinardi.

Bezorilarnikida mehmon bor ekan, – deb shivirladi Karlson. Mittivoy ham teshikdan qaradi. Xonada koʻrinishi bezoriga oʻxshagan ikki odam bilan yuvosh, yoqimtoy yigit oʻtirardi.
 Bilasanmi, nima gap bor? – deb shivirladi Karlson. – Menimcha, bezorilarning niyati buzuq, ular biror xunuk ish qilishmoqchi. Lekin biz ularga xalaqit beramiz...

Karlson teshikdan yana bir bor qaradi.

– Garov oʻynaymanki, ular qizil galstuk taqqan yigit bechorani shilishmoqchi!

Bezorilar bilan galstuk taqqan yigit deraza oldidagi stolcha atrofida ovqatlanib oʻtirishardi. Bezorilar oʻqtin-oʻqtin mehmonning yelkasiga qoqib qoʻyishardi. Omading bor ekan, yigit, Fille bilan meni uchratib qolding, – dedi Rille.
 Toʻgʻri, Rille bilan meni uchratib qolma-ganingda, bilmadim, holing nima kechardi, – dedi Fille ismli yigit.

1. Karlson va Mittivoy qayerga bordilar?
2. Rille va Fille kim edi?

2

Keyin Fillening bir ishini koʻrib, Mittivoy hang-mang boʻlib qoldi: Fille Oskarning shimining choʻntagiga qoʻlini solib, hamyonini olib oʻz shimining orqa choʻntagiga solib qoʻydi. Oskar hech nimani sezmay qoldi. Chunki xuddi shu payt Rille uni quchoqlab olgan edi. Rille quchogʻini yozganda, uning qoʻlida Oskarning soati paydo boʻldi. Rille soatni shimining orqa choʻntagiga solib qoʻydi. Oskar buni ham sezmadi.

Biroq tomda yashovchi Karlson semiz va doʻmboq qoʻlini parda tagiga ehtiyotlik bilan suqdi-da, Fillening choʻntagidan hamyonni olib qoʻydi. Fille ham hech nimani sezmadi. Keyin Karlson yana doʻmboq qoʻlini parda tagiga suqib, Rillening choʻntagidan soatni oldi.

Rille, Fille va Oskar biroz gaplashib oʻtir-176 ganidan soʻng, Fille choʻntagiga qoʻlini solib koʻrsaki, hamyon yoʻq. U Rillega gʻazab bilan qaradi-da, shunday dedi:

– Menga qara, Rille, yur tashqariga chiqib kelaylik. Ikkovimiz gaplashib olishimiz kerak.

Xuddi shu payt Rille ham qoʻlini choʻntagiga soldi, qarasaki, choʻntagida soat yoʻq. Endi u ham Fillega jahl bilan tikildi-da:

Yur! Mening ham senga aytadigan gapim bor! – dedi.

Oskar yolgʻiz oʻzi zerikib dahlizga chiqdi.

Karlson derazadan lip etib sakrab tushdi-da, hamyonni chinni idishga solib qoʻydi. Soatni esa lampaga ilib qoʻydi. Fille, Rille va Oskar xonaga kirishlari bilan soatni koʻrishdi. Biroq Karlsonni payqashmadi. Chunki u dasturxon yozilgan stol tagiga kirib olgandi. Mittivoy ham stol tagida edi.

 Qaranglar, soatim lampada osilib turibdiya, – dedi Oskar hayron boʻlib. – Tavba, u yoqqa qanday ilinib qoldi?

U lampa oldiga borib, soatni oldi-da, kamzulining cho'ntagiga solib qo'ydi.

 lye, hamyonim kosaning ichida, rost, qaranglar-a!
 deya yana qichqirib yubordi
 Oskar kosani koʻrsatib.
 Juda qiziq boʻldi-ku.
 Rille bilan Fille Oskarga hayron boʻlib qarab qolishdi.

12-Oʻqish kitobi, 3-sinf

Karlson bilan Mittivoy qilgan ishlaridan qotib-qotib kulishardi.

- nimaga guvoh boʻldi?
  - 2. Karlson qanday yoʻl tutdi?
    - 3. Ertak qahramonlariga munosabat bildiring.

# Dogʻda qolgan qargʻa

(Laos xalq ertagi)

Bir kuni Qargʻa barglar orasida mudrab yotgan Chigirtkani koʻrib qolibdi. Endi yeyman deb, choʻqilamoqchi boʻlib turganda, Chigirtka koʻzini ochibdi va boshini koʻtarib Qargʻaga: – Hurmatli Qargʻa, malol kelmasa, bir-ikkita topishmoq aytsam, unga javob bersangiz, keyin meni yesangiz, – debdi.

Qarg'a qag'illab boshini chayqab:

Yaxshi! Yaxshi! Faqat imillamasdan tezroq ayt topishmogʻingni, – debdi.

Chigirtka unga:

Hurmatli Qarg'a, ayting-chi, dunyoda eng o'tkir narsa nima?
 debdi.

– Oʻylab oʻtirishning hojati yoʻq. Qarr! – xursand boʻlib ketibdi Qargʻa. – Bu – yoyning uchi.

Afsuski, topa olmadingiz, – debdi Chigirtka. – Ayting-chi, dunyoda nima tez yuradi?
Qarr! Qarr! Ikki gʻildirakli arava! Ikki gʻildirakli poyga aravasi! – suyunib qichqira ketibdi Qargʻa.

– Yoʻq, yana topolmadingiz. Endi ayting-chi, dunyoda eng kuchli nima?

– Yoʻlbars! Qarr, qarr!

– Hecham-da! Eng og'iri-chi?

– Yer! Bizning yer! – jahli chiqib qagʻillabdi Qargʻa.

 Yoʻq-yoʻq! Boshqa narsa, – e'tiroz bildiribdi Chigirtka.

Qargʻa topishmoqni topolmaganidan, Chigirtka juda xursand boʻlibdi. Qargʻaning esa jahli chiqibdi. Ular qozining huzuriga borishibdi. Avval Qargʻa qoziga hammasini soʻzlab beribdi. Navbat Chigirtkaga kelibdi. U:

Muhtaram qozi! Qargʻa meni yemoqchi edi. Men unga: "Agar topishmoqlarimni top-sangiz, yeyavering", – dedim. Ammo Qargʻa



javob topa olmadi. Axir dunyoda hamma narsadan oʻtkir – aql, tezdan tezi – fikr, eng kuchli narsa – himmat va halollik, ogʻirdan ogʻiri – jinoyatchining qalbi ekani ma'lum-ku. Iltimos qilaman, muhtaram zot, endi adolat qilib, kim haq, kim nohaqligini ayting, – debdi.

Qozi biroz oʻylanib turibdi-da, keyin boshini silkitib debdi:

Chigirtka haq, Qargʻa, siz yutqazdingiz.
 Shunday qilib qargʻa dogʻda qolibdi.

(1?)

1. Ertakni ifodali oʻqing.

2. Chigirtka bergan savollarga yana nima deb javob berish mumkin?

3. Qarg'a nima uchun dog'da qoldi?

Oʻtirishi tulkiday,

🜽 Oʻt yeyishi yilqiday. *(ראוַמֿוְעָאָא*)

Boʻlim yuzasidan takrorlash

1. Boʻlimdagi qaysi ertaklarning filmlarini koʻrgansiz?

2. Maktab kutubxonasida qanday qiziqarli kitoblar oʻqigansiz?

3. Qaysi asarlarda topqirlik belgilari uchraydi?

4. Uyda koʻrgan multfilmlaringiz asosida ertak yozing.

5. Qaysi kasblarning rangi haqida bilib oldingiz?



# TINCHLIK VA DO'STLIK BO'LSIN BARQAROR



Tilak

Faxriddin Hayit

Oftob mangu sochar nur, Oy ham mangu yonadi. Koʻk ostida ona yer Koptokdek aylanadi.

Shu zaminda hur, obod, Bir diyor bor, gul diyor. Yurtda tinchlik barhayot, Yurtda barcha baxtiyor.

Naqarot:

Mangu boʻlsin farovon, Vatanim Oʻzbekiston!

Porlab tursin, oy-quyosh, Aylanib tursin zamin. Shodlikka boʻlsin yoʻldosh Bolalikning har dami. Har nahorda yangidan Nur taratsin togʻ oshib. Taraqqiyot tongida Charaqlab baxt quyoshi.

*Naqarot:* Mangu boʻlsin farovon, Vatanim Oʻzbekiston!



1. She'rni ifodali oʻqing.

2. "Koʻk ostida ona yer koptokdek aylanadi" misrasini tahlil qiling.



She'rni yod oling.

# Koʻprik ustidagi doʻst

Ulugʻbek Hamdam

#### (Hikoya)

#### 1

gal dala hovlidan qaytayotganimda, Har yoʻlda ikki yalangoyoq bolakayni uchratar edim. Nikita, ikkinchisiniki Birining oti – Umidesa "Ismlarini qoldingiz?" qayerdan bila ion. demogchimisiz? Oʻzlaridan-da. Vogea bunday boʻldi: hovlimdagi choqʻroq boqʻda ishlab, kechqa tomon torgina yoʻldan shaharqa qaytayotsam, muyulishda qoʻqqisdan roʻparamdan bir mashichiqib qoldi. Yoʻl chetida bolalar oʻvnab na 182



oʻtirishardi. Shitob bilan kelayotgan mashinani oʻtkazib yuborish uchun shartta tormozni bosib, mashinani bolakaylarning shundoq tumshugʻiga tirab toʻxtatdim. Ular yalt etib menga qarashdi. Jilmayib qoʻyishdi. Jilmayib deganim juda yumshoq chiqdi, "Bolakaylarning yuzlarida quyosh porlardi, quyosh!" desam, ularning sevinchlarini aniqroq ifodalagan boʻlaman.

– Salom! – dedim men ham bolalarning sevinchidan ta'sirlanib.

– Salom! – deya mashinaning ochiq oynasidan qoʻlini suqdi ularning mallatobi.

– Oting nima seni? – soʻradim men.

– Nikita, – deb javob berdi bola.

– Seniki-chi? – deb soʻradim nariroqda iymanibroq turgan qoramagʻizdan.

– Umidjon!

– Yoshing nechada, Nikita?

– Toʻqqizda.

– Seniki-chi, Umidjon?

– Oʻn ikkida.

Boʻylaring teng-ku.

Ular javob oʻrniga yana jilmayishdi.

– Xayr, bolalar!

– Xayr, amaki!

mashinani yurg'izib, yo'limda davom Men Odatda, dam olish kunlarim dala etdim. hovlida kechadi. Bu yerga kelib-ketarkanman, devarli har safar Umidjon-u Nikitaga roʻpara kelaboʻldim. Ular ham digan uzoqdan menina mashinamga koʻzlari tushishi bilan oʻvinlarini tashlab, koʻrishish uchun hozirlik koʻrishardi. Oʻz navbatida. men ham beg'ubor bolalarning shuqina istaqiqa peshvoz chiqmasdan oʻtolmayman: tormozni bosaman, ular chopib kelib. biri sarq'ish-gizil, boshqasi goramag'iz yuzlarida menga tanish, menga gadrdon boʻlib boravotgan guvoshchalarni porlatgancha birinketin qoʻllarini oynadan uzatishadi.

1. Yozuvchi Nikita va Umidjon bilan qanday tanishdi?

2. "Bolakaylarning yuzlarida quyosh porlardi, quyosh!" degan gapni siz qanday tushundingiz?



bir kun Nikitani uzoqdan, muyu-Kunlardan lishdagi koʻprik ustida koʻrib goldim. U voʻlda tikkancha oftobda javdirab ikki koʻzini turardi. To'xtadim. Bolakayning kayfiyati voʻa edi. Kikirlangan, yuzida ham quyoshcha vimi rosa aks etmasdi negadir. U mashinaning ochig ovnaindamaygina qoʻlini uzatdi. sidan

– Salom! – dedim men.

– Salom! – dedi u.

- Umidjon qani?
- Umidjon mashgʻulotga ketdi.
- Qachon keladi?
- Oʻn ikki-yu oʻttizda.

Soatga qaradim: mil oʻn ikki-yu oʻttiz beshni koʻrsatardi.

– Keladigan vaqti allaqachon boʻlibdi-ku.

– На.

– Qachondan beri kutyapsan?

- Ertalabdan beri.
- Qayerda, shu yerda, koʻprikning ustidami?
   Ha.
- Oʻynagani boshqa bolalar yoʻqmi?
- Bor.
- Nega oʻynamayapsan?
- Umidjonni kutyapman.

Men Nikitaga boshqa savol bermadim. Berolmadim. Chunki tomogʻimga bir nima kelib tiqildi. Asta qoʻzgʻalib yoʻlimda davom etdim... Mening Nikitadek biron doʻstim bormi, deyman xayolan. Oʻzim ham biron Umidjonni doʻst tutib, quyoshning tigʻida Nikita kabi kutdimmi?..

1. Nikita nima uchun g'amgin edi?

?

2. Siz Nikitaning oʻrnida nima qilgan boʻlardingiz?

3. Ayting-chi, sizning ham shunday doʻstingiz bormi?

Chin do'st tug'ishganing bilan

teng.

## Inson insonga o'rtoq

Hamidulla Yoqubov

Turob ekdi koʻk piyoz, Oʻt bosibdi ayni yoz. Oʻtni yulib bir oʻzi, Toldi barmogʻi, koʻzi.

Chakkasiga qoʻl tirab: – Nima qilsam? – der Turob. Birdan Savri, Sotvoldi Yordamga kelib qoldi.

Oh, dehqonning vaqti chogʻ, Yeng shimarib uch oʻrtoq Oʻtay boshlar polma-pol, Top-toza qilar darhol.

Suv, nurga toʻyib piyoz, Erkin oʻsar beqiyos. Ha. Turob emas vakka. Tengdoshlar shay koʻmakka. Inson insonga har chogʻ Qadrdon, ahil oʻrtoa.

1. She'rni ifodali oʻging.

2. She'rda nima haqida qap boradi?

3. Siz oʻrtoglaringizga ganday ishlarda koʻmaklashqansiz?

She'rni yod oling.

Qirq koʻylagi bor,

Bir tuqmasi voʻq.

(zoגוא)



#### Do'stlikning bahosi

Bu voqea Vyetnamda boʻlgan edi. Jang paytida yetimxona yoniga bomba kelib tushdi. Bir necha bola ogʻir yarador boʻldi. Yaradorlar bir qizchaning ahvoli, orasida ayniqsa, ogʻir unga tezlik bilan edi. Agar qon quyilmasa, mumkin edi. Yaqin atrofda halok boʻlishi shifokorlar bo'lmagani sababli elchixonadan chet ellik shifokorlarni chaqirtirishga toʻgʻri keldi. Ular tezlik bilan gizchaning gon guruhini aniglashdi. Aksiga olib, shu yerdagilardan birortasining qon guruhi qizchanikiga toʻgʻri kelmas Shifokorlarning bolalardan yordam ekan. so'rashboshqa ilojlari qolmadi. Ular yarim vyetdan namcha, yarim inglizcha qilib maqsadlarini bo-187 lalarga tushuntirishdi. Qon berishga kim rozi ekanligini soʻrashdi. Barcha bolalar jim boʻlib shifokorga tikilib qoldilar. Shu payt bir bolakay goʻlini koʻtardi-yu, tushirdi, keyin yana koʻtardi. unga minnatdorchilik Shifokorlar bildirib. tezlik bilan yotqizib, tomiridan asta qon ola boshladilar. Bir mahal bolaning koʻzidan yosh oqa boshladi. Hamshira uning ahvolini soʻragan edi, vigʻidan toʻxtadi, lekin birozdan keyin vana vigʻlav boshladi. Hamshira xavotirda: "Muolajani imo-ishora bilan soʻradi. Botoʻxtataymi?" – deb lakay "Yoʻq", dedi. Ammo yigʻisini toʻxtata olmas edi. Shu vaqt vyetnamlik hamshira kelib qoldi. U bolakay bilan bir necha ogʻiz qaplashdi. Bolaning yuzi yorishib, yigʻidan toʻxtadi. Chet ellik shifokorlar qap nimada ekanini bilmoqchi Shunda vyetnamlik hamshira: boʻlishdi. "Bu bolalar sizni toʻqʻri tushunishmabdi. Qizchaning havotini saglab golish uchun hamma qonni berish kerak, deb oʻylashibdi. Bu bolakay esa rozi boʻlib, endi oʻlyapman, deb oʻvlagan Shunda shifokorlar: ekan". debdi. "Undav nega rozi boʻlibdi?" – deb soʻrashdi. boʻlsa, Hamshira bolakay bilan oʻz tilida gaplashdi, soʻng davom etdi: "Men unga siz bergan bersam, biz do'stmiz. dedi". savolni

"Tarbiya kitobi"dan

1. Oʻzi mehrga zor boʻlgan bu bola haqida nima deysiz?

2. Siz yaqin doʻstlaringizdan yordam soʻraganmisiz?



#### Tinchlik koʻchasi

Kavsar Turdiyeva

Menda sira soʻlmas gullar, Qushlar yayrar chamanda. Qizlar esa qoʻgʻirchogʻin Ismin qoʻyar Samanta. Tinchlik – hayot poydevori, U orzu qay dillarda. Shuning uchun takror-takror Jaranglaydi tillarda.

## Ahillik koʻchasi

Oʻrtamizdan oʻtmas qil, Biz ahilmiz, ha, ahil. Bu his kundan kun oshar, Bizda har kuni hashar. Bitmayaptimi uying? Boshlanyaptimi toʻying? Darsdan oldingmi ikki? Yo boshqa ishing chakki? Demak, bil shu on, shu dam, Yetib keladi yordam. Barcha-barcha koʻchalar, Urishganlar nechalar. Havas bilan qarashar, Bizga kelgach yarashar.

1. She'rlarni ifodali oʻqing.

2. Tinchlik va ahillik koʻchasining qaysi xislatlarini bilib oldingiz?

📙 She'rlarni yod oling.



## Oq tumshuq jasorati

Hamidulla Murodov

#### (Hikoya)

## 1

Yozning oʻrtalari. Havo dim. Yoʻl yurib charchagan Azamat oʻtovga kirib, oʻrtaga tashlangan koʻrpachaga choʻzildi: "Birozgina mizgʻib olsam". Koʻzi ilingan ekan, oʻtov yonidagi soyada yotgan Oq tumshuqning vovullashidan sergaklanib koʻzini ochdi. Erinibgina yon-atrofni kuzatdi – hech narsa koʻrinmadi. "Oq tumshuq hurib, uyqumni ham beliga tepdi-da", deb itdan oʻpkalandi ham. Keyin iltijoli ohangda "Jim boʻl, jim, Oq tumshuqjon!" – dedi. Bechora it Azamat votgan oʻtovdan biroz

Bechora it Azamat yotgan oʻtovdan biroz naridagi supacha soyasiga borib yotdi.

Lekin koʻp yotolmadi, yana ortiga qaytdi, qattiq-qattiq irilladi. Azamat yana itni jerkib tashladi.



– Irillamay nari bor, charchaganman, biroz dam olay, nari bor! Bor! Bor!..

Oq tumshuq nari ketishga ketdi-yu, koʻp oʻtmay yana qaytdi. Qaytdi-yu, kela solib endi oʻtovning oʻzi boya etigini yechib qoʻygan joyiga uzala tushib yotib oldi.

Voy, ahmoq it, nari haydagan sari oʻzim tomon yaqinlashadi-ya...

U yana noiloj oʻrnidan turdi. Itni oʻzidan nariga haydashga tutindi. Keyin oyogʻiga biron narsa kiyib olish maqsadida oʻtov eshigi tomon yurdi. It ketmadi, qaytanga Azamat itni haydashga tushsa, yonida boʻlishga intilardi. Azamat yechgan etigini kiymoqchi boʻlib etikka qoʻl choʻzdi. Oq tumshuq boʻlsa, undan 191 oldin etikka chang solib, joyidan ancha nariga otib yubordi. Otilgan etik ancha nariga borib tushdi.

Azamat itning qiligʻi sirini tushuna olmadi, aksincha unga buyruq ohangida gapirdi.

Oq tumshuq, bor etigimni olib kel! Tez!
 Oq tumshuq boʻl...

1. Oq tumshuq nima uchun bezovta boʻldi?
2. Azamat itga qanday munosabatda boʻldi?

#### 2

Oq tumshuq uning gapini anglaganday etik tomon yurdi. Oldiga borganda esa bir qattiq irilladi-da, etikni qoʻnjidan emas, poshnasi tomonidan tishlab torta boshladi. Azamat qandaydir xavfni anglaganday boʻldi. "Nahotki etikda biron narsa boʻlsa?"

Nahotki degan oʻyda u goʻliga ukalari oʻyshu joyda qoldirishgan oʻzining choʻponlik nab tavogʻini oldi. Olishga oldi. birdan koʻzi etik ogʻzidan chiqib turgan boshga tushdi: "llon! Ilonning boshi! Ilon..." U hammasini tushundi. etik ichiga kirib olgan ekan. Agar Azallon etikni olib kiyganda bormi, hozir mat nima boʻlishini koʻz oldiga keltirdi. Darrov qoʻlidagi tayoq bilan etikda koʻringan ilon boshiga zarberdi. Zarba qattiq boʻlmadi chogʻi, ilon ba etikdan chiqib ketish uchun bemalol oʻrmalav boshladi. Bu shu joylarda ahyon-ahyonda uch-192

rab turadigan zaharli gora ilon edi. Azamat gal urishda nagd boshini moʻljallab urdi. bu Zarba gattig boʻldi shekilli. ilon darrov gʻujanak boʻlib olib, oʻzini himoyalashga urindi. Zarbalarning biri tegib, biri tegmasdi. Shunday ham u ilonning duch kelgan boʻlsa. iovida urar, ilon boʻlsa jon holatda vishillar, Azamatning zarbalaridan gochishga intilardi. Og tumshug bu zarbalarning biri ilonga tegib, boshqasi tegmay qolayotganini sezdimi, yo qolishni rejalaganini bilib ilon aochib qoldimi, bir sapchib, ilonning bo'ynidan tishlab oldi. It bir necha bor bir tishlagan joyini gayta-gayta tishladi. Oxirgi tishlaganda bir siltadi-yu, oʻzidan biroz nariga otib yubordi. Ilon borib tushgan joyida ortig gimirlamadi. U oʻlgan edi. – E, Xudoyim-ey, bir asrabdi-da meni. dedi Azamat it voniga kelgach, uning boshini minnatdorlik bilan silab. - Seni jerkib-jerkib tashlaganim uchun kechir. sen... sen menina jonimni asrab qolmoqchi ekansan-a, Oq tumshua'im! Vafodor itim!..

It Azamatga qanday yordam berdi?
 Itning vafodorligini qanday baholaysiz?
 Siz uyda qanday hayvonlar parvarish qilasiz?



13-Oʻqish kitobi, 3-sinf

# Vatan haqida qoʻshiq

Ulugʻbek Hamdam

(Hikoya)

Qirrador doʻppi kiyib olgan, istarasi issia ogsogol bolakavning goʻlidan mahkam ushlab olgan koʻyi mamlakatning bosh shahriga kelib tushdi. Otaxon bolajonni toʻqʻri "Xotira" maydoniga yetakladi. Ular sakkiz girrali yulduz ichra gurullab yonib turgan olovni aylanib oʻtdilar-da, "Motamsaro ona" havkali goshida bir muddat to'xtab, o'yga cho'mdilar. Bobo pichirlab duo oʻqidi, soʻng birgalashib nagshinkor avvon tomon vurdilar.

 Vuy, anavi kitoblarni!.. – hayratini yashirolmadi bolakay.

Ha, ajoyib-a! – nabirasining zavqiga sherik boʻldi bobo ayvon devorlariga oʻrnatil-gan oltinrang ulkan mis kitoblarni avaylab varaqlarkan. – Hamdamov K. 1918–1943, – oʻqidi bobo ovoz chiqarib. Keyin oʻqigan joyi-ga koʻrsatkich barmogʻini eltib: – Bolam, bu kishi mening otam, sening esa katta bobong boʻladi, – dedi.

 Bobo, nega katta bobo bu yerda, kitobning ichida? – soʻradi nabira qiziqib.

 Chunki u kishi urushda halok boʻlgan.
 Vatanimizga bostirib kirgan dushmanga qarshi jangda...

– Bobo, yana gapirib bering.

Bobo oʻyga toldi. Ammo hozir negadir oʻz otasi gismatini emas, balki elining uzog tarixida yuz bergan boshqa bir voqeani hikoya gilib bergisi keldi. – Oʻshanda ham ulkan vov goʻshini yurtga bostirib kirib, goʻli baland keladi-da, vatandoshlarimizni qamal qilib oladi. Qamal oylab davom etgani bois, ichkarida na vegulik goladi, na ichgulik. Axiyri, yurt xogoni xalqiga qarab: "Nima qilaylik? Taslim boʻlib xotin-gizlarimiz jonini omon saglab golavlikmi vo urushib barchamiz halok boʻlavlikmi?" deva murojaat qiladi. Koʻpchilik bir ovozdan "Taslim boʻlaylik, yoʻqsa, qamalda ochlik va suvsizlikdan baribir oʻlib ketamiz", deydi. Faqatgina bir temirchi yigit "Yoʻq!" deydi. U yovga taslim boʻlib, Vatan sha'nini bulg'ashdan ko'ra, uni himoya qilib oʻlishni afzal koʻradi. Dushman qoʻshini tomon bir oʻzi jangga otiladi. Keyin-chi, keyin? Jangda kim yengadi bobo, kim? – shoshiradi boboni nabirasi,

– Albatta, vatandoshlarimiz, turonliklar! Oʻsha temirchining ismi Turon edi. Turonliklar sen bilan mening bobolarimiz, momolarimiz boʻlgan, bolam.

Bobo hikoyasini tugatgandan soʻng, uzoq muddat sukutga choʻmdi. Bolaning boʻlsa, nigohlarida hayrat qotib qolgandi. Birpas oʻtib, bobo yana davom etdi:

 Bu – Vatan haqida qoʻshiq boʻladi, bolam.
 Uni yodlab olgin-u, aslo unutmagin. Kun kelib esa, uni hikoya qilib berish gali senga yetadi.



1. Bobo nabirasiga qanday voqeani hikoya qilib berdi?

2. "Bu – Vatan haqida qoʻshiq boʻladi, bolam. Uni yodlab olgin-u, aslo unutmagin", deganda nimani angladingiz?

#### May dasturxoni

Chalib nogʻora, karnay, Dasturxon yozibdi may. Mehmonlari bir talay Kelishsin-da kechikmay.

Sim qoqibdi qulupnay, Olchaga der: "Aylanay, Boramizmi bazmga? Gilosxon yonimda shay!"

Tut toʻkilibdi tap-tap, Dovcha kelibdi sakrab. Oʻrik, olma sal shoshib, Borar daraxt, bogʻ oshib.

Bodringjon va rediska Yoʻl yuribdi har kecha. Sabzi, piyoz, bulgʻori Sabzavotlar ilgʻori.

Goʻzal Begim

Koʻk koʻylak kiygan karam Etagi par-par biram. Pomidor kartoshkaga Der: "Hammadan men koʻrkam".

Qovun, tarvuz palakda, Anor xola pinakda. Uzum "oh" tortib qoʻyar, Mayning tirnogʻin boʻyar.

Barcha izzat-ikromda Qozonxon-u likopda. Etakchasin taqib may, Xizmat qiladi tinmay.

1. She'rni ifodali oʻqing.
2. She'rda mevalar, sabzavotlar, poliz ekinlari haqida nimalar deyilgan?

# Boʻlim yuzasidan takrorlash

1. "Bolakaylarning yuzlarida quyosh porlardi, quyosh! desam, ularning sevinchlarini aniqroq ifodalagan boʻlaman". Bu jumla qaysi hikoyada uchraydi?

2. Koʻchalar ta'rifi qaysi shoir ijodida uch-raydi?

3. "Oq tumshuq" hikoyasida it egasini qanday qutqarib qoldi?

4. "Chin doʻst" mavzusida matn tuzing.



# YOZ - O'TADI SOZ



Yoz zavqi

Ravshan Isoqov

Yoz boshqacha-da. Nega deysizmi? Axir oʻquvchilar oʻquv yilini tugatib, eng katta ta'tilga chiqishadi-da.

Yozda ertalabdanoq quyosh qizdira boshlaydi. Kunlar uzundan uzun, tunlar bir tutam – qisqa boʻladi. Bogʻlarda mevalar pishadi. Polizlardagi pishiqchilikni aytmaysizmi?

Yoz bizning oʻlkamizda issiq boʻlsa ham, nega unda bolalar yozni yoqtirishadi? Chunki ta'til paytida bolalar goʻzal tabiat quchogʻida joylashgan oromgohlarda, togʻ yonbagʻirlarida 198 miriqib dam olishib, kuch-gʻayratga toʻlib, sentabrda yana maktabga qaytishadi.

Yozda vana suvlar iliq boʻladi. Bundav suvayniqsa, togʻlardan oqayotgan larda. zilol. muzdek suvlarda cho'milish maza-da! Ko'l va anhor boʻvlari, choʻmilish havzalari shoʻx งล shodon bolalarning beg'ubor giygiriglariga to'lib ketadi. Istirohat bog'lari har qachongidan qavjum boʻladi. Turli atraksionlarda uchib. muzgaymog yeyishga nima vetsin.

Yoz oqshomlarida hech osmonga qaraganmisiz? Yulduzlarning koʻpligini...

Bunday tunda hovlida, ariqchadan shildirab oqayotgan suvning qoʻshigʻiga quloq tutib, xayol surib yotish, shirin orzularga berilish qanday maza-ya!

1. Bolalar yozni nima uchun sevishadi? 2. Siz yozgi ta'tilni qanday oʻtkazmoqchisiz?

r

# Hayvonot olamiga sayohat

Sharifa Salimova


# Gorilla

Haybatimdan hurkadi ot, Oʻrmon ketar zirillab. Atrofimda shimpanzelar Xizmat qilar pirillab. Maymunchalar shoʻxlik qilsa, Pand-nasihat qilaman. Bezorilik gilganlarning Jazosini beraman. daraxtdan bu U daraxtga uchib yuraman. Qushdek Yiqilmasin bolajon deb, Kaftim tutib turaman. Salgin oʻrmon. toza havo Mening jon-u dilimdir. Bilsang bolam, sog'lom yashash Eng sehrli ilmdir.



#### Sher

tilida sherlar bilan Sher bolam. Soʻyla, Erkalanib shamol bilan O'yna, bolam. Endi-endi kuchga toʻlib Bormoqdasan. Bir zarb bilan o'ljang tortib Olmoqdasan. Soʻzim shulki, ajdoding Oʻyla, bolam Shaqallarni oʻrmoningga Qoʻyma, bolam.





- 1. She'rni ifodali oʻqing.
- 2. Siz hayvonot bogʻiga
- 3. Yovvoyi hayvonlardan
- borganmisiz? qaysilarini bilasiz?



# llonchaning tugʻilgan kuni

Shukrullo Abdullavev

#### (Ertak)

vana-da xushchaqchaq. Bugun Iloncha Chunbugun uning tugʻilgan kuni. U har kunai ki koʻra, tonggi badantarbiyani odatiga boshladi. u tomonga, bir bu tomonga bilanglab, Bir "Bir-ikki, bir-ikki", deb Kulcha mashq qildi. boʻlib. u yoqdan bu yoqqa dumaladi. Oxirida chiniaish uchun vonidan ogib oʻtavotgan anbir shoʻngʻib chiqdi. "Sogʻ tanda horga soa'lom aql", deb qoʻydi u oʻziga oʻzi. Shu vaqt ortidan do'stlarining jo'r bo'lib aytgan "Tabriklaymiz! Tabriklaymiz!" – degan xitoblarini eshitdi. Bir vaqt ortiga qarasa, doʻstlari erkatoy to'tiqush Ruri-Ruri, sergap maymuncha Moli-Moli, chopgir shalpanggulog guyonvoy Chopi-Chopi, rahmdil tipratikan Tipa-Tipa, tinibtinchimas mitti olmaxon Saki-Saki do'llarida moʻjazgina sovq'alari bilan turishardi.

Do'stlarim, sizlarni ko'rganimdan bag'oyat \_\_\_\_ deva lloncha guvonib shodman. – ketdi. soʻng llonchani tabriklash Shundan marosimi Do'stlar navbat bilan kelib, llonchaboshlandi. ga oʻzlarining sovgʻalarini tuhfa eta boshladilar.

Do'stim, - dedi to'tiqush Ruri-Ruri gapini dona-dona gilib. – sen uchun oʻrmondagi 201

kitob doʻkonidan "Ertaklar olami"ni alohida tanlab oldim. Buni oʻqigach, sen ulgʻayib, eng donishmand ilonga aylanasan.

 Rahmat, – dedi Iloncha, – qiziqarli ertaklarni juda-juda yaxshi koʻraman. Biroq hali oʻqishni bilmayman-ku.

 Hech-qi-si yoʻoʻq! – dedi toʻtiqush Muri-Muri gapni choʻzib gapirgancha, – senga hammamiz bir boʻlib, oʻqishni oʻrgatamiz.

– Bu senga, – dedi sergap maymuncha Moli-Moli Ilonchaga bir juft krossovka uzatarkan.

 Zoʻr-ku, – dedi lloncha sovgʻadan koʻzi quvnab, – men xuddi shunaqasini orzu qilardim. Ayniqsa, bunda sport bilan shugʻullanish yanada zavqli. Rahmat senga, doʻstim.



Mana bu koʻzoynakni taqsang, haqiqiy
 koʻzoynakli ilonchaga aylanasan va dono boʻ lib koʻrinasan, – deya chopqir shalpangquloq
 quyonvoy Chopi-Chopi sovgʻasini uzatdi.

Koʻzovnakning chirovliligini gara. Shu bilan birga, bu koʻzlarimni oftobdan hiham moya qiladi, – dedi lloncha shodon boʻlib Tugʻilgan kuning bilan tabriklayman. Olgin-u, oldirma, nasibangni yerda goldirma. Cho'milib, oftobda toblanayotganingda mana bu kerak boʻladi. soyabon senga rosa deva \_ rahmdil tipratikan Tipa-Tipa Ilonchaga sovasovq'a gildi. bon

Mana buni haqiqiy sovq'a desa bo'ladi, -\_ boʻlib ketdi lloncha. Bu xursand \_\_\_\_ meni yomgʻir va qordan, quyosh nuridan himova giladi. Endi men soyabon ostida do'stlarim yomgʻir yogʻayotganda kitob oʻqibilan ham mumkin. shim

Olmaxon Saki-Saki Ilonchaga olib kelgan qoʻlqopni tuhfa qildi:

– Doʻstim, bu qoʻlqop seni sovuqdan asraydi.

Rahmat, kuyunchak doʻstim olmaxon, sovgʻangdan boshim koʻkka yetdi.

lloncha bu damlarda gʻoyat shod edi. Bunga sabab, avvalo, tugʻilgan kuni, keyin esa barcha doʻstlari uning yonida ekanligi koʻnglini quvonchga toʻldirardi.

Shu vaqt osmondan Turnavoyning "qur-qur"i eshitildi. U llonchaga tumshugʻida kattakon bir tortni olgancha uchib kelardi.

– Iloncha, tugʻilgan kuning qutlugʻ boʻlsin!
 Oramizdagi doʻstlik aslo yoʻqolmasin, – deya
 Turnavoy Ilonchani qutladi.

 Rahmat, Turnavoy, – dedi Iloncha, –
 men bugun juda ham baxtiyorman. Chunki mehribon doʻstlarim davrasidaman. Mana qara, sen kabi doʻstlarim menga ajoyib sovgʻalarni olib kelishdi, – deya Iloncha Turnavoyga doʻstlarining sovgʻalarini koʻrsata boshladi.

1. Ertakni rollarga boʻlib oʻqing.

2. Ilonchaga doʻstlari qanday sovgʻalar olib kelishdi?

#### 2

 Mana bu ertaklar kitobini, erkatoy to'tiqush Ruri-Ruri tuhfa qildi. To'g'ri, men hozir o'qishni bilmayman. Ammo siz – do'stlarim, menga o'qishni o'rgatasiz. Shundaymi?!

 Albatta! – deyishdi barchalari joʻr boʻlib.
 Mana bu krossovkani sergap maymuncha Moli-Moli sovgʻa qildi. Buni men kiyib, miriqib futbol oʻynayman. Chunki u bilan rosa tez chopaman...

lloncha shunday dedi-yu, krossovkani oyoqlariga kiymoqchi boʻldi, ammo u oyoqlari yoʻq-204 ligidan xijolat tortib qoldi. Hamma jim boʻlib qoldi. Quyonvoy shu vaqtda llonchaning koʻnglini koʻtarishga kirishdi:

 – Iloncha, toʻgʻri, sen tez chopolmasliging mumkin. Ammo sen shiddat bilan oʻrmalaganingda, hatto mendek chopagʻonni ham ortingda qoldirib ketasan.

Barcha doʻstlar Quyonvoyni qoʻllab, llonchaning koʻnglini koʻtarishdi.

llonchaning bundan chiroyi yorishib ketdi. – Quyonvoy, – dedi shunda lloncha, – gaping toʻgʻri. Kel, yaxshisi, shu krossovkani senga sovgʻa qilay. Sen buni kiyib astoydil shugʻullanasan, sendan umidimiz katta, sen yugurish boʻyicha hali oʻrmon chempioni boʻlishing lozim.

Mayli, sen aytgancha boʻla qolsin, –
 dedi Quyonvoy. – Ammo shuni bilib qoʻy,
 men oʻrmon chempioni boʻlib tanilib ketga nimdan soʻng birinchi boʻlib senga dastxat
 beraman, xoʻpmi?!

Quyonvoy krossovkani kiyib, u yoqdan bu yoqqa yugurib koʻrdi va "Juda qulay!" – deya qoʻshib qoʻydi.

 Mana bu koʻzoynak Quyonvoyning sovgʻasi, – dedi xursand boʻlib lloncha. Shu damda u koʻzoynakni taqmoqchi boʻldi. Shunda oʻylanib qoldi: "Koʻzoynak taqish uchun quloqlar boʻlishi kerak. Ammo menda ular yoʻq. Shu sababli uni Maymunchaga sovgʻa qilganim yaxshi".

 Men bu koʻzoynakni Maymunchaga sovgʻa qilaman, – dedi saxiy Iloncha. – U koʻzoynak taqib, daraxtlar ustida oʻtiradi va uzoqdan kimlar kelayotganligini bizga aytib turadi.

Sergap maymuncha Moli-Moli koʻzoynakni taqib u yoniga, bu yoniga, tepaga qaradi va tishlarini chiqarib, lunjini shishirib, chapak chalib kuldi.

Tipratikan unga qarab:

– Qoyil, naq professorning oʻzi boʻlding! – dedi.

Mana bu soyabonni Tipratikan olib keldi,
 ammo men uni koʻtarib yurolmayman. Chunki
 astoydil oʻrmalagan chogʻimda soyabonni tutib
 turolmayman. Shu sababli soyabonni Olma xonga sovgʻa qilaman. Olmaxon ba'zan yon gʻoqlarni terayotganda yomgʻir quyib yuboradi.

Bu bilan u yomgʻirda ham bemalol yongʻoq teraveradi.

Olmaxon bundan xursand boʻlib, shoxlar ustida dikir-dikir oʻyinga tusha boshladi:

– Endi mening ham soyabonim bor!

– Mana bu qoʻlqopni Olmaxon sovgʻa qildi. Buni Tipratikanga beraman. Chunki u turli 206 mevalarni oʻrmondan terib kelib, barchamiz uchun shirin murabbolar tayyorlaydi.

Unga shirinliklarni tayyorlashda mana bu kabi nozik va ixcham qoʻlqopcha kerak.

– Iloncha, aslida biz sening tugʻilgan kuningga sovgʻalar olib kelgandik, biroq bunchalar koʻp hadyalar bilan uyga quvonib ketish xayolimizga ham kelmagan ekan. Aytganingdek, sen bergan qoʻlqopcha orqali mevalardan shirin murabbolar tayyorlayman.

 Xullas, do'stlarim, endi navbat Turnavoy olib kelgan tortga! – dedi iloncha.

Ha, bunday antiqa tugʻilgan kunni shu vaqtgacha hech kim koʻrmagan ekan.

Chunki tugʻilgan kunga doʻstiga sovgʻa koʻtarib borgan mehmonlar oʻz uylariga oʻzgacha tuhfalar bilan qaytibdilar. Bu kunni koʻp yillardan beri oʻrmon jonzotlari bir-birlariga gapirib yurisharkan.

!?

Ertakdan qanday xulosaga keldingiz?
 Ertak qahramonlarini rasmda aks ettiring.



## Oʻquvchilar oromgohida

Anvar Obidjon

Bahodir dam olishga Ketmoqda edi. Kuchukchasi:

"Vov... Men ham Boraman". dedi. Ola ketdi bolakay, Do'stini birga. Tushda vetib borishdi Koʻm-koʻk adirga. Bahodirni e'zozlab, Kutib olishdi. Kuchukni ham tez kunda Sevib golishdi. Chunki qoʻshiq mashq qilsa, Bolalar agar Akillardi joʻr boʻlib, Quvnoq Olapar. Goh hammaga qoʻshilib, O'vnardi futbol. U yoki bu tomonga Urar edi gol. Shaxmatga ham ozmi-koʻp Yetardi fahmi \_\_\_\_ Koʻp yutqazgan bolaga Kelardi rahmi. Sanalardi savilda safboshi. Jasur Boshqalardan gattigrog Edi bardoshi. Turar edi gatorga Tizilganda saf.

Ovgat hagda gap ketsa, Yalar edi lab Bo'vsunardi tartibga, Chalinsa gorn Darrov soʻri ostidan Olardi oʻrin Uni maqtar edilar Qorovul. farrosh: Buncha esli boʻlmasa!.. Bunchayam yuvosh!.. \_ Yangi doʻstlar topib u, Edi shod-xurram. Afsus, o'tib ketarkan Tezda bir oy ham. Ketar payti xushlashib Qoldi bolalar: Seni eslab yuramiz... – Xavr, Olapar!

- 1. She'rni ifodali oʻqing.
  - 2. Bolalar oromgohda qanday dam oldilar?
  - 3. Nima uchun bolalar Olaparga "Seni eslab yuramiz", deyishdi?
  - 4. Siz yozgi ta'tilni qanday o'tkazmoqchisiz?



14-Oʻqish kitobi, 3-sinf

## MUNDARIJA

#### Biz buyuk yurt farzandimiz

Vatan madhi. Orif Toʻxtash	3
Yurtim jamoli. Dilshod Rajab	4
Yangi uy. Hamidulla Murodov	
Vatan desam Ulugʻbek Hamdam	8
Opa-singil daryolar. <i>Goʻzal Begim</i>	
Obod mahalla boʻylab. Kavsar Turdiyeva	12
Vatanni tanish. Muhabbat Hamidova	13
Savollarga javoblar. Xolmurod Safarov	15
Yaxshilik ketidan yaxshilik keladi. Xudoyberdi Toʻxtaboyev	16
Boʻlim yuzasidan takrorlash	18

#### Saxovatli kuz

Kuz saxovati. Sharifa Salimova	19
Uzumlar oilasi. Tolib Yoʻldosh	20
Olma. Mahmud Murodov.	22
Fasllar. Ravshan Isoqov.	24
Bobur va kabutar. (Rivoyat).	25
Oʻqituvchining oʻgitlari. Anvar Obidjon.	27
Xazonchinak. Oʻtkir Hoshimov.	28
Hosil bayrami. Zahro Hasanova.	30
Ilmli ming yashar. Nurmat Maqsudiy.	31
Oltin kuzim. Poʻlat Moʻmin.	33
Qizcha va qargʻalar. Normurod Norqobilov	34
Bo'lim yuzasidan takrorlash.	36
210	

#### Maktabim – qutlugʻ makonim, Kitobim – buyuk imkonim

Kitob, mening do'stimsan. Zafar Diyor	37
Vaqting ketdi – naqding ketdi. Kavsar Turdiyeva	38
Donishmand quyon va kichkintoy jirafa. Faxriddid Hayit	42
Ona tilim. Tursunboy Adashboyev	43
Unutilmas bayram. (Hikoya). Erkin Malikov	45
Xoʻroz nega uchmaydi. Zulfiya Moʻminova	46
Hisobda adashgan bola. (Hikoya) Zamira Ibrohimova	49
Chalavoyning to'la tushi. Olqor Damin	52
Jumboq hikoya. <i>Muhabbat Hamidova</i>	54
Boʻlim yuzasidan takrorlash	55

#### Hunar – hunardan rizqing unar

Hunarni sev. Tolib Yoʻldosh	56
Bahs. Sunnatilla Anorboyev	57
Mohir qoʻllar qoʻshigʻi. <i>Tolib Yoʻldosh</i>	60
Ilmning omonati. (Rivoyat)	61
Bordir kulol amakim. Obid Rasul	62
Bobongiz xafa boʻlsalar maylimi? Mirzakalon Ismoiliy	64
O'n tilla mukofot haqida ertak. Anvar Obidjon	66
Gʻoz – hunaring oz. Sobit Gʻafurov	69
Boʻlim yuzasidan takrorlash	71

#### Goʻzal qish manzarasi

Kumush fasl. <i>Zikrilla Ne'mat</i>	. 72
Qor alyori. <i>Dilshod Rajab</i>	74
Chana. Oʻtkir Hoshimov	75
Qish ham chiroyli. <i>Quddus Muhammadiy</i>	.77
Bosh qomus kitobimiz. <i>Dilshod Rajab</i>	.79
Qish ertagi. <i>Aziza Ahmedova</i>	80
Laylak qor. <i>Orif Toʻxtash</i>	85

Qish boʻlmasa-chi? Yayra Sa'dullayeva	86
Momiq qor. Poʻlat Moʻmin	88
Qorparcha. Oydinniso	89
Ayamajiz. Qudrat Hikmat	93
Qorboboga elektron maktub. Zamira Ibrohimova	94
Yangi yil archasiga. Dilfuza Komoljonova	96
Bo'lim yuzasidan takrorlash.	97

# Vatan himoyachilari

Vatanimga xizmat qilaman. Zikrilla Ne'mat	
Balli buva. Yusuf Fayzullo	
Bugun bolasiz, ertaga askar boʻlasiz (Suhbat)	101
Sport maktabi. Anvar Obidjon	103
Bobonur. Safar Barnoyev	104
Notinch mamlakatlarda. Zahro Hasanova	106
Vatan himoyachisi. Shukrullo Abdullayev	107
Boʻlim yuzasidan takrorlash	109

# Ulugʻlardan oʻrganmoq – oqillik

110
111
112
115
117
118
120
121
123
124
125
126
127

# Xalq ogʻzaki ijodi

#### Oʻyin qoʻshiqlari

Sanama	128
Chillak	128
Chittigul	129
Arra-marra.	
Magollar	131
Topishmoqlar	132
Qush ini. (Rivoyat)	133
Halollik. (Oʻzbek xalq ertagi)	
Donishmand yigit. (Oʻzbek xalq ertagi)	
Ahillik – ulugʻ baxt. (Qirgʻiz xalq ertagi)	

#### Zumrad bahor nafosati

Siz bunga qodirsiz. Yusuf Fayzullo	141
Bahor yaqin. Zafar Diyor	143
Oyijonlar, onalar. Kavsar Turdiyeva	144
Tabiat bilan suhbat. (Rivoyat)	145
Bahor keldi. Quddus Muhammadiy	147
Varrak. Yoʻldosh Shamsharov	148
Soy suvi haqida ertak. Zohir A'lam	151
Bogʻim. Habib Rahmat	152
Beminnat yordam. (Rivoyat)	153
Navroʻz keldi. Dilshod Rajab	154
Boʻlim yuzasidan takrorlash	155

#### Jahon bolalar adabiyoti

Myunxauzenning boshidan kechirganlari. Erix Raspe 1	56
Moychechak. Tavfiq Fikrat 1	60
Uch aka-uka va baxt. Ilvira Daukayeva 1	61
Kasblarning rangi qanaqa? Janni Rodari 1	65
Pinokkioning sarguzashtlari. Karlo Kollodi 1	66
Anbe va Ranbe. (Hind xalq ertagi)1	170
Bahs. Anvarbek Duysinbiyev1	173
Mittivoy va Karlson. Astrid Lindgren1	174

Dogʻda	qolgan	qargʻa.	(Laos	xalq	ertagi)	
Boʻlim	yuzasida	in takro	rlash			

#### Tinchlik va doʻstlik boʻlsin barqaror

Tilak. Faxriddin Hayit	. 181
Koʻprik ustidagi doʻst. Ulugʻbek Hamdam	. 182
Inson insonga o'rtoq. Hamidulla Yoqubov	. 186
Do'stlikning bahosi. "Tarbiya kitobi" dan	. 187
Tinchlik koʻchasi. Kavsar Turdiyeva	. 189
Ahillik koʻchasi. Kavsar Turdiyeva	. 189
Oq tumshuq jasorati. Hamidulla Murodov	. 190
Vatan haqida qoʻshiq. Ulugʻbek Hamdam	. 194
May dasturxoni. Goʻzal Begim	. 196
Boʻlim yuzasidan takrorlash	. 197

#### Yoz – oʻtadi soz

Yoz zavqi. Ravshan Isoqov 198	o
Hayvonot olamiga sayohat. Sharifa Salimova 199	9
Ilonchaning tugʻilgan kuni. Shukrullo Abdullayev	1
Oʻquvchilar oromgohida. Anvar Obidjon	7

#### Umarova M.

81.2-93Oʻqish kitobi [Matn] : 3- sinf uchun darslik / M. Umarova,Oʻ 97X. Xamrakulova, R. Tojiboyeva; mas'ul muharrir U. Hamdamov.4-nashri. – Toshkent : "Oʻqituvchi" NMIU, 2019. – 216 b.ISBN 978-9943-22-349-3

#### UO'K: 373.3.016:821-82(075.2) KBK 81.2-93

#### MUHABBAT UMAROVA XURSHIDA XAMRAKULOVA RA'NO TOJIBOYEVA

#### O'QISH KITOBI

Umumiy oʻrta ta'lim maktablarining 3-sinfi uchun darslik

4-nashri

"Oʻqituvchi" nashriyot-matbaa ijodiy uyi Toshkent — 2019

Muharrir *Z. Inyaminova* Badiiy muharrir *Sh. Toshturdiyev* Texnik muharrir *N. Niyozmuhamedova* Musahhih *E. Najimova* Kompyuterda sahifalovchi *Sh. Ahrorova* 

Nashriyot litsenziyasi Al № 012. 20.07.2018. Original-maketdan bosishga ruxsat etildi 29.04.2019. Bichimi 70×90<sup>1</sup>/<sub>16</sub>. Kegli 14 shponli. AG Helvetika garniturasi. Ofset bosma usulida bosildi. Ofset qogʻozi. Shartli b. t. 15,79. Hisob-nashriyot t. 9,7. Adadi 64 083 nusxa. Buyurtma №

Oʻzbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligining "Oʻqituvchi" nashriyot-matbaa ijodiy uyi. Toshkent — 206, Yunusobod tumani, Yangishahar koʻchasi, 1-uy. Shartnoma № 234 – 18

#### ljaraga beriladigan darslik holatini koʻrsatuvchi jadval

T/r	Oʻquvchining ismi va familiyasi	Oʻquv yili	Darslik- ning olingan- dagi holati	Sinf rahbari- ning imzosi	Darslikning topshiril- gandagi holati	Sinf rahbari- ning imzosi
1						
2						
3						
4						
5						

Darslik ijaraga berilib, oʻquv yili yakunida qaytarib olinganda yuqoridagi jadval sinf rahbari tomonidan quyidagi baholash mezonlariga asosan toʻldiriladi:

Yangi	Darslikning birinchi marotaba foydalanishga berilgandagi holati.
Yaxshi	Muqova butun, darslikning asosiy qismidan ajralmagan. Barcha varaqlari mavjud, yirtilmagan, koʻchmagan, betlarida yozuv va chiziqlar yoʻq.
Qoniqarli	Muqova ezilgan, birmuncha chizilib, chetlari yedirilgan, darslikning asosiy qismidan ajralish holati bor, foy- dalanuvchi tomonidan qoniqarli ta'mirlangan. Koʻchgan varaqlari qayta ta'mirlangan, ayrim betlariga chizilgan.
Qoniqarsiz	Muqova chizilgan, yirtilgan, asosiy qismidan ajralgan yoki butunlay yoʻq, qoniqarsiz ta'mirlangan. Betlari yirtilgan, varaqlari yetishmaydi, chizib, boʻyab tashlan- gan. Darslikni tiklab boʻlmaydi.